

Uku pillugit siunnersuummut missingiut

**Meeqqat inatsiseqartitaanerannik Kalaallit Nunaanni inatsisip
atorunnaarsinneqarnera pillugu inatsit aamma aappariilerneq
aappariikkunnaarnerlu pillugit Kalaallit Nunaanni inatsisip, angajoqqaat
akisussaanerat pillugu inatsisip aamma Kalaallit Nunaanni
eqqartuussisarnermik inatsisip allanngortinneqarnissaa pillugu
inatsit**

(Meeqqat pillugit inatsisip amma meeqqat pilersorneqarnissaat il.il. pillugit inatsisip
Kalaallit Nunaannut atortuulersinneqarnerisa kingunerisaanik allannguinerit)

Isumaginninnermut- Utoqqarnullu Ministereqarfik

§ 1

Inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsit atorunnaarsinneqassaaq.

§ 2

Kalaallit Nunaanni Aappariilerneq aappariikkunnaarnerlu pillugit inatsimmi, kunngip peqqussutaatigut nr. 307-imi 14. maj 1993-imeersukkut atuulersinneqartumi, kunngip peqqussutaatigut nr. 321-imi 26. april 1996-imeersukkut kunngip peqqussutaatigut nr. 197-imi 7. marts 2016-imeersukkut, kunngip peqqussutaatigut nr. 679-imi 6. juni 2016-imeersukkut, kunngip peqqussutaatigut nr. YY-kkut YY¹-imeersukkut aamma inatsisikkut nr. XX-imi XX²-imeersukkut allanngortinneqarsimasumi tulliuuttut allanngortinneqassapput:

1. § 34, imm. 2-mi, oqaaseqatigiinni siullerni peerneqassaaq », 42«.
2. § 34, imm. 2-mi, oqaaseqatigiit aappaanni », aamma § 42, imm. 2«.
3. §§ 42 aamma 45 atorunnaarsinneqassapput.

§ 3

Inatsimmik nalunaarut nr. 1768, 30. november 2020-immersoq malillugu angajoqqaat akisussaanerat pillugu inatsimmi, tulliuuttoq allanngortinneqassaaq:

¹ Aappariit pigisaasa agguarnerat il.il. pillugit inatsisip Kalaallit Nunaannut atortuulersinneqarnissaanut peqqussutissatut missingiut, Inatsisartut upernaakkut ataatsimiinneranni immikkoortoq 131-itut saqqummiunneqarsimasoq.

² Kalaallit Nunaanni eqqartuussisarnermik inatsisip, Kalaallit Nunaanni meeqqat inatsiseqartitaanerannik inatsisip, Kalaallit Nunaannut atuutilersinneqarneranut inatsisip aamma aappariinerup atuutileraneranut aamma atuukkunnaarneranut Kalaallit Nunaannut inatsisip allanngortinneqarnissaanut inatsit aappariinnerup inatsisitigut sunniutai pillugit inatsisip (Allannguutit Kalaallit Nunaanni kingornussisarnermut inatsip nutarteriffigineqarnerata kingorna), Inatsisartunut upernaakkut 2022 katersuunnerannut oqaluuserisassatut pkt. 158-tut qaqinneqartoq.

1. § 49-imi imm. 2-tut ikkunneqassaaq:

»Imm. 2. §§ 6-imi aamma 7-imi ilaasut, imm. 1 malillugu Kalaallit Nunaannut atortuulersinneqarsimangitsut, Kalaallit Nunaanni pissutsit pissutigalugit allanngortitsinerit ilanngullugit, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinneqarsinnaapput.«

Inatsiseqarnermut ministereqarfik

§ 4

Inatsimmik nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermik inatsimmi, kingusinnerusukkut kingullerpaamik inatsisikkut nr. 572-imi 10. maj 2022-imeersukkut allanngortinneqartumi, tulliuuttut allanngortinneqassapput:

1. § 9, imm. 1, 1. Oqaaseqatigiinni siullerni, aamma § 55-imi »ataatassarsiuineramik suliat« allanngortinneqassapput imaalillugit: »ataataassuseq aamma anaanaaqataassuseq pillugit suliat«.

2. § 20, imm. 4, nr. 1-imi, aamma § 54, nr. 5-imi »Ataatassarsiuineramik suliat« allanngortinneqassapput imaalillugit: »Ataataassuseq aamma anaanaaqataassuseq pillugit suliat«.

3. Kapiteli 26 ima oqaasertalersorneqassaaq:

»Kapiteli 26

Ataataassuseq aamma anaanaaqataassuseq pillugit suliat

§ 272. Meeqqanut ataataassuseq aamma anaanaaqataassuseq pillugu suliani kapitalimi uani malittarisassat atorineqassapput, matumani sulianik taamaattunik suliareqqitassanngortitsinerit ilanngullugit.

§ 273. Pisuni tulliuuttuni ataataassuseq anaanaaqataassuserluunniit pillugu suliaq Kalaallit Nunaanni najukkami eqqartuussivimmu suliaq Kalaallit Nunaanni najugaqarpat imaluunniit meeraq Kalaallit Nunaanni najugaqarpat.

1) Meeqqamik inunngortitsisoq Kalaallit Nunaanni najugaqarpat imaluunniit meeraq Kalaallit Nunaanni najugaqarpat.

2) § 274, imm. 1, nr. 3, malillugu inuk suliami peqataasoq Kalaallit Nunaanni najugaqarpat, imaluunniit inuup toqusimasup pigisai pillugit Kalaallit Nunaanni suliarinnittoqarpat imaluunniit suliarinnittoqarsimappat.

3) Meeqqat pillugit inatsimmi kapitali 1 imaluunniit 1 a malillugit ataataassuseq imaluunniit anaanaaqataassuseq Kalaallit Nunaanni nalunaarsorneqarsimappat, meeqqat pillugit inatsimmi § 14 imaluunniit 19 malillugit akuersissutigineqarsimappat imaluunniit eqqartuussut malillugu aalajangersarneqarsimappat.

Imm. 2. Inummit, meeqqat pillugit inatsimmi § 6 imaluunniit § 6 a malillugit, pineqartup meeqqamut ataataanerluni anaanaaqataanerluniluunniit misissuisoqarnissaanik piumasaqarsinnaatitaasumit, meeqqamik inunngortitsisoq aamma meeraq Kalaallit Nunaanni najugaqarpat, qinnuteqarneq malillugu suliaq taamaallaat Kalaallit Nunaanni najukkami eqqartuussivimmu suliaq Kalaallit Nunaanni najugaqarpat, taamaattoq immikkoortoq 3 takuuk.

Imm. 3. Naalagaaffimmik allamik isumaqatigiissuteqarnikkut imm. 1-imi aamma 2-mi malittarisassat avaqqunneqarsinnaapput.

§ 273 a. § 272 malillugu meerartaarsimasup najugaani eqqartuussisoqarfimmu, Naalagaaffiup Sinnisuata suliaq saqqummiutissavaa. Kalaallit Nunaanni pineqartoq najukkami eqqartuussisoqarfimmu saqqummiunneqarsinnaanngippat, § 274, imm. 1, nr. 3, malillugu peqataasup najugaqarfiani suliaq eqqartuussisoqarfimmu saqqummiunneqassaaq. Peqataasut arlaqarpata, najukkami eqqartuussivik sorleq suliamik saqqummiussiffiqeqassanersoq Naalagaaffiup Sinnisuata aalajangissavaa. Peqataasuut arlaannaalluunniit Kalaallit Nunaanni najukkami eqqartuussivimmu saqqummiussisinnaatitaanngippata, najukkami eqqartuussivik sorleq, suliamik saqqummiussiffiqeqassanersoq Naalagaaffiup Sinnisuata aalajangissavaa.

Imm. 2. Suliap tassani suliarineqarnissaa naleqqunnerpaappat, najukkami eqqartuussiviup suliamik saqqummiussiffigineqartup, najukkami eqqartuussivimmut allamut suliap suliarineqarnissaa innersuussutigisinnaavaa.

§ 273 b. Naalagaaffiup Sinniisaaniit suliaq eqqartuussivimmit tiguneqarpat, suliaq najukkami eqqartuussivimmut saqqummiunneqartutut isigineqassaaq.

§ 274. Suliami peqataasut tassaapput tulliuuttut:

- 1) Meeraq imaluunniit meeqqap toqunermini pigisaasa aqutsisua.
- 2) Meeqqamik inunngortitsisoq, imaluunniit pineqartup toqunermini pigisaasa aqutsisua.
- 3) Meeqqat pillugit inatsimmi § 17 malillugu, inuk imaluunniit inuit, imaluunniit toqusut pigisaasa aqutsisui suliami ilanngunneqartussat.

Imm. 2. Peqataasoq 18-t inorlugit ukioqarpat, peqataasoq sinnerlugu angajoqqaatut akisussaaitaasoq sassassaaq. Aammattaaq, nammineersinnaassusiiagaasimaneq aamma angajoqqaatut akisussaaitaasumik isumasiueqqaarluni pisuussutit pillugit aalajangiisinnaaneq soqutiginagit, peqataasut nammineerlutik sassassapput. Namminersorsinnaanermik inatsimmi §§ 56 aamma 57 malillugit, peqataasup immikkut ittumik angajoqqaatut akisussaaitaasumik peqarnissaa najukkami eqqartuussiviup nalilerpagu, taanna angajoqqaatut akisussaaitaasunngortinneqarsinnaavoq.

§ 274 a. Suliap najukkami eqqartuussivimmut sassartinneqarnera pillugu nalunaarut, eqqartuussiviup iliuseqarneratigut peqataasunut tunniunneqassaaq. Suliap ingerlanneqarnerata nalaani inuk peqataasutut ilanngunneqarpat, taamatutaaq nalunaarut pineqartumut tunniunneqassaaq.

Imm. 2. Peqataasoq toqusimappat, nalunaarut toqusup pigisaasa aqutsisuanut tunniunneqassaaq.

§ 274 b. Inummut peqataasumut taamaaliortoqarnissaanik pisariaqartitsisumut, peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsisinnaavoq. § 137, imm. 1 malillugu tamanut ammasumik nalunaaruteqartoqarsimatillugu, imaluunniit pisuni angajoqqaq taaneqarsimasooq toqusimappat, pineqartoq imaluunniit toqusup pigisaanik aqutsisooq aggersinnaanngippat, suliami ilaasumut inummut, peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsissaaq.

§ 275. Suliap paasissutissanik imaqartinneqarnissaa najukkami eqqartuussiviup isumagissavaa.

Imm. 2. Peqataasut ilisimannittullu tusarniaavigineqarnissaat pillugit aamma suliamik paasisimasalimmit oqaaseqaatit uppernarsaatillu allat pissarsiarineqarnissaat pillugit, najukkami eqqartuussivik nammineerluni aalajangiissaaq. Peqataasut ilisimannittullu eqqartuussiviup nammineerluni aggersassavai.

Imm. 3. Suliap paasissutissanik imaqartinneqarnissaanut najukkami eqqartuussivik politiit ikiussavaat, matumani ataataasinnaasutut- imaluunniit anaanaaqataasinnaasutut taaneqarsimasut ujarneqarneri ilanngullugit

Imm. 4. Kapitali manna malillugu suliani, peqataasup takkutinngitsoonerata imaluunniit akerliliinani takkunnerata sunniutai pillugit inatsimmi matumani aalajangersakkat atuutinngillat.

Imm. 5. Peqataasut takkutitinneqarnissaat suliaput pingaaruteqanngitsutut najukkami eqqartuussiviup nalilerpagu, ilisimannittut peqataasulluunniit allat killisiorneqarnissaannut peqataasut qaaqquneqarnissaat pinngitsoortinneqarsinnaavoq. Eqqartuussinerup piffissami sumi pinissaa aamma sumiiffissaa, killisiuinerup taamaattup qanoq ingerlanneqarnissaa, tamatigut peqataasunut nalunaarutigineqartassaaq, taamaatoq imm. 6 takuuk. Peqataasoq, nammineq kissaatiginnikkuniuk aggertariaqanngitsooq, nalunaarummi oqaatigineqassaaq.

Imm. 6. Peqataasup eqqartuussinermut qaaqquneqarnissaa najukkami eqqartuussiviup pinngitsoortissinnaavaa, imaluunniit peqataasumut allamut imaluunniit suliap paasissutissanik ilaneqarnissaata eqqarsaatigineqarnerisa pisariaqartippassuk, peqataasup eqqartuussinermi tamakkiisumik ilaannakoortumilluunniit isiginnaartuunissaata itigartitsissuginissaa aalajangersinnaallugu. Suliap aalajangiiffigineqartinnagu, pineqartoq paasissutissat saqqummiunneqartut pillugit ilisimatinneqassaaq.

Imm. 7. Meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaaq. § 150-imi aalajangersakkat taamatutaaq atuupput.

§ 276. Meeqqamik inunngortitsisimasooq, meeqqat pillugit inatsimmi § 16 malillugu kiap ataataasinnaanissaa anaanaaqataasinnaanissaaluunniit pillugit najukkami eqqartuussivimmut takkunnissaminut nassuaanissaminullu pisussaaffeqarpoq. § 144, imm. 2, nr. 1-imi, aamma §§ 150-imiit 152 ilanngullugu malittarisassat taamatuttaaq atuupput.

Imm. 2. § 274, imm. 1, nr. 3, mallugit inuk peqataasooq imaluunniit inuit peqataasut, meeqqamik inunngortitsisimasumut, piffissami pineqartup naartulerfiani kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a imaluunniit 27 b malillugit ikiorneqarluni kinguaassiornissamut katsorsarneqarnissamut imaluunniit assigisaanik katsorsarneqarnermik imaluunniit sakkuutit atorlugit naartulersitsinermik akuersissuteqarsimanerlutik, najukkami eqqartuussivimmut takkunnissaminut nassuaanissaminullu pisussaaffeqarput. § 144, imm. 2, nr. 1-imi, aamma §§ 150-imiit 152 ilanngullugu malittarisassat taamatuttaaq atuupput.

Imm. 3. § 160-imi malittarisassat malillugit peqataasooq angalanernut taarsiivigineqarsinnaavoq.

§ 277. Najukkami eqqartuussivimmut akuersinerit eqqartuussisut allattaavianni saqqummiunneqassapput.

§ 278. Peqataasut piomasagaataat pisimasullu pillugit oqaatigisaat eqqarsaatiginagit najukkami eqqartuussivik aalajangiissaaq.

Imm. 2. Inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnaavaa.

Imm. 3. Ima pisoqartillugu najukkami eqqartuussiviup suliaq naammassissavaa:

- 1) Meeqqat pillugu inatsimmi § 19 malillugu ataataassuseq anaanaaqataassuserluunniit akuersissutigineqarpat.
- 2) § 274, imm. 1, nr. 3, malillugu inuit peqataasut ataataasutut anaanaaqataasutulluunniit arlaannaalluunniit eqqartuunneqanngippata.
- 3) Meeqqat pillugit inatsimmi § 7, imm. 2, atorneqartinnagu, meeraq toqusimappat.
- 4) Ataataasutut- anaanaaqataasutulluunniit periarfissat ilisimatitsissutigineqarsimanngippata, kinaassusersineqarsinnaasimanngippata imaluunniit nassaarineqarsinnaasimanngippata.

§ 278 a. Uppernarsaanermut aningaasartuutit § 275 malillugu naalagaaffiup karsianit aningaasartuutigineqassapput. Pissutsit immikkut ittut tunngavissaqartippassuk, aningaasartuutit taakku tamakkiisumik ilaannakoortumilluunniit najukkami eqqartuussiviup peqataasumit taarseqqusinnaavai.

§ 278 b. Eqqartuussinerit matoqqasumik ingerlanneqassapput. Meeqqamik inunngortitsisimasup kissaateqarneratigut, kommunimi sulisoq pineqartoq ilagalugu aggersinnaavoq.

Imm. 2. Eqqartuussutit tamanut ammasumik allaaserineqarneranni, eqqartuussummi taaneqartut inuit arlaannaataluunniit atii, atorfiit najugarisaalluunniit kinaassusaalluunniit allatut tamanut saqqummiunneqassanngillat. Inerteqqummik taassuminnga unioqquitsisoq, pinerluttulerinermi inatsit malillugu pineqaatissinneqassaaq.

Imm. 3. Immikkut ittumik tamanna pillugu najukkami eqqartuussivik aalajangiisimatillugu, suliaq eqqartuussivimmut saqqummiunneqarnera pillugu nalunaarutiginninnermi, § 137 malillugu aggeqqusinermi aamma eqqartuussutini, meeqqamik inunngortitsisup atia, aamma meeqqap atia taamaallaat § 137, imm. 1, malillugu tamanut ammasumik nalunaaruteqarnermi ilanngunneqarsinnaapput.

Imm. 4. Meeraq qitornavissianngortinneqarsimappat, angajoqqaajusullu qitornavissiaartaartut atii naluppassuk, qitornavissiaartaartut atii, peqataasut ilisimannittullu atii eqqartuussisut allattaaviinit takussutissiani imaluunniit eqqartuussiviup aalajangiinerini ilaatinneqassanngillat.

§ 278 c. Ataataassuseq anaanaaqataassuserluunniit aalajangerneqarpat, suliarluunniit taamaatitinneqarpat, najukkami eqqartuussiviup piaarnerpaamik Naalagaaffiup Sinnisua nalunaarfigissavaa. Eqqartuussisut allattaaviannut saqqummiunneqartumik akuersinerup assilineranik nalunaarut ilaqartinneqassaaq imaluunniit eqqartuussummik ilaqartinneqassalluni, eqqartuussisut allattaaviata assilineranik aamma inuttut uppernarsaatit suliami saqqummiunneqarsimasut assilinerinik ilaqartinneqassalluni.

Imm. 2. Eqqartuussummik nalunaarutiginninneq najukkami eqqartuussiviup isumagissavaa.

§ 279. Suliareqqitassanngortitsineq najukkami eqqartuussivimmut nalunaaruteqarnikkut pissaaq. Eqqartuussisut allattaaviannut nalunaaruteqarneq oqalulluni pisinnaavoq. Nalunaarut imaluunniit oqaaseqatigiit aappaanni pisut taaneqartut pillugit, eqqartuussisut allattaaviata assiliner aamma suliami uppersaatiit najukkami eqqartuussiviup Nunatta Eqqartuussisuuneqarfianut nassiuutissavai.

Imm. 2. Suliareqqitassanngortitsinermi malittarisassat kapitalimi uaniittut pisariaqartinneqartumik oqilisaavigalugit atorneqassapput.

Imm. 3. Suliareqqitassanngortitsinermi piffissaliussat apeqqutaatinnagit, najukkami eqqartuussivimmi peqataasutut ilanngunneqarsimasut kikkulluunniit, Nunatta Eqqartuussisuuneqarfiata suliareqqitassanngortitsinerup ingerlanneqarnerani ilanngussinnaavai. Inuit allat ilanngunneqarnissaat pillugit apeqqummik saqqummertoqarpat, suliaq najukkami eqqartuussivimmi nutaamik suliareqqitassanngorlugu nassiuunneqarsinnaavoq.«

4. § 283, imm. 1-imi, »§ 448 c« ima allanngortinneqassaaq: »§ 448 f«.

5. § 283, imm. 2-mi, »§ 448 f« ima allanngortinneqassaaq: »§ 448 g«.

6. § 716, nr. 4-imi, »ataataassuseq« kingorna ikkunneqassaaq: »amma anaanaaqataassuseq«.

Atortuulersitsineq il.il.

§ 5

Imm. 1. Inatsit ullormi [...] atuutilissaaq.

Imm. 2. Inatsimmi uani §§ 1 aamma 4 apeqqutaatinnagit, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 1 aamma § 23 a, aamma inatsimmik nalunaarut nr. 1581 decembarip 13-ianni 2016-imeersoq malillugu Kalaallit Nunaanni eqqartuussisarnermi inatsimmi kapitali 26, meeqqanit, inatsisip atuutilerinneqannginnerani inuusimasunit, atorneqassaaq, taamaattoq imm. 3 takuuk.

Imm. 3. Imm. 2 apeqqutaatinnagu, meeqqamut inatsisip atuutilinnginnerani inuusimasumut ataataarsiuineq pillugu suliaq, inatsisip atuutilernerata kingorna meeqqat pillugit inatsimmi § 22 malillugu ataataarsiuinerup suliareqqinneqarnissaa qinnutigineqarpat, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 1 atuutissanngilaq.

Imm. 4. Inatsimmi matumani § 1 apeqqutaatinnagu, toqusoqarneq inatsisip atuutilinnginnerani pismappat, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi §§ 21 aamma 22 atuutissapput. Taamaattoq, inatsisip atuutilinnginnerani pigisat nikisinnagit pigiinnarneqarnissaat pillugit aalajangiisoqarsimatillugu, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi § 21, imm. 2 aamma § 22, imm. 2, aatsaat atorneqarsinnaapput.

Imm. 5. Uani inatsimmi §§ 1 aamma 2 apeqqutaatinnagit, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 2 aamma 3, aamma Kalaallit Nunaanni aappariilernerup aappariikkunnaarnerlu pillugit inatsimmi §§ 42 aamma 45, kunngip peqqussutaatigut nr. 307-imi 14. maj 1993-imeersukkut atortuulersinneqarsimasumi, kunngip peqqussutaatigut nr. 321-imi 26. april 1996-imeersukkut kunngip peqqussutaatigut nr. 197-imi 7. marts 2016-imeersukkut, kunngip peqqussutaatigut nr. 679-imi 6. juni 2016-imeersukkut, kunngip peqqussutaatigut nr. YY-kkut YY-imeersukkut aamma inatsisikkut nr. XX-imi XX-imeersukkut allanngortinneqarsimasumi, meeqqanut akilersuutit aalajangersarneqarnissaat imaluunniit allanngortinneqarnissaat pillugit qinnuteqaatinut inatsisip atuutilinnginnerani tunniunneqarsimasunut atorneqassapput.

Imm. 6. Uani inatsimmi § 1 apeqqutaatinnagu, inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsimmi kapitali 2 aamma 3, meeqqanut akilersuutit pillugit sulianut, tassani Kalaallit Nunaanni meeqqat inatsiseqartitaanerannut inatsit nr. 197, 16. juni 1962-imeersumi § 6, imm. 2 malillugu angut akilersuisussaataasutut isigineqarluni, aamma meeqqanut akilersuutit allanngortinneqarnissaat pillugit qinnuteqaatinut inatsisip massuma atuutilernerata kingorna

tunniunneqarsimasunut, aammattaaq atuutissapput. Qinnuteqaatit taamaattut Kalaallit Nunaanni Naalagaaffiup Sinniisoqarfianit suliarineqassapput.

§ 6

Savalimmiunut Kalaallit Nunaannullu § 3 atuutingilaq.

Inatsisissatut siunnersuummut nassuiaatit

Nassuiaatit nalinginnaasut

1. Aallaqqaasiut

Kalaallit Nunaannut ilaqutariinnut inatsiseqartitsinerup nutarteriffiqineqarneranut atatillugu, meeqqat pillugit inatsit aamma meeqqat pilersorneqarnissaat pillugu inatsit Kalaallit Nunaannut kunngip peqqussutaasigut atuulersinneqassapput. Meeqqat pillugit inatsimmik atortuulersitsinermi aammattaaq anaanaaqataassuseq pillugu inatsimmi aalajangersakkat ilaassapput, taamaalilluni arnat marluk ataatsimoorlutik meeqqamut angajoqqaanngorsinnaaniassammata.

Meeqqat pillugit inatsisip aamma meeqqat pilersorneqarnissaat pillugu inatsisip atuulersinneqarnerisa malitsigisaannik, inatsisissatut siunnersuut manna inatsisit allanngortinneqarneranik imaqarpoq. Kalaallit Nunaanni meeqqat inatsiseqartitaanerannik inatsimmi ataataassuseq aamma meeqqanut akilersuutit pillugit inatsisit atorunnaarsinneqarnerat, aamma Kalaallit Nunaanni aappariilerneq aappariikkunnaarnerlu pillugit inatsimmi meeqqanut akilersuutit pillugit malittarisassat allanngortinneqarneri uani pineqarput, kiisalu ataataassuseq pillugu suliarinnittarnerit pillugit Kalaallit Nunaanni eqqartuussisarnermik inatsimmi malittarisassat naleqqussarneqarnissaat, taamaalilluni inatsisip Kalaallit Nunaannut atortuulersinneqarnerani, meeqqat pillugit inatsimmut naleqquttunngortinneqassammat, matumani Kalaallit Nunaanni eqqartuussisarnermik inatsisip eqqartuussiviit anaanaaqataassuseq pillugu sulianik suliarinnittarnerat pillugu aalajangersakkanik aamma imaqalernissaa ilanngullugu.

[Inatsisissatut siunnersuut Inatsisartut 2022-imi ukiakkut ataatsimiinnerminni akuersissutigaat.]

2. Inatsisissatut siunnersuummi immikkoortut pingaarnerit

2.1. Meeqqat pillugit inatsisip Kalaallit Nunaanni atuulersinneqarnera

2.1.1. Inatsisit atuuttut

Inatsimmik nalunaarut nr. 805, 30. juni 2015-imeersoq malillugu Kalaallit Nunaanni meeqqat inatsiseqartitaanerannik inatsit, inatsisikkut nr. XX-imi XX³-imeersukkat allanngortinneqartoq, (meeqqat pillugit Kalaallit Nunaannut inatsit) ataataatitaaneq (kapitali 1), meeqqanut akilersuutit il.il. (kapitali 2 aamma 3) aamma meeqqat kingornussisussaataaikkut inatsisimanerat (kapitali 4-mi §§ 21 aamma 22) pillugit malittarisassanik imaqarpoq. Aammattaaq piginnaatitsinerit-, atuutiferfissaa- aamma ikaarsaariarnermi malittarisassat pillugit malittarisassanik inatsisip kapitali 4-raa imaqarpoq.

2.1.1.1. Ataataassuseq

Meeqqat pillugit Kalaallit Nunaannut inatsit, meeqqat aappariinnerup iluani inuusimasut pillugit, §§ 1-imiit 5 ilanngullugu, malittarisassanik imaqarpoq. Meeqqanut taakkununga, meeraviusutut taaneqartartunut, anaanaasup aapparisa aamma meeqqamut ataataasutut isigineqartarnera aallaaviuvoq (pater est-imiit taasagaannik malittarisassaq). Taamaattoq tamanna pillugu eqqartuussisutigit suliasanngortitsinikkut, anaanaasup, ataataasup meeqqallu ataataassuseq apeqqusersinnaavaat.

Meeqqat pillugit Kalaallit Nunaannut inatsit, meeqqat aappariinnerup avataani inuusimasut pillugit, §§ 6-imiit 12 ilanngullugu, malittarisassanik imaqarpoq. §§ 7-imiit 9 ilanngullugu meeqqanut taakkununga ataataassuseq aalajangersarniarneqassaaq, aamma meeqqap anaanata meerartaarniarluni politiinut saaffiginninnikkut ataataassarsiuinermik suliaq aallartissavaa. Tamatumu peqatigisaanik kikkut tamarmik,

³ Kalaallit Nunaanni eqqartuussisarnermik inatsisip, Kalaallit Nunaanni meeqqat inatsiseqartitaanerannik inatsisip, Kalaallit Nunaannut atuulersinneqarneranut inatsisip aamma aappariinnerup atuutilerneranut aamma atuukkunnaarneranut Kalaallit Nunaannut inatsisip allanngortinneqarnissaannut inatsit aappariinnerup inatsisitigit sunniutai pillugit inatsisip (Allannguutit Kalaallit Nunaanni kingornussisarnermut inatsip nutarteriffiqineqarnerata kingorna), Inatsisartunut upernaakkut 2022 katersuunnerannut oqaluuserisassatut Meeqqanut Inuusuttunut Ilaqutariinnullu Naalakkersuisoqarfimmut nassiuineqartoq.

meeqqap aappariinnerup avataani inuusimasup inunngornerani sullissisimasut, nakorsatut juumuutulluunniit, sukkaripaamik tamanna pillugu politiinut nalunaarutiginnissapput. Meeqqap inuunerani arlaannaalluunniit ikiuussimangippat, anaanaasup ernineq pillugu nalunaaruteqarnissani pisussaaffigaa. Ataataassarsiunerit taakkut aallarniutitut politiinit suliarineqartarput.

Inatsimmi § 10, imm. 1, malillugu, meeqqamut aappariinnerup avataani inuusimasunut, kina ataataansoq imaluunniit ataataasinnaansoq, anaanaasup nalunaarutigissallugu pisussaaffigaa. Aalajangersakkami imm. 2 malillugu, ataataassutsip kalerriutigineqannginnissaa meeqqamut pitsaanerusussanut akerliusutut isigineqanngippat, Naalagaaffimmi Sinniisup anaanaasoq pisussaaffimmik taassuminnga pisussaajunnaartissinnaavaa.

Inatsimmi § 11, imm. 1, malillugu, angutip meeqqamut ataataassutsini, allattariarsornikkut, politiinut takkunermigut imaluunniit najukkami eqqartuussisumut takkulluni oqaatiginninnermigut, ataataanini akuersissutigisinnaavaa.

Ataataassuseq akuerineqanngippat, inatsimmik nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermik inatsimmi, kingusinnerpaamik inatsisikkut nr. 1056-ikkut, 30. juni 2020-imeersukkut allanngortinneqartukkut, kapitali 26 malillugu politiit suliaq najukkami eqqartuussivimmuut saqqummiutissavaat. Malittarisassat taakku pillugit imm. 2.2. innersuussutigineqarpoq.

Meeqqamut aappariinnerup avataani inunngorsimasumut, pissutsit angutip ataataaneranut nalornilersitsisut pineqartinngit, meeqqiorsinnaanerup iluani anaanaasumik atoqateqarsimasoq ataataasutut isigineqassasoq, meeqqat pillugit Kalaallit Nunaannut inatsimmi § 6-imi takuneqarsinnaavoq.

Ataataassarsiunerimik suliamik aallartitsisoqanngippat, anaanaasoq, meeraq imaluunniit tassunga angajoqqaatut akisussaataasooq imaluunniit inatsimmi § 12 malillugu pisortat, ataataassarsiunerimik aallartitsisinnaapput.

Meeqqat pillugit Kalaallit Nunaannut inatsit anaanaaqataassuseq pillugu malittarisassanik imaqqanngilaq. Arnat marluk, assersuutigalugu aappariit, ataatsimoorlutik meerartaarnissaq kissaatigunikkut, arnap meeqqamik inunngortitsisimangitsup, meeqqamut inatsisitigut angajoqqaanngornissaa, inatsisip imarisaasa periarfissinngilaat. Arnaq taanna tassunga taarsiullugu, Qitornavissiarneq pillugu inatsisip allanngortinnissaa pillugu inatsisip aamma inatsisip assigiinngitsut allat Kalaallit Nunaannut atuutilersinneqarnissaannut peqqussut nr. 410, 21. april 2010, peequssutikkut nr. 188-ikkut 9. februar 2021-imeersukkut allanngortinneqarsimasukkut, qitornassat qitornavissiarineqartarneri pillugit malittarisassat malillugit inatsisitigut angajoqqaanngorsinnaavoq.

2.1.1.2. Meeqqat pilersorneqarnerat

Meeqqat pillugit Kalaallit Nunaannut inatsimmi § 13, imm. 1 aamma 2, malillugit, angajoqqaat tamarmik immikkut meeqqamik pilersuinissartik pisussaaffigaa. Angajoqqaat inuunerminni atugaat meeqqamullu pitsaanerusussat eqqarsaatigalugit, meeraq pilersorneqartussaavoq, perorsarneqartussaavoq ilinniartinneqassallunilu. Meeqqamut pilersuisussaataaneq angajoqqaat arlaata naammassisinnaanngippagu, meeqqap pilersorneqarnissaanut angajoqqaat taanna akilersuutinik akiliisussanngortinneqarsinnaavoq.

Inatsimmi § 13, imm. 3 malillugu meerarivitaamut akilersuutit aalajangersarnissaannut periaatsimut, aappariinneq aappariikkunnaarnerlu pillugit Kalaallit Nunaanni inatsimmi nr. 152, 11. maj 1954-imeersumi malittarisassani §§ 70, 71 aamma 77 a atuupput. Malittarisassat taakku malillugit eqqartuussiviit aamma "qullersatut oqartussaasut" akilersuisussaataanerit pillugit suliat suliasaraat. Ataataassarsiunerimut atavillugu meeqqamut aappariinnerup avataani meerartaarineqarsimasumut akilersuutit aalajangerneqarnissaat kissaatigineqarpat, tamatumpeqatigisaanik tamanna pillugu apeqquut eqqartuussivimmi aalajangiiffigineqassaaq. Pisuni allani eqqartuussissutigittinniagaq eqqartuussivimmuut akilersuutinik pisinnaatitaasup najugaqarfianiittumut, qinnuteqaat saqqummiunneqassaaq.

Meeqqat pillugit Kalaallit Nunaanni inatsimmi § 14, imm. 1 malillugu meeqqamut pitsaanerususaaq aamma angajoqqaat aningaasaqarnikkut inissisimanerat eqqarsaatigalugit akilersuut aalajangerneqassaaq. Angajoqqaat marluullutik tamarmik aningaasaateqanngippata, meeqqap najugaani akilersuutit nalinginnaasumik amerlassusilerneqarsimasut qaqugukkulluunniit atuuttut assinginut akilersuutit aalajangerneqassapput.

Aalajangersakkami imm. 2 malillugu, meeqqap 18-iliinerata kingorna akilersuisusaaq aallaaviatigut atorunnaarsinneqassaaq, aamma ilinniarnermut imaluunniit ilinniagaqarnermut akilersuutit meeqqap 24-inik ukioqalernissaata tungaanut akiligassanngortinneqarsinnaasut aalajangersakkami imm. 3-p malitsigaa.

Meeqqap kuisinneranut, apersortinneranut, napparsimaneranut aamma ilisaaneranut imaluunniit immikkut ittumik allamik pissuteqarluni, inatsimmi § 15 malillugu, immikkut ittumik akilersuut akileqquneqarsinnaavoq. Piffissaliussap qaangerneqarneranut naleqqutumik pissutissaqartoq qularnarunnaarsinneqanngippat, aningaasartuuteqarsimanerup kingorna qaammatit 3 iluanni qinnuteqaat saqqummiunneqarpat, akilersuut taamaallaat aalajangerneqarsinnaavoq.

Tamanna pillugu tunngavilersukkamik qinnuteqaat takkuppata, inatsimmi § 16 malillugu akilersuut qaqugukkulluunniit allanngortinneqarsinnaavoq. Taamaattoq akilersuut, qinnuteqaatip saqqummiunneqannginnerani akilerneqartussaasoq, immikkut illuinnartumik pisoqarsimatillugu taamaallaat allanngortinneqarsinnaavoq. Aammattaaq, pissutsit immikkut ittut pissutissaqartippassuk, piffissamut, qinnuteqaatip saqqummiunneqarnera sioqqullugu, ukioq ataaseq sinnerlugu sivistigisumut, akilersuut taamaallaat akiligassanngortinneqarsinnaavoq.

Inatsimmi § 17, imm. 1 malillugu, meerarivitamut meeqqamut akilersuutit pillugit isumaqatigiissutit pillugit, aappariinneq aappariikkunnaarnerlu pillugit Kalaallit Nunaanni inatsimmi nr. 152, 11. maj 1954-imeersumi § 71-imi malittarisassat atuupput. Meeqqamut pitsaanerususaaq tamatum kingunerissappagu, § 71-imi malittarisassat malillugit meeqqamut akilersuutit allanngortinneqarsinnaapput. Aammattaaq pissutsit pingaarutilimmik allanngorsimappata, aamma pissutsit allat tamanna pisariaqartippassuk, isumaqatigiissut allanngortinneqarsinnaavoq. Meeqqat pillugit Kalaallit Nunaanni inatsimmi § 17, imm. 2 malillugu meeqqamut aappariinnerup avataani meerartaarineqarsimasumut meeqqamut akilersuutit pillugit isumaqatigiissutit taamaallaat najukkami eqqartuussisumut akuerineqarunik atuussinnaapput. Taamatut akuersissuteqarnerup, pissutsit pingaarutilimmik allanngorsimatillugit, kingusinnerusukut allamik aalajangiisoqarnissaa akornusersinnaanngilaa. Meeqqamut akilersuisusaaq pillugu allanngortitassaannigsumik ataasiarluni akiliinissaaq pillugu isumaqatigiissutinik akuersineq, aalajangersakkami imm. 4 malillugu nunap eqqartuussisuuneranit nalunaarutigineqassaaq.

Meeqqamut akilersuut meeqqap pisassarigaa, meeqqat pillugit Kalaallit Nunaanni inatsimmi § 18-p malitsigaa. Meeqqap pilersorneqarneranut aningaasartuuteqartut akilersuutit aalajangersarneqarnissaannut aamma akilersuutit katersorneqarnissaannut pisinnaatitaapput.

Inatsimmi § 20 malillugu, erninermi aamma erninerup nalaani anaanaasup pilersorneqarneranut aningaasartuutinut ataataasoq imaluunniit akilersuinissamik pisusaaq akileqquneqarsinnaavoq.

Naak inatsimmi § 6, imm. 1-imi meeqqamut ataataasutut isigineqarnissamut piumasaqaatit naammassineqarsimanngikkaluartut, inatsimmi § 6, imm. 2 malillugu angut meeqqamut akilersuisusaaq isigineqarsinnaavoq. Meeqqamut akilersuinissamut eqqartuussutit taamaallaat meeqqamut akilersuisusaaq kinguneraa. Angutitut, taamaallaat akilersuisusaaq isigineqartunut atatillugu, akilersuutit nalinginnaasumik amerlassusilerneqarsimasut qaqugukkulluunniit atuuttut akilersuutigineqassasut inatsimmi § 19-imi takuneqarsinnaavoq. Arlaqartut akilersuisusaaq isigineqarsinnaappata, tamarmik immikkut tamakkiisumik akilersuisusaanermik pisusaaq. Tamatum saniatigut inatsimmi § 14, imm. 2-mi 4-milu, § 16-imi, § 17, imm. 2-4-imi, aamma § 18, imm. 2-imi, malittarisassat assigisaanik atuupput. Arlaqartut akilersuisusaaq isigineqarsimappata, akilersuutit kommunip karsianut akilerneqassapput. Akilerneqarsimasut akilersuutinik pisusamut tunniunneqassapput, taamaattoq tunniunneqartup akilersuutit ataatsip nalinga qaangissanngilaa. Meeqqat inatsiseqartitaanerannik Kalaallit Nunaanni inatsisip aamma kingornussisarnermik Kalaallit Nunaanni inatsisip

allanngortinneqarnerat pillugu inatsimmi nr. 483, 21. maj 2014-imeersumi (Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqqullugu meeqqanut aappariinnerup avataatigut inunngorsimasunut ataataassutsimik aalajangersaaneq) Kalaallit Nunaanni meeqqat inatsiseqartitaanerannik inatsimmi § 6, imm. 2 atorunnaarsinneneqarpoq, kisianni meeqqamut akilersuutinik akilersuisussaataitaanermini akiliisarneq pillugu aalajangersakkat atorunnaarsinneqanngillat.

Tamanna averuserneq imaluunniit avinneq pillugu eqqartuussinermini pippat imaluunniit inooqatiginnerup atorunnaarsinneqarneranni kina angajooqqaatut akisussaasuussanersoq pillugu aalajangiinnermut atatillugu, Kalaallit Nunaanni eqqartuussisarnermik inatsimmi § 279 malillugu meeqqamut akilersuut eqqartuussivimmit aalajangerneqassaaq. Pisuni allani meeqqamut akilersuut najukkami eqqartuussisumit aalajangerneqassaaq. Akilersuutigini pisinnaatitaasumit akilersuisussaataitaasumilluunniit qinnutiginnikkut najukkami eqqartuussisup qaqugukkulluunniit akilersuut allanngortissinnaavaa.

Averuserneq aamma avinneq eqqartuussutikkut imaluunniit akuersissuteqarnikkut tunniunneqassasoq, Kalaallit Nunaanni Aappariilernerneq aappariikkunnaarnerlu pillugit inatsimmi, kunngip peqqussutaatigut nr. 307-imi 14. maj 1993-imeersukkat atuulersinneqartumi (aappariinneq pillugu peqqussummi), § 34, imm. 1-p malitsigaa. Appariit akuersissuteqarnikkut averusernissamik imaluunniit avinnissamik kissaateqarneq isumaqatigiissutigippassuk aamma ilaatigut meeqqanut akilersuutit pillugit isumaqatigiippata, imm. 2 malillugu akuersissut taamaallaat nalunaarutigineqarsinnaavoq. Meeqqanut akilersuussutit annertussusissaat pillugit apeqqutit, Naalagaaffiup Sinnisuanit aalajangerneqarnissaat aappariit innersuussutigisinnaavaat.

Taamaalilluni meeqqanut akilersuutit pillugit suliat aalajangerneqarnissaanut piginnaasaqarneq Naalagaaffiup Sinnisuanit najukkanilu eqqartuussivinnit avinneqarpoq.

2.1.1.3. Meeqqat kingornussisussaataitaanikkut inissisimanerat

Meeqqat pillugit inatsit Kalaallit Nunaannut atuutilermat, Kalaallit Nunaanni kingornussisussaataitaaneq Kalaallit Nunaanni kingornussisarnermik inatsimmit nr. 190-imit, 7. juni 1958-imeersumit, Kalaallit Nunaanni kingornussisarnermik inatsimmit nr. 154-imi, 27. maj 1964-imeersumit taarserneqartumit, malittarisassiuunneqarpoq.

Kingornussisarnermik inatsisinut taakkununga ilassutitut, meeqqat kingornussisussaataitaanikkut inissisimanerat pillugu, Meeqqat pillugit inatsimmi kapitali 4-mi § 21 aamma 22 aalajangersakkanik imaqarpoq.

Inatsimmi § 21, imm. 1, malillugu meeraq angajoqqaami toquneranni pigisaannit siunissami meeqqanut akilersuutinik piunasaqaateqarsinnaanngilaq, kisianni angajoqqaaminit kingornussisinnaalluni. Angajoqqaat toqukkut qimagaasoq, kingornussassat allanngortinnagit pigiinnarlugit toqoqqaartup meeraa najugaqatigippagu, angajoqqaat qimagaasoq meeqqap pilersorneqarnissaanut akilersuisussanngortinneqarsinnaasoq, aalajangersakkap imm. 2-ani takuneqarsinnaavoq.

Inatsimmi § 22, imm. 1, oqaaseqatigiit siulliit malillugit angutip meeqqamut akilersuisussaataitaasup toqunermini pigisai, toqnermi pigisai akiliisinnaassuseqartillugit, siunissami meeqqanut akilersuutit matussuserneqanissaannut pisariaqartunik akilersuussapput. Akilersuisussaataitaasumit meeraq kingornussisinnaappat, oqaaseqatigiit siulliit malillugit akilersuinissamik piunasaqaat, meeqqap kingornussaani ilanngaatigineqassasoq aalajangersakkami oqaaseqatigiit aappaata malitsigaa. Akilersuisussaataitaasoq toqusimappat uillarnermik imaluunniit qitornanik kingornussisinnaasunik qimataqarluni, oqaaseqatigiit siulliit malillugit, toqusoq meeqqamut ataataasutut isigineqarsimagaluarpat, meeqqap kingornutassaralunit aningaasat amerlanerussanngitsut, aalajangersakkami oqaaseqatigiit pingajuata kinguneraa. Akilersuisussaataitaasoq uillarnermik qimataqarpat, uillarneralu kingornussassat allanngortinnagit pigiinnarpagit, inatsimmi § 21, imm. 2 assigisaanik atuutissasoq, aalajangersakkami imm. 2-p malitsigaa. Inatsimmi § 22, imm. 3 malillugu, toqusoq meeqqamut akilersuisussaataitaasoq eqqartuussiviup ilisimaleruniuk, pisassarisat atuutissinneqarnissaat isumagisassaraa.

Inatsimmi § 22 malillugu angut akilersuisussaataasooq angutaavoq meeqqamut ataataasutut isigineqarsinnaasimanngitsoq, kisianni inatsimmi § 6, imm. 2 malillugu meeqqamut akilersuisussaasutut isigineqartoq. Akililersuisussaaneq pillugu eqqartuussut, kingornussusissaataitaanermik kinguneqanngilaq. Meeqqat inatsiseqartitaanerannik Kalaallit Nunaanni inatsisip aamma kingornussisarnermik Kalaallit Nunaanni inatsisip allangortinneqarnerat pillugu inatsisikkut nr. 483-ikkut, 21. maj 2014-imeersukkut (Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqqullugu meeqqanut aappariinnerup avataatigut inunngorsimasunut ataataassutsimik aalajangersaaneq) § 6, imm. 2 atorunnaarsinneqarpoq.

Kingornussisarnermik aamma toqusup pigisaasa agguarnerat pillugu inatsisit Kalaallit Nunaanni atuutilersinneqarnerannik peqqussutissatut missingiut Inatsisartut 2022-imi upernaakkut ataatsimiinnermini akuersissutigimmassuk maluginiarneqassaaq. Peqqussutit taakku atuutilerpata, kingornussisarnermik-aamma toqusut pigisaasa agguarneqarnerat pillugu inatsiseqartitsinermut atatillugu Kalaallit Nunaata Danmarkillu akornanni inatsisitigut ataatsimoorussisoqalissaaq.

2.1.2. Isumaginninnermut- Utoqqarnullu Ministereqarfiup isumaliutersuutai aamma aaqqissuussineq siunnersuutigineqartoq

Meeqqat pillugit Kalaallit Nunaannut inatsit atorunnaarsinneqassasoq siunnersuutigineqarpoq.

Inatsimmi kapitali 1-imi ataataassuseq pillugu aalajangersakkanut atatillugu, inatsimmik nalunaarut nr. 772, 7. august 2019-imeersoq malillugu, meeqqat pillugit Kalaallit Nunaannut inatsisip atorunnaarsinneqarnissaata atuutilersinneqarnissaatut siunnersuutigineqartoq kinguartinneqarpoq, taannami ataataassuseq pillugu malittarisassanik imaqarmat. Meeqqanut akilersuutit pillugit malittarisassanut atatillugu meeqqat pillugit Kalaallit Nunaannut inatsimmi kapitali 2-mi aamma 3-mi, inatsimmik nalunaarut nr. 773, 7. august 2019-imeersoq (Meeqqanut akilersuutit pillugit inatsit) malillugu, meeqqat pilersorneqarnissaannut Kalaallit Nunaannut inatsisip atorunnaarsinneqarnissaata atuutilersinneqarnissaatut siunnersuutigineqartoq kinguartinneqarpoq, taannami meeqqanut akilersuutit pillugit malittarisassanik imaqarpoq.

Tamatuma peqatigisaanik, meeqqanut akilersuutit pillugit inatsisip atuutilersinneqarnera pissutigalugu, aappariilertarneq pillugu peqqussummi §§ 42-imi aamma 45-imi malittarisassat atorunnaarsinneqarnissaat, peqqussummi § 34, imm. 2-p allangortinneqarnissaa, aamma eqqartuussiviit meeqqanut akilersuutitik suliaqartari pillugit Kalaallit Nunaanni eqqartuussisarnermik inatsimmi § 279 atorunnaarsinneqassasoq siunnersuutigineqarpoq.

Inatsisissatut siunnersuummi §§ 1 aamma 2 aamma § 4, nr. 3, aamma taakkununga oqaaseqaatit kiisalu meeqqat pillugit inatsisip aamma meeqqanut akilersuutit pillugit inatsisip kunngip peqquutaasigut atuutilersinneqarnissaannut missingiutit (taama tullerillutik meeqqat pillugit inatsimmut peqqussut aamma meeqqanut akilersuutit pillugit peqqussut), taakkunungalugu atasut eqikkaanerit, inatsisissatut siunnersuummut matunnga ilaatillugit Inatsisartunut saqqummiunneqartussat innersuussutigineqarput.

Aammattaaq meeqqat pillugit Kalaallit Nunaannut inatsimmi kingornussusissaataitaneq pillugu malittarisassat §§ 21-imi aamma 22-imiittut atorunnaarsinneqarnissaat siunnersuutigineqarpoq. Taama siunnersuuteqarnermut tulluuttut pissutaapput:

- § 21, imm. 1, meeqqap angajoqqaami toqkukut qimagunneranni pigisaanit meeqqanut akilersuutitik piomasagaammik nalunaarutiginninnera meeqqanut akilersuutit pillugit inatsimmut, Kalaallit Nunaannut atuutilersussatut siunnersuutigineqartutut, inatsisitigut inissisimanermut naapertuuppoq, taamaammat aalajangersagaq pisariaqarnaviannngilaq. Meeqqanut akilersuutit pillugit peqqussummi § 14, imm. 4, oqaaseqatigiit aappaat innersuussutigineqarpoq, tamatuma kingorna piffissap akilersuiffiusussatut pineqartup ilaannaanilluunniit akilersuisussaajunnaarsitaaneq meeqqap toqunerata kingunerissanngila.
- § 21, imm. 2, apparisaasup toqkukut qimagaasup kingornussassanik allangortinnagit piginniinnartup toqoqqaartup meeraanut akilersuisussaataitanissaanut periarfissat Danmarkimut kingornussusissataitaneq- akilersuisussaataitanerlu pillugit inatsisini

nassaareqqinneqarsinnaangillat. Kingornussisarneq aamma meeqqat pilersorneqarnissaat pillugit inatsiseqartitsineq pillugu Kalaallit Nunaata Danmarkillu akornanni inatsisitigut ataatsimoorussisoqarnissaa eqqarsaatigalugu, aalajangersakkat ingerlateqqinneqartariaqanngillat.

- Meeqqamut angutip akilersuisussaatitaanissaanik pisussaafiliinissamik periarfissap atorunnaarsinneqarnerata malitsigisaanik, meeqqat pillugit Kalaallit Nunaannut inatsimmi § 22-p ingerlateqqinneqarnissaa pisariaaruppoq.

Inatsisissatut siunnersuummi § 1 aamma tassunga oqaaseqatit innersuussutigineqarput.

Inatsisinut taakkununga pingasuusunut tamanut atatillugu, aammattaaq ikaarsaariarnermi malittarisassat inatsisissatut siunnersuummi § 5 tassungalu oqaaseqatit innersuussutigineqarput.

Ataataassuseq pillugu meeqqat pillugit Kalaallit Nunaannut inatsimmut naleqqiullugu, meeqqat pillugit inatsimmut peqqussummi ingammik allannguutit sisamat, tulliuuttuni allaaserineqartut imaritinneqassapput:

Siullertut ataataassuseq angajoqqaat aappariinnerat tunngavigalugu nalunaarsorneqassaaq. Angajoqqaat appariinngippata, ataatsimoorlutik meeqqap isumassorneqarnissaa aamma akisussaaffiginissaa pillugu, angajoqqaat allakkatigut nalunaaruteqarnerisigut, ataataassuseq nalunaarsorneqassaaq. Meeqqap inuusimaneranut atatillugu nalunaarsuineri, palasimit atuagarsuarmi inuusut, kuisittut, katittut, toqusut il.il. allataavianni allattuisumit nalunaarsuineq suliarineqassaaq.

Aappaattut ataataassarsuineri suliat pillugit Naalagaaffiup Sinniisaa suliarinninnissamik piginnaanilerneqassaaq, matumani inatsisitigut inuttut sananeqaatit pillugit misissuinerit aallartinneqarnissaat ilanngullugit. Taamaattoq tamanna ataataassutsip nalunaarsorneqarneranik suliani, palasimit atuagarsuarmi inuusut, kuisittut, katittut, toqusut il.il. allataavianni allattuisumit nalunaarsorneqartussani, kiisalu ataataassuseq pillugu isumaqatigiinngittoqartillugu suliani, aamma suli eqqartuussivinnit aalajangeqqarneqartussani, tamanna atuutissanngilaq. Ataataassarsuineri suliaq Naalagaaffiup Sinniisaata kisimi eqqartuussivimmut saqqummiussinnaavaa.

Pingajuattut meeqqap aappariinnerup iluani avataanilunniit inuusimanagera apeqqutaatinnagu, ataataassarsuinerup suliareqqitassanngortinneqarnera pillugu malittarisassat assigiillissapput. Ataataassarsuineq pillugu suliareqqitassanngortitsinissamut piffissaliussaq, immikkut ittumik pisoqartinnagu, meeqqap inunngorneranik ukiut pingasunngornerannut aalajangerneqarpoq. Ataataassarsuineri suliaq suliareqqitassanngortinneqarnissaa pillugu aalajangiineri, angajoqqaat meeraq ataatsimoorlutik meeqqamissut isigineraat ilaatigut pingaartinneqassaaq.

Sisamaattut anaanaaqataassuseq pillugu malittarisassanik atulersitsisoqassaaq, tamatumuuna arnat arluk ataatsimoorlutik meerartaarniarlutik isumaqatigiissinnaallutik, taamaalilluni meeqqamik inunngortitsisuunngitsoq meeqqamut anaanaaqataalissalluni. Anaanaaqataassuseq ataataassusertut inatsisitigut kinguneqassaaq.

Meeqqanut akilersuutit pillugit malittarisassanut tunngatillugu, meeqqat pillugit Kalaallit Nunaannut inatsimmi aamma aappariinneq pillugu peqqussummi, meeqqanut akilersuutit pillugit peqqussutip pingaarnertut, meeqqamut pitsaanagerussat eqqarsaatigalugu aamma angajoqqaat aningaasatigut inissimanagerat eqqarsaatiginagit meeqqanut akilersuinissaq pillugu isumaqatigiissutit akuersissutigineqartarunnaarnissaat, kisianni isumaqatigiissut akisuallaartutut nalilerneqarpat, pissutsit pingaarutilimmik allanngorsimappata, imaluunniit isumaqatigiissutit meeqqamut pitsaanagerussanut akerliuppat, isumaqatigiissutit atorunnaarsinneqarsinnaanerit kingunerissavaa, aamma meeqqanut akilersuutit pillugit suliat siunissami Naalagaaffiup Sinniisuanit taamaallaat suliarineqartalertussaanerit aammattaaq maluginiarneqassaaq.

2.2. Kalaallit Nunaanni eqqartuussisarnermi inatsimmi ataataassarsuineri suliarinnittarneq pillugu malittarisassat

2.2.1. Inatsisit atuuttut

Ataataassarsiueq pillugu suliat suliarineqartarnerat aamma meeqqanut akilersuutit aalajangersarneqarnerat pillugit malittarisassanik Kalaallit Nunaanni eqqartuussisarnermi inatsimmi kapitali 26 imaqqarpoq.

Inatsimmi § 272 malillugu naalagaaffimmi maani ataataassarsiuineramik suliat ima pisoqartillugu suliaassanngortinneqarsinnaapput:

- 1) Unnerluutigisap maani najugaqarpat, imalunniit unnerluutigisap toqunermini pigisai pillugit maani suliarinnittoqarpat imaluunniit maani suliarinnittoqarsimappat.
- 2) Anaanaasoq imaluunniit meeraq maani najugaqarpat.

Aalajangersakkami imm. 2 malillugu, naalagaaffimmik allamik isumaqatigiissuteqarnikkut tamanna avaqqunneqarsinnaavoq. Kisianni taamaattumik isumaqatigiissusiortoqarsimangilaq.

Inatsimmi § 273, imm. 1, malillugu, suliaq anaanaasup najugaani eqqartuussisoqarfimmi suliaassanngortinneqassaaq. Anaanaasoq naalagaaffimmi maani najugaqanngippat, taamaammallu maani eqqartuussisoqarfimmut suliaassanngortitsisoqarsinnaanngippat, aalajangersakkami imm. 2 malillugu unnerluutigisap najugaani suliaq suliaassanngortinneqassaaq. Najukkami eqqartuussik suliaassanngortitsiviusinnaasoq sumiinnersoq uppersarneqarsinnaanngippat, aalajangersakkami imm. 3 malillugu meeqqap najugaani eqqartuussivimmi suliaq suliaassanngortinneqassaaq imaluunniit inatsiseqarnermut ministerip aalajangerneqarfigit eqqartuussivimmi allami suliaassanngortinneqassalluni. Peqataasut suli nassuiaasimatinnaq, peqataasup aappaata eqqartuussisoqarfik qimappagu, aalajangersakkami imm. 4 malillugu suliaq eqqartuussivimmi tassani suliaassanngorlugu innersuunneqarsinnaavoq, taassaniami eqqartuussisoqarfik eqqartuussamat. Aammattaaq Nunatsinni Eqqartuussivimmi eqqartuussisup, suliaq suliarineqarnissaanut tamanna piiminarnersitsissappat imaluunniit pilertornerulersitsissappat, suliaq eqqartuussivimmi allami suliarineqarnissaa innersuussutigisinnaavaa.

Ataataassusermik akuersineq inatsimmi § 274 malillugu, nammineq politiiunut takkunnikkut tunniunneqartussamik allakkatigut nalunaaruteqarnikkut, imaluunniit najukkami eqqartuussisumut nammineq takkulluni oqaatiginnikkut pisinnaavoq. Pisuni taakkunani marlunni akuersineq najukkami eqqartuussisup eqqartuussisut allattaaviannut allasavaa. Pisuni allanni suliaq suliatut eqqartuussisutigoortut nalinginnaasutut suliarineqassaaq.

§ 275 malillugu najukkami eqqartuussisoq suliame sassaqqusissummik suliaqassaaq, eqqartuussinerup qaqugu pinissaa sumiinnissaalu aalajangissallugit aamma sassaqqusissutsip meeqqamut ataataasinnaasumut imaluunniit ataataasinnaasunut nalunaarutigineqarnissaa isumagissallugu. Pineqartoq eqqartuussivimmit qaaqquneqarluni takkussimappat, sassaqqusissuteqarnissaaq pinngitsoortinneqarsinnaavoq. Immikkut ittumik pissuteqartillugu, anaanaasumut unnerluussaasumulluunniit eqqartuussinermi peqataasussamik fuldmægtigimik eqqartuussivik ivertitsisinnaavoq.

Peqataasut ilisimannittullu inatsimmi § 276 malillugu takkuttussaataapput suliame immikkoortunut pingaaruteqartunut tamanut oqaaseqartussaataallutik. Ilisimannittunut pinngitsaaliissutit pillugit malittariassat taamatuttaaq atuupput. Aammattaaq eqqartuussiviup naliliinera malillugu suliaq paasissutissanik imaqqartinneqarnissaanut pingaaruteqarpat, peqataasut misissuiffiqineqarnissaminnut pisussaataapput.

Inatsimmi § 277 malillugu ataataassarsiuineramik suliat eqqartuussisutigoortut matoqqasumik eqqartuussutigineqassapput.

Peqataasut ilaanni ataatsip paasissutissat eqqunngitsut tunngavigalugit eqqartuussisoqarsimanera ilmanarnersitsippagu, aamma paasissutissat nutaat aalajangiineramik allanngortitsisinnaappata, inatsimmi § 278 malillugu suliaq nutaamik suliarineqarnissaa pillugu eqqartuussivik, kingulliulluni eqqartuussisummik eqqartuussisimasoq, suliame suliareqqitassanngortitsisinnaavoq. Inummot ataataassusermik akuersisimasumut malittarisassaaq taanna taamatuttaaq atuuppoq. Ataataasumit imaluunniit akilersuisussaataasumit suliareqqitassanngortitsisinnamik qinnuteqaat, pineqartup qinnuteqaammi pissutsinik tunngavilersuutigisaminik ilisimasaqalernerata kingorna kingusinnerpaamik ukiup 1-p qaangiunnerani saqqummiunneqassaaq, aamma kingusinnerpaamik meeqqap inooreernerata kingorna ukiut

5 qaangiutsinnagit pissalluni. Immikkut ittumik pissutsit pissutissaqartippassuk, aamma suliap nutaamik suliarineqarnerata meeqqamut pingaarutilimmik ajoqutaasutut kinguneqannginnissaa ilimagineqarsinnaappat, Nunatta Eqqartuussisuuneqarfiani nunap eqqartuussisuunerata piffissaliussat siuliini taaneqareersut naareerneranni aalajangiinermik naammagittaalliutigineqarsinnaanngikkaluamik naammagittaalliutteqarneq imaluunniit suliasanngortitseqqinneq akuerisinnaavaa.

2.2.2. Aaqqissuussineq siunnersuutigineqartoq pillugu Isumaginninnermut- utoqqarnullu ministereqarfiup isumaliutiginninera

Meeqqat pillugit Kalaallit Nunaanut inatsisip atuutilersinneqarnerani, inatsimmik nalunaarut nr. 1284, 14. november 2018-imeersoq, inatsimmilu nr. 227-imi 15. februar 2022-imi allanngortinneqarsimasoq malillugu, taamaattoq Kalaallit Nunaanni pissutsit pissutigalugit allannguutitaqarluni, qallunaat eqqartuussisarnermik inatsisaanni § 42 a-mi malittarisassat assigalugit, ataataassuseq anaanaaqataassuserlu pillugit eqqartuussiviit sulianik suliarinnittarnerat pillugit Kalaallit Nunaanni eqqartuussisarnermik inatsimmi kapitali 26-imi malittarisassat ilusilersorneqartariaqarput.

Kalaallit Nunaanni eqqartuussisarnermik inatsimmi kapitali 26, inatsimmik nalunaarut nr. 1284, 14. november 2018-imeersoq, inatsimmilu nr. 227-imi 15. februar 2022-imi allanngortinneqarsimasoq malillugu, qallunaat eqqartuussisarnermik inatsisaanni § 42 a-mi malittarisassat assigisai naapertorlugit ilusilersorneqassasoq, aamma Kalaallit Nunaanni eqqartuussiviit aamma anaanaaqataassutsimik sulianik suliarittartussanngornerisa malitsigisaanik, Kalaallit Nunaanni eqqartuussisarnermik inatsit allanngortinneqassasoq, tamakku tunngavigalugit siunnersuutigineqarpoq.

Siunnersuutip erseqqinnerusumik allaaserineqarneranut inatsisissatut siunnersuummi § 4, nr. 1-3 aamma 6, taakkununggalu oqaaseqaatit innersuussutigineqarput.

3. Pisortanut aningaasaqarnikkut aamma atortuulersitsinermi sunniutaasussat

Ataatassarsiuinermik- aamma meeqqanut akilersuutit pillugit suliat amerlasuut Kalaallit Nunaanni eqqartuussiviniit Naalagaaffiup Sinniisoqarfianut nuunneqarnissaat, inatsisissatut siunnersuutip meeqqat pillugit inatsimmut peqqussut aamma meqqanut akilersuutit pillugit peqqussut peqatigalugit, kingunerissavaat. Tamatuma kingunerissavaa [Qallunaat oqartussaasuinut aningaasaqarnikkut sunniutissat erseqqissaavigineqaleruttorput].

Tamatuma saniatigut ataataassutsip anaanaaqataassutsillu nalunaarsorneqarnerat, meeqqap inuusimaneranut atatillugu nalunaarsuinermi, palasimit atuagarsuarmi inuusut, kuisittut, katittut, toqusut il.il. allataavianni allattuisumit, nalunaarsuineq suliarineqassasoq meqqat pillugit inatsisip atuutilersinneqarnerata kingunerissavaa. Taamaattoq atuutilersitsinerup Kalaallit Nunaanni oqartussaasunut aningaasaqarnikkut kingunissat annikitsuaraanerannut killiliussat qaangissanngikkaat nalilerneqarpoq.

Inatsisissatut siunnersuut aamma peqqussutit tassunga attuumassuteqartut, taamaallaat aaqqissuussinerit pioreersut aaqqinneqarnerannik imaqarmat, atortuulersitsineq eqqartuussivinnut pingaarutilinnik kinguneqarnaviangilaq, aamma meeqqanut akilersuutit pillugit inatsisip atuutilersinneqarnera atortuulersitsinermi pingaarutilimmik Naalagaaffiup Sinniisuanut kinguneqarnaviangilaq. Kisianni meeqqat pillugit inatsisip atuutilersinneqarnera Naalagaaffiup Sinniisuanut palasinullu atuagarsuarmi inuusut, kuisittut, katittut, toqusut il.il. allataaviannut allattuisunut atortuulersitsineq sunniuteqassaaq.

Inatsisiliornernut digitalinngortitsinissamut piareersimasunut tunngaviinnut atatillugu, inatsisissatut siunnersuutip erseqqissunik paasiuminartunillu malittarisassaqaarnissamik tunngavik naammassissavaa, kisianni allanit suneqarani pissusissamisut imminik ingerlaannartumik suliamik sulianittarnissamik tunngavik inatsisissatut siunnersuutip naammassissanngilaa. Tamanna eqqartuussiviit sulianik ataasiakkaanik ataasiakkaarinnillutik suliarinninnissaasa pisariaqartinneqarneranik pissuteqarpoq, taamaattoqarnerata sulianut tunngasumik nalilersuisoqarnissaa kinguneraa, taamaammallu aalajangiinermi tunngaviit kinaassusersiunngitsut tunngavigalugit sulianik suliarinnittoqarsinnaanngilaq. Inatsisiliornernut

digitalingortitsinissamat piareersimasunut tunngaviit allat inatsisissatut siunnersuummut attuumassuteqanngillat.

4. *Inuussutissarsiortunut il.il. aningaasaqarnikkut allaffissornikkullu sunniutaasussat*
Inuussutissarsiortunut il.il. inatsisissatut siunnersuut sunniuteqarnaviangilaq.

5. *Allaffissornikkut innuttaasunut sunniutaasussat*
Inatsisissatut siunnersuut innuttaasunut allaffissornikkut sunniuteqarnaviangilaq.

6. *Silap pissusaanut sunniutaasussat*
Inatsisissatut siunnersuut silap pissusaanut sunniuteqarnaviangilaq.

7. *Avatangiisinut- pinngortitamullu sunniutaasussat*
Inatsisissatut siunnersuut avatangiisinut- pinngortitamullu sunniuteqarnaviangilaq.

8. *EU-p eqqartuussivia pillugu*
EU-mi inatsitigut isiginniffiit pillugit inatsisissatut siunnersuut imaqanngilaq.

9. *Oqartussaasut sulianiaqatigiiffillu il.il. tusarniaavigineqarsimasut.*
Inatsisissatut siunnersuummut missingiut piffissami 5. april 2022-imiit ulloq 6. maj 2022 ilanngullugu tulliuttunut oqartussaasunut suliniaqatigiiffinnullu il.il. tusarniutigineqarpoq:

Advokatrådet, Advokatsamfundet, Amnesty International, Ankestyrelsen, Avannaata Kommunia, Barnets Tarv Nu, Kalaallit Nunaanni Bispekoppeqarfik, Børnerådet, Børnesagens Fællesråd, Kalaallit Nunaanni Meeqqat Illersuisuat (MIO), Børns Vilkår, Dansk Kvindesamfund, Danske Advokater, Danske Arveretsadvokater, Danske Familieadvokater, Den Danske Dommerforening, Københavnerne Kalaallit Illuat, Odensimi Kalaallit Illuat, Aalborgimi Kalaallit Illuat, Århusimi Kalaallit Illuat, Digitaliseringsstyrelsen, Dommerfuldmægtigforeningen, Domstolens Tjenestemandforening, Domstolsstyrelsen, DJØF Advokat, Familieretshuset, Foreningen Far til Støtte for Børn og Forældre, Nunatta Eqqartuussisuuneqarfia, Kalaallit Nunaanni Politiit Peqatigiiffiat, Inuit Pisinnaatitaaffii pillugit Siunnersuisoqatigiit, HK Landsklubben Danmarks Domstole, Institut for Menneskerettigheder, Kommune Kujalleq, Kommune Qeqertalik, Kommuneqarfik Sermersooq, Kredsdommerforeningen, Kvinderådet, Københavns Universitet (Det Juridiske Fakultet), Landsforeningen Børn og Samvær, LGBT+ Danmark, LGBT komiteen, Kalaallit Nunaanni Naligiissitaanermut Siunnersuisoqatigiit, Mødrehjælpen, Nunatsinni Advokatit, Kalaallit Nunaanni Politimesteri, Qeqqata Kommunia, Red Barnet, Retspolitisk Forening, Nunatsinni Eqqartuussivik, Kalaallit Nunaanni Naalagaaffiup Sinnisoqarfia, Socialministeriet (Savalimmiuni), Syddansk Universitet (Juridisk Institut), (Kalaallit Nunaanni) Inuusuttut Ilaqutariillu, Aalborg Universitet (Juridisk Institut) aamma Aarhus Universitet (Juridisk Institut).

Missingiut Meeqqanut, Inuusuttunut Ilaqutariinnut Peqqissutsimullu Naalackersuisoqarfimmik, kiisalu Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmik oqaloqatiginnissutigineqarsimavoq.

10. *Eqikkaanermik immersugaq*

	Sunniutit pitsaasut /aningaasartuutikinneruneq (Aappiuppat, qanoq annertugineri allakkit/Naamiuppat, aallaguk »Soqanngilaq«)	Sunniutit ajortut /aningaasartuuteqarneruneq (Aappiuppat, qanoq annertugineri allakkit/Naamiuppat, aallaguk »Soqanngilaq«)
Aningaasaqarnikkut sunniutit aamma naalagaaffimmut, kommuninut nunallu immikkoortuinut atortuulersitsinnermi sunniutit	Soqanngilaq	[Erseqqissaavigineqaleruttorpoq]

Naalagaaffimmut, kommunitun nunallu immikkoortuinut allaffissornikkut sunniutit	Soqanngilaq	Soqanngilaq
Inuussutissarsiortunut aningaasaqarnikkut sunniutit	Soqanngilaq	Soqanngilaq
Inuussutissarsiortunut allaffissornikkut sunniutit	Soqanngilaq	Soqanngilaq
Innuttaasunut allaffissornikkut sunniutit	Soqanngilaq	Soqanngilaq
Silap pissusaanut sunniutit	Soqanngilaq	Soqanngilaq
Avatangiisinut pinngortitamullu sunniutit	Soqanngilaq	Soqanngilaq
EU-mi eqqartuussivimmut atassuteqarneq	EU-mi inatsitigut isiginniffiit pillugit inatsisissatut siunnersuut imaqanngilaq.	
Inuussutissarsiortnermut sammititamik EU-p malittarisassiornerani tunngavinnut akerliuvoq / EU-p malittarisassiornerani minnerpaaffissatut piumasagaatinik qaangiivoq (X-ileruk)	Aap	Naagga X

Inatsisissatut siunnersuummi aalajangersakkanut ataasiakkaanut oqaaseqaatit

§ 1-mut

Meeqqat pillugit Kalaallit Nunaannut inatsit ataataassuseq pillugu (kapitali 1), meeqqanut akilersuutit il.il. (kapitali 2 aamma 3) aamma meeqqat kingornussisussaataitanikkut inatsisimanerat (kapitali 4) pillugit malittarisassanik imaqarpoq. Aammattaaq inatsimmi kapitali 4 piginnaatitsinerit-, atuutilerfissaa aamma ikaarsaariarneq pillugit malittarisassanik imaqarpoq. Inatsit atuuttoq pillugu erseqqinnerusumik allaaserinninneq pillugu nalinginnasumik oqaaseqatini imm. 2.1 innersuussutigineqarpoq.

Kalaallit Nunaanni Meeqqat inatsiseqartitaanerannik inatsisip atorunnaarsinneqarnissaa siunnersuutigineqarpoq.

Meeqqat pillugit Kalaallit Nunaannut inatsisip atuutilersiffissaatut siunnersuutigineqartup, meeqqat pillugit Kalaallit Nunaannut inatsimmi kapitali 1-p atorunnaarsinneqarnissaa pisariaqartilissagaa, aamma meeqqanut akilersuutit pillugit inatsisip Kalaallit Nunaannut atuutilersinneqarnissaanut siunnersuutip, meeqqat pillugit Kalaallit Nunaannut inatsimmi kapitali 2-p aamma 3-p atorunnaarsinneqarnissaat pisariaqartilissagaa, siunnersuummi tunngavilersuutigineqarpoq.

Meeqqat pillugit Kalaallit Nunaannut inatsimmi kapitali 4-mi §§ 21-p aamma 22-p atorunnaarsinneqarnissaannut pissutaavoq, siullertut § 21, imm. 1-imi meeqqap angajoqqaami toqkkut qimagunneratigut pigisaannit meeqqanut akilersuutit piumasagaammik nalunaarutiginninnera, meeqqanut akilersuutit pillugit peqqussut malillugu meeqqap inatsitigut inatsisimaneranut naapertuussaammat, taamaammallu aalajangersagaq pisariaaruttussaalluni. Meeqqanut akilersuutit pillugit inatsimmi § 14, imm. 4, oqaaseqatigiit aappaat innersuussutigineqarpoq, tamatumalu kingorna meeqqap toqunerani piffissami akilersuisussaaffimmi akilersuutip ilaanik akilersuinnginnissaq kingunerissanngilaa. Aappaattut § 21, imm. 2-mi apparisaasup toqkkut qimagaasup kingornussassanik allannortinnagit piginniinnartup toqoqqartup meeraanut akilersuisussaataitanissaanut periarfissat, Danmarkimut kingornussisussatitaaneq-akilersuisussaataitanerlu pillugit inatsisini nassaareqqinneqarsinnaanngillat, taamaammallu kingornussisarneq aamma meeqqat pilersorneqarnissaat pillugit inatsiseqartitsineq pillugu Kalaallit Nunaata Danmarkillu akornanni inatsitigut ataatsimoorussisoqarnissaa eqqarsaatigalugu, aalajangersakkat

ingerlateqqinneqartariaqanngillat. Pingajuattut meeqqamut angutip akiliisussaatitaanissaanik periarfissap atorunnaarsinneqarnerani, meeqqat pillugit Kalaallit Nunaannut inatsimmi § 22-p ingerlateqqinneqarnissaa pisariaaruppoq.

Aammattaaq nalinginnaasumik oqaaseqaatini imm. 2.1, kiisalu § 5-imi ikaarsaariarnermut aalajangersakkat taakkunungalu oqaaseqaatit innersuussutigineqarput.

§ 2-mut

Nr. 1-imut 2-mullu

Averuserneq avinnerlu eqqartuussinikkut imaluunniit akuersissuteqaranikkut tunniunneqartartoq, aappariinneq pillugu peqqussummi § 34, imm. 1-p malitsigaa. Aappariit averusernissamik imaluunniit avinnissamik kissaateqarneq isumaqatigiissutigippassuk aamma ilaatigut meeqqanut akilersuutit pillugit § 42-imi piumasaqaatit pillugit isumaqatigiippata, aalajangersakkami imm. 2 malillugu akuersissuteqarneq taamaallaat nalunaarutigineqarsinnaavoq. Peqqussummi § 42, imm. 2 malillugu meeqqanut akilersuussutit annertussusissaat pillugit apeqqutit, Naalagaaffiup Sinnisuanit aalajangerneqarnissaat aappariit innersuussutigisinnaavaat.

Averusernermut avinnermulluunniit atatillugu, angajoqqaat meeqqaminnut pilersuisussaatitaanerisa taakku akornanni qanoq avinneqarnissaat pillugit aalajangersaasoqassasoq, peqqussummi § 42, imm. 1-imi takuneqarsinnaavoq. Tamanna pillugu angajoqqaat isumaqatigiissuteqanngippata, najukkami eqqartuussivimmit aalajangiineq aalajangerneqassaaq, taamaattoq peqqussummi § 34, imm. 2 takuuk. Apeqqulli aappariit najukkami eqqartuussisumit kingusinnerusukkut aalajangerneqarnissaa innersuussutigisinnaavaat. Immi. 1 malillugu aalajangiinerit angajoqqaat aningaasaqarnikkut inissisimanerat, matumni inuussutissarsiorsinnaassusaat aamma allatigut inuunerminni atugaat eqqarsaatigalugit aalajangerneqassasut peqqussummi § 42, imm. 2-p malitsigaa.

Aappariinneq pillugu peqqussummi peqqussummi § 42-mi *§ 34, imm. 2*, oqaaseqatigiinnut siullernut innersuussineq, peerneqassasoq, aamma peqqussummi § 42, imm. 2-mi peqqussummi *§ 34, imm. 2*, oqaaseqatigiit aappaanut innersuussineq taamatuttaaq peerneqassasoq siunnersuutigineqarpoq.

Kalaallit Nunaanni averusernermik- aamma avinnermik suliani meeqqanut akilersuutit pillugit isummertoqarnissaanik piumasaqaateqartoqarunnarnissaa allannguutissatut siunnersuutigineqartut kingunerissavaat.

Inatsisissatut siunnersuummi § 2, nr. 3 malillugu, aappariinneq pillugu peqqussummi § 42-p atorunnaarsinneqarnissaanut siunnersuummut atatillugu siunnersuut isigineqassaaq. Averusernermi avinnermilu meeqqanut akilersuutit pillugit isummertoqarnissaanik piumasaqaatip atorunnaarsinneqarnissaa eqqarsaatigalugu, tamanna aamma Danmarkimi inatsisitigut inissisimanerummat maluginiarneqassaaq.

Uani aammattaaq nalinginnaasumik oqaaseqaatini imm. 2.1, tassungalu oqaaseqaatit innersuussutigineqarput.

Nr. 3-mut

Averusernermut imaluunniit avinnermut atatillugu, angajoqqaat meeqqaminnut pilersuisussaatitaanerat taakku akornanni qanoq avinneqassanersoq pillugu aalajangiisoqassasoq, aappariinneq pillugu peqqussummi § 42, imm. 1-imi takuneqarsinnaavoq. Aappariit tamanna isumaqatigiissutiginnippassuk, aalajangiineq najukkami eqqartuussivimmit aalajangerneqassaaq, taamaattoq peqqussummi § 34, imm. 2 takuuk. Apeqqulli aappariit najukkami eqqartuussisumit kingusinnerusukkut aalajangerneqarnissaa innersuussutigisinnaavaat. Immi. 1 malillugu aalajangiinerit angajoqqaat aningaasaqarnikkut inissisimanerat, matumni inuussutissarsiorsinnaassusaat aamma allatigut inuunerminni atugaat eqqarsaatigalugit aalajangerneqassasut peqqussummi § 42, imm. 2-p malitsigaa.

Tamanna pillugu qinnuteqartoqartillugu, oqartussaasumit tamanna pillugu aalajangiisimasumit, meeqqanut akilersuutit pillugit aalajangiineq, peqqussummi § 45 malillugu allangortinneqarsinnaavoq. Meeqqanut akilersuutit pillugit isumaqatigiissutit akisuallaartutut nalilerneqarpata, pissutsit pingaarutilimmik allangorsimappata, imaluunniit isumaqatigiissutit meeqqamut pitsaanerusussanut akerliuppat, meeqqamut akilersuutit pillugit isumaqatigiissutit eqqartuussutikkut allangortinneqarsinnaapput.

Aappariit pillugit peqqussummi *§§ 42 aamma 45* atorunnaarsinneqassasut siunnersuutigineqarpoq.

Meeqqanut akilersuutit pillugit sulianik suliarinnittarneq pillugu aalajangersakkanik aappariit pillugit peqqussut imaqarunnaassasoq, siunnersuutip kingunerissavaa.

Meeqqanut akilersuutit pillugit inatsimmi, Kalaallit Nunaannut atuutilersinneqartussatut siunnersuutigineqartumi, meeqqanut akilersuutit aalajangersaavigineqartarnissaat allangortinneqartarnissaallu pillugit tamakkiisumik malittarisassanik imaqartussaanera siunnersuummut pissutaavoq, taamaattumik aalajangersakkat taakku marluk pineqartut attatiinnarneqarsinnaangillat.

Uani aammattaq nalinginnaasumik oqaaseqaatini imm. 2.1, tassungalu oqaaseqaatit innersuussutigineqarput.

§ 3-mut

Nr. 1-imut

Inatsit nr. 499, 6. juni 2007-imeersoq malillugu, angajoqqaat akisussaataanerani pillugu inatsisip Angajoqqaat akisussaanerani pillugu inatsisip Kalaallit Nunaanni atuutilersinneqarnera pillugu peqqussut nr. 680, 6. juni 2016-imeersoq aqqutigalugu Kalaallit Nunaanni atuutilersinneqarpoq. Angajoqqaat akisussaataanerani pillugu inatsimmi § 49 malillugu, inatsit Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakoortumilluunniit Kalaallit Nunannut, Kalaallit Nunaanni pissutsit immikkut ittut pissutigalugit allangortitsinerit ilanngullugit, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinneqarsinnaapput.

Angajoqqaat akisussaanerani pillugu inatsisip atuutilersinneqarnerani, angajoqqaatut akisussaasuuneq pillugu aalajangersakkat marluk Kalaallit Nunaannut atuutilersinneqangillat. Siullertut § 6, imm. 2, nr. 2, angajoqqaat ilaatigut inatsimmi § 7, imm. 1 nr. 1 malillugu nalunaaruteqarsimatinnagit, taamaattoq § 7, imm. 2 takuuk, angajoqqaat averuseqqanerani meeraq inunngorpat, anaanaasup angajoqqaatut akisussaataaneq ikisimiilluni tiggummissagaa, taassumap kingunerana. Aappaattut inatsimmi § 7, imm. 2 pineqarpoq, tamatuma kingorna aalajangersakkami imm. 1, nr. 1-imi angajoqqaat katissimangitsut, ataatsimoorlutik meeqqamut isumassuinissap akisussaaffeqarnissallu isumaginiarlugu nalunaarutaat, eqqartuussisarnermik inatsimmi § 448 g-mi angajoqqaatut akisussaasuuneq pillugu suliap nunami maani suliarineqarnissaanik piunasaqaatit naammassineqarsimatinnagit, ataatsimoorussamik angajoqqaatut akisussaataalernissaq kingunerissanngilaa.

Ilaatigut meeqqat pillugit inatsimmi *§§ 2 aamma 3 b* malillugit, ataatsimoorlutik meeqqap isumassorneqarnissaa akisussaaffiginissaalu pillugit nalunaaruteqarsimagunik, angajoqqaat akisussaanerani pillugu inatsimmi § 7, imm. 1 nr. 1 malillugu, angajoqqaat imminnut katissimangitsut ataatsimoorussamik angajoqqaatut akisussaataasinnaapput. Arnarnit katissimangitsumit meeraq meerartaarineqarpat, angutip imaluunniit arnap, anaanaasoq peqatigalugu allakkatigut ataatsimoorlutik meeqqamut isumassuiniarlutik akisussaaniarlutillu nalunaaruteqarsimappata, angutip imaluunniit arnaq meeqqamut ataatatut anaanaaqataasutulluunniit isigineqassasut, meeqqat pillugit inatsimmi *§§ 2-p aamma 3 b-p* malitsigaa.

Angajoqqaat akisussaataanerani pillugu inatsimmi aalajangersagaq *§ 49, imm. 2*-tut ilanngunneqassasoq siunnersuutigineqarpoq, tamatumalu kingorna *§§ 6-p aamma 7-p* ilai Kalaallit Nunaannut

atuutilersinneqarsimanngitsut, kunngip peqqussutaatigut tamakkiisumik ilaannakoortumilluunniit Kalaallit Nunaannut atortuulersinneqarsinnaapput.

Angajoqqaat akisussaatitaanerat pillugu inatsimmi § 6, imm. 2, nr. 2-p aamma § 7, imm. 2-p, Kalaallit Nunaanni pissutsit pissutigalugit allangortitsinerit ilanngullugit, tamakkiisumik ilaannakoortumilluunniit Kalaallit Nunaannut atortuulersinneqarsinnaanerit siunnersuutip kingunerissavaa.

Meeqqat pillugit inatsisip Kalaallit Nunaannut atuutilersinneqarnissaanut, angajoqqaat akisussaatitaanerat pillugu inatsimmi § 6, imm. 2, nr. 2-p aamma § 7, imm. 2-p atuutilersinneqarnissaat pisariaqarpoq, aamma atuutilersitsinissamut periarfissaliissutip atorreqareersimanagera pissutigalugu, aamma qallunaat inatsisaata kunngip peqqussutaatigut Kalaallit Nunaannut atuutilersinneqarnerani, periarfissaliissut taamaallaat ataasiaannarluni atorreqarsinnaanagera pissutigalugu, aalajangersakkat taakku marluk Kalaallit Nunaannut atuutilersinneqarsinnaannginnerat siunnersuummut tunngavilersuutaavoq. Aalajangersakkat taakku marluk Kalaallit Nunaannut atuutilersinneqarnissaannut periarfissaliissummik nutaamik taammaammat pisariaqartitsisoqarpoq.

§ 4-mut

Nr. 1-imut aamma 2

Kalaallit Nunaanni eqqartuussisarnermik inatsimmi § 9, imm. 1, oqaaseqatigiit siulliit nalillugit najukkani eqqartuussivinni aamma Kalaallit Nunaanni Eqqartuussivimmi allatsit ilaatigut ataassarsiuinermik suliassanik suliaqarsinnaanermik piginnaatinneqarput. Inatsimmi § 20, imm. 1 malillugu, najukkani eqqartuussisumut ikiortitut ivertitsigallarneq Kalaallit Nunaanni Eqqartuussivimmi eqqartuussisumit nalunaarutigineqarsinnaavoq, aalajangersakkallu imm. 4, nr. 1-ia malillugu najukkani eqqartuussisunut ikiortit ilaatigut ataassarsiuinermik sulianik suliaqarsinnaanngorlugit ivertinneqarsinnaapput.

Kalaallit Nunaanni eqqartuussiviit ataanni ilaatigut ataassarsiuinermik suliassat suliarineqartarnissaat inatsimmi § 54, nr. 5-p malitsigaa, aamma inatsimmi § 54, nr. 5 malillugu, § 55-ip malitsigisaanik najukkani eqqartuussiviit ilaatigut tassaapput ataassarsiuinerni siullermeeriffiusumik suliarinniffiusussat.

Kalaallit Nunaanni eqqartuussisarnermik inatsimmi *§ 9, imm. 1, oqaaseqatigiit siullerni, § 20, imm. 4-imi, nr. 1-imi, § 54, nr. 5-imi* aamma *§ 55-imi* ataassarsiuinermik suliat ataataassuseq anaanaaqataassuserlu pillugit sulianut allangortinneqassasut siunnersuutigineqarpoq.

Aalajangersakkani taaneqartuni anaanaaqataassusermik suliat ilaalernissaat siunnersuutip kingunerissavaa.

Meeqqat pillugit inatsimmut peqqussut aqutigalugu aamma anaanaaqataassuseq pillugu sulianik Kalaallit Nunaanni eqqartuussiviit suliaqartalersinnaanerit siunnersuutip malitsigaa.

Nr. 3-mut

Ataataassuseq pillugu suliat eqqartuussivinni suliarineqartarnerat pillugu Kalaallit Nunaanni eqqartuussisarnermik inatsimmi kapitali 26 aalajangersakkanik imaqarpoq. Kapitali 26-imi imaritinneqartut erseqqinnerusumik allaaserineqarnerat pillugu nalinginnaasumik oqaaseqaatini imm. 2.1. innersuussutigineqarpoq.

Imm. 2.1. malillugu meeqqat pillugit inatsisip Kalaallit Nunaannut atuuttussanngortinneqarnissaatut siunnersuutigineqartup malitsigisaanik, Kalaallit Nunaanni eqqartuussisarnermik inatsimmi kapitali 26 allangortittariaqarpoq, taamaalilluni eqqartuussiviit ataataassuseq aamma anaanaaqataassuseq pillugu suliarinnittarnerat pillugu kapitali malittarisassanik imaqalissalluni. Inatsimmik nalunaarut nr. 1284, 14. november 2018-imeersoq, inatsimmilu nr. 227-imi 15. februar 2022-imi allangortinneqarsimasoq malillugu, ataataassuseq anaanaaqataassuserlu pillugit eqqartuussiviit suliarinnittarnerat pillugu qallunaat

eqqartuussisarnermik inatsisaanni § 42 a-mi malittarisassat assigisai naapertorlugit, taamaattoq Kalaallit Nunaanni pissutsit pissutigalugit allanngortitsinerit ilanngullugit, malittarisassat taakku ilusilersorneqartariaqarput. §§ 272-imiit 279 ilanngullugu aalajangersagassatut siunnersuutigineqartut aamma aalajangersakkanut ataasiakkaanut oqaaseqaatit ataaniittut innersuussutigineqarput.

Inatsit nr. 460, 7. juni 2001-imeersoq malillugu meeqqat pillugit inatsit malillugu, qallunaat eqqartuussisarnermik inatsisaat inatsisillu allat allanngortinneqarnerat pillugu inatsit nr. 461, 7. juni 2001-imeersukkut (Meeqqat pillugit inatsit il.il. malillugit allannguinerit), qallunaat eqqartuussisarnermik inatsisaanni kapitali 42 a nutaamik oqaasertalersorneqarpoq. Eqqartuussisarnermik inatsimmi kapitali 42 a,

- Meeqqat pillugit inatsisip, qitornavissiarnermik inatsisip, eqqartuussisarnermik inatsisip aamma inatsisit assigiinngitsut allat allanngortinneqarnissaat pillugu Inatsit nr. 652, 12. juni 2013-imeersoq (Anaanaaqataassuseq il.il.)
- Katsorsaanermut, nappaatip suussusersiniarneranut ilisimatusarnermullu il.il. atortorissaarutit atorlugit mannimmik kinguaassisitsisarnermut inatsimmik, timip ipiutaasartai pillugit inatsimmik, meeqqat pillugit inatsimmik, meeqqat pilersorneqartussaenerat pillugu inatsimmik aamma eqqartuussisarnermik inatsimmik allanngortitsinerit pillugit inatsit nr. 1313, 27. november 2013-imeersoq (Ikiorneqarluni kinguaassiornerup taaguutinngortinneqarnera, manniit qanoq sivistigisumik toqqorneqarsinnaanerit pillugit immikkut akuersissuteqarsinnaaneq, katsorsarneqarnissamut akuerseqqaartussaaneq kiisalu timip sananeqaataatut kingornuttakkatut ilusillit nappaatit il.il. pillugit ilungersunartumik kissaatigineqanngitsunillu pisut saniatigullu sunniutaasartut pillugit nalunaarutiginnittussaaneermut akisissaatitaasut amerlineqarnerat.
- Meeqqat pillugit inatsisip, atinut inatsisip aamma inatsisit allat allanngortinneqarnerat pillugu inatsit nr. 227, 15. februar 2022-imeersoq (Anaanaaqataassutsip nalunaarsorneqartarnerata eqaallisaavigineqarnera, transit angajoqqaassusaasa aalajangersarneqarnerat aamma transit atiminnik allanngortitsinnaanerit il.il.).

Qallunaat eqqartuussisarnermik inatsisaanni kapitali 42 a aamma angajoqqaat akisussaataanerit pillugit inatsisip, aappariilertarneq aappariikkunnaartarnerlu pillugit inatsisip inatsisillu allat inatsisikkut nr. 1711-kkut 27. december 2018-immersukkut allanngortinneqarput (Ilaqutariit inatsiseqartitaanerannut illu pillugu inatsit aamma angajoqqaat akisussaaneerat pillugit inatsit malillugu suliani meeqqamik illersuinerup ukkatarineqarnerata sakkortusineqarnera). Ilaqutariit inatsiseqartitaanerannut illup pilersinneqarnera allannguutinik taakkuninnga kinguneqarpoq, taakkulu maannakkuugallartoq Kalaallit Nunaannut atuutilersinneqarnissaat siunnersuutigineqanngimmat, Kalaallit Nunaanni eqqartuussisarnermik inatsimmi kapitali 26-p nutaamik oqaasertalerneqarnerani, inatsisinut allannguutit taakkua eqqarsaatigineqarnissaat tunngavissaqanngilaq.

Eqqartuussassatut pasilligaasumut aggeqqussummik suliaqarnissaq pillugu Kalaallit Nunaanni eqqartuussisarnermik inatsimmi § 275, imm. 1, ingerlateqqinneqassanngitsaq siunnersuutigineqarmat maluginiarneqassaaq. Meeqqat pillugit inatsimmut peqqussummi § 15 malillugu, ataataassuseq aamma anaanaaqataassuseq pillugu suliat taamaallaat Naalagaaffiup Sinniiusuanut tunniunneqarsinnaammata siunnersuummut tassunga tunngaviuvoq. Folketingstidende 2000-01, ilassut A, qupperneq 90 malillugu eqqartuussisarnermik inatsimmi kapitali 42 a-mut oqaaseqaatini, suliaq pillugu eqqartuussassatut pasilligaasumut aggeqqussummik suliamik imaqartinninnagu suliaq nassiunneqassasoq, kisianni suliaq eqqartuussivimmu suliaqarnissaat pillugit aalajangersakkanut meeqqat pillugit inatsimmut peqqussummi ilanngunneqartut nalunaarutigineqassapput.

Aammattaq aalajangiinernik suliareqqitassanngortitsinerit aamma ataataassutsimik akuersissuteqarnerit pillugit Kalaallit Nunaanni eqqartuussisarnermik inatsimmi § 278-ip ingerlateqqinneqannginnissaa siunnersuutigineqarpoq. Ataataassuseq anaanaaqataassuserlu pillugit suliat suliareqqitassanngortinneqartarnissaat pillugit aalajangersakkanut meeqqat pillugit inatsimmut peqqussummi kapitali 4 imaqartussaammatt, siunnersuummut tassunga pissutaavoq.

Naggataagut eqqartuussiviit meeqqanut akilersuutit pillugit sulianik suliarinnittarnerat pillugit Kalaallit Nunaanni eqqartuussisarnermik inatsimmi § 279-ip ingerlateqqinneqannginnissaa siunnersuutigineqarpoq. Meeqqanut akilersuutit pillugit peqqussum malillugu meeqqanut akilersuutit pillugit suliat

suliarineqartarnissaannut piginnaasaqarnerup Naalagaaffiup Sinniuusuani inissinneqarnissaa siunnersuummut pissutaavoq.

Tulliuttuni qallunaat eqqartuussisarnermut inatsisaanni kapitali 42 a-mut (§§ 456 a-miit 456 o ilanngullugu) innersuussusisoqartillugu, meeqqat pillugit inatsisip, atinut inatsisip aamma inatsisit allat allanngortinneqarnerat pillugu inatsimmi tak. § 6 nr. 227-imi, 15. februar 2022-imeersumi (Anaanaaqataassutsip nalunaarsorneqartarnerata eqaallisaavigineqarnera, transit angajoqqaassusaasa aalajangersarneqarnerat aamma transit atiminnik allanngortitsisinnaaner at il.il.) aalajangersakkat taamaallutik oqaasertalerneqarsimasut innersuussutigineqarput. Taamaalilluni angajoqqaat akisussaataaner at pillugit inatsisip, aappariilertarneq aappariikkunnaartarnerlu pillugit inatsisip inatsisillu allat inatsisikkut tak. § 15 nr. 1711-kkut 27. december 2018-immersukkut allanngortinneqarnerat (Ilaqutariit inatsiseqartitaanerannut illu pillugu inatsit aamma angajoqqaat akisussaaner at pillugit inatsit malillugu suliani meeqqamik illersuinerup ukkatarineqarnerata sakkortusineqarnera) pingaartinneqanngillat.

Tulliuttuni meeqqat pillugu inatsimmut innersuussisoqartillugu, inatsit, inatsimmiq nalunaarummi nr. 1257-imi 7. november 2018-imeersumi oqaasertalerneqartoq, meeqqat pillugit inatsisip, atinut inatsisip aamma inatsisit allat allanngortinneqarnerat pillugu inatsimmi nr. 227-imi, 15. februar 2022-imeersumi (Anaanaaqataassutsip nalunaarsorneqartarnerata eqaallisaavigineqarnera, transit angajoqqaassusaasa aalajangersarneqarnerat aamma transit atiminnik allanngortitsisinnaaner at il.il.) § 1-p malitsigisaanik allanngortinneqartoq, innersuussutigineqarpoq.

Kalaallit Nunaanni eqqartuussisarnermik inatsimmi §§ 272-imiit 279 ilanngullu aalajangersagassatut siunnersuutigineqartuni meeqqat pillugit inatsimmut innersuussinerit, meeqqat pillugit inatsimmut Kalaallit Nunaannut atuutilersinneqartussatut siunnersuutigineqartumut innersuussinerupput.

Aammattaaq nalinginnaasumik oqaaseqaatini imm. 2.1 aamma 2.2 innersuussutigineqarput.

Kapitali 26-imi taaguumm

Kalaallit Nunaanni eqqartuussisarnermik inatsimmi kapitali 26 tulliuttumik taaguuteqarpoq: "Ataatassarsuineq aamma meqqanut akilersuutissanik aalajangersaasarneq pillugit suliasat".

Kalaallit Nunaanni eqqartuussisarnermik inatsimmi *kapitali 26-imut taagut* ima oqaasertalerneqassasoq siunnersuutigineqarpoq: "Ataataassuseq anaanaassuserlu pillugit suliat".

Taaguutissatut siunnersuutigineqartup, inatsimmiq nalunaarut nr. 1284-ip, 14. november 2018-imeersup, inatsisikkut nr. 227-ikkut, 15. februar 2022-imi allanngortinneqartup, qallunaat eqqartuussisarnermik inatsisaanni kapitali 42 a-mi taaguut assigilerpagu, ataataassuseq anaanaaqataassuserluunniit pillugit suliani kapitali 26-p ator neqarnissata aalajangerneqarnera siullertut siunnersuummut pissutaavoq. Meeqqat pillugit inatsimmut peqqussut malillugu meeqqanut akilersuutit pillugit sulianik suliarinninneq Naalagaaffiup Sinniisaani inissinneqassammat, aappattut pissutaavoq, taamaalilluni eqqartuussiviit meeqqanut akilersuutit pillugit sulianik suliarinnittarunnaassallutik.

§ 272-imut

Inatsimmiq nalunaarut nr. 1284, 14. november 2018-imeersuq, inatsisikkut nr. 227-ikkut, 15. februar 2022-imi allanngortinneqartoq malillugu, qallunaat eqqartuussisarnermik inatsisaanni § 456 a malillugu, meeqqanut ataataassuseq anaanaaqataassuserlu suliat, inatsimmi kapitali 42 a-mi malittarisassat atorlugit suliarineqassapput, matumani sulianik taamaattunik suliareqqitassanngortitsinerit ilanngullugit. § 456 a-mi aalajangersakkap assinganik Kalaallit Nunaanni eqqartuussisarnermik inatsit imaqanngilaq.

Kalaallit Nunaanni eqqartuussisarnermik inatsimmi § 272-itut aalajangersakkamik ikkussisoqassasoq siunnersuutigineqarpoq, tamatumalu kingorna meeqqanut ataataassuseq anaanaaqataassuserlu pillugit suliat kapitalimi matumani malittarisassat ator neqassapput, matumani sulianik taamaattunik

sulieqqitassanngortitsinerit ilanngullugit. "Kapitalimi matumani" Kalaallit Nunaanni eqqartuussisarnermik inatsimmi kapitali 26 pineqarmat maluginiarneqassaaq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu, qallunaat eqqartuussisarnermik inatsisaanni § 456-imi assingusussap aalajangersagassatut siunnersuutigineqartup, ataataassusermik anaanaaqataassusermillu suliani kapitali 26-p atorneqarnissaa aalajangersassavaa. Taamaammatt aalajangersagassatut siunnersuutigineqartoq § 456 a-mut sulianut piareersaataasunut aamma tamanna pillugu eqqartuusseriaatsimut atuuttumut naapertuuttumik nassuiarneqartussaassaaq.

§ 273-imut

Kalaallit Nunaanni eqqartuussisarnermik inatsimmi § 272 ataataassuseq pillugu suliat suliarineqartarnerannut nunat tamat akornanni piginnaatsinerimik imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-allanngortinneqartoq malillugu, qallunaat eqqartuussisarnermik inatsisaanni § 456 b, imm. 1 malillugu, ataataassuseq anaanaaqataaerluunniit pillugit suliaq nunami maani eqqartuussivimmut saqqummiunneqarsinnaavoq pisuni tulliuuttuni:

- 1) Inuk meeqqamik inunngortitsisoq imaluunniit meeraq maani najugaqarpat.
- 2) Inatsimmi § 456 e, imm. 1 nr. 3, malillugu inuk suliami peqataasoq maani najugaqarpat akunissimappalluunniit, imaluunniit inuup toqnermini pigisai maani suliarineqarpat suliarineqarsimappataluunniit.
- 3) Ataataassuseq anaanaaqataassuserluunniit meeqqat pillugit inatsimmi kapitali 1 imaluunniit 1 a malillugu nalunaarsorneqarsimappat, meeqqat pillugit inatsimmi §§ 14 aamma 19 malillugit akuersissutigineqarsimappat imaluunniit eqqartuussutikkut aalajangersarneqarsimappat.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu, qallunaat eqqartuussisarnermik inatsisaanni § 456 b, imm. 2 malillugu, inuk meeqqat pillugit inatsimmi § 6 imaluunniit § 6 a malillugu, qinnuteqarneq tunngavigalugu meeqqamut ataataanini imaluunniit anaanaaqataanini pillugu suliamik nunami maani eqqartuussivimmut saqqummiullugu misilitsisinnaatitaavoq, kisianni aatsaat meeqqamik inunngortitsisoq aamma meeraq maani najugaqarpat. § 456 b, imm. 3, malillugu, aalajangersakkap imm. 1-iani aamma 2-ani malittarisassat nunamik allamik isumaqatigiissuteqarnikkut avaqqunneqarsinnaapput.

Folketingstidende 2000-01 tapiliusaaq A, qupperneq 89 malillugu, qallunaat eqqartuussisarnermik inatsisaanni § 456 b, imm. 3, nr. 3, pillugit oqaaseqaatit malillugit, ataataassuseq aamma anaanaaqataassuseq pillugu suliat, ataataassuseq imaluunniit anaanaaqataassuseq meeqqap inuuneranut atatillugu nalunaarsorneqarsimappat, imaluunniit meeqqat pillugit inatsimmi tamanna pillugu malittarisassat kapitali 1-imiittut imaluunniit 1 a imaluunniit §§ 14 aamma 19 malillugit akuersisaasimappat imaluunniit qallunaat eqqartuussiviannit eqqartuussutikkut eqqartuussissutigineqarsimappat, ataataassuseq aamma anaanaassuseq pillugit suliat Danmarkimi suliarineqarsinnaapput. Assersuutigalugu angut, meeqqat pillugit inatsimmi § 2 malillugu inooqatigisami meeraanut ataataasusut nalunaarsorneqarsimasooq, meeqqat pillugit inatsimmi § 5 malillugu, naak nammineq, anaanaasoq meerarlu pisut akornanni Danmarki qimassimagaluarlugu meeqqap inunngorneranit qaammatit arfinillit iluanni ataataassuseq pillugu suliamik aallartitsinnaassasooq tamatuma kinguneraa. Assigisaanik ataataassuseq pillugu, Danmarkimi nalunaarsuinikkut, akuersinikkut eqqartuussutikulluunniit aalajangerneqarsimasumik sulieqqitassanngortitsineq, naak peqataasut piffissami sulieqqitassanngortitsinerimi nunami allami najugaqaraluarpatut, nunami maani eqqartuussivimmut saqqummiunneqarsinnaassaaq.

Aammattaaq suliani angutip meeqqat pillugit inatsimmi § 6 malillugu meeqqamut ataataanerimi misilinneqarnissaanik pisinnaatitaataasup, pisinnaatitaanerminik atuiniarnerani, eqqartuussiviit nunat tamat akornanni suliarinninnissamik piginnaasaqarnerat aalajangersakkap malittarisassiukkaa, § 456 b, imm. 2-mut oqaaseqaat malitsigaat. Suliani taamaattuni, aatsaat meeraq anaanaasorlu Danmarkimi najugaqarpat

qallunaat eqqartuussivii suliarinninnissamik piginnaatitaapput. Angummit taamaattumit suliassanngortitsinerit aalajangersakkami taamaallaat pineqarput. Taamaammat pisuni qallunaat eqqartuussiviini ataataassuseq pillugu ingerlatsivioersuni, taanna pingaaruteqanngilaq. Assersuutigalugu imaassinnaavoq angut maani najugalik, nunami allamiup anaanaasup meeqqaminut ataataasoq nalunaarutigisimappagu, tamannalu tunngavigalugu ataataassuseq pillugu suliaq nunami maani suliassanngortinneqartoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu, qallunaat eqqartuussisarnermik inatsisaanni § 456 b, meeqqat pillugit inatsimmi § 15-imut atatillugu atuarneqassaaq, tamatumalu kingorna ataataassuseq anaanaaqataassuserlu pillugit suliat naalagaaffimmi ingerlatsivimmit eqqartuussivimmut saqqummiunneqarsinnaassallutik. Ataataassuseq anaanaaqataassuserlu pillugit nunat tamat akornanni suliarinninnissamik piginnaasaqarneq pillugu, meeqqat pillugit inatsit aalajangersakkanik imaqqanngilaq, kisianni naalagaaffiup ingerlatsiviata ataataassuseq anaanaaqataassuserlu pillugit sulianik suliarinnittarnera pillugu nalunaarummi nr. 1861-imi, 23. december 2015-imeersumi § 20 malillugu, tamanna pillugu § 456 b-mi piumasaqaatit naammassineqarsimappata, naalagaaffiup ingerlatsiviata ataataassuseq anaanaaqataassuserluunniit pillugit suliat suliarinnaassavaat. Taamaammat suliap Danmarkimi suliarineqarsinnaaneranut, naalagaaffiup ingerlatsivianut saqqummiunneqarnerani pissutsit apeqqutaalluinnarnerat sulisaasiusimavoq. Aalajangersakkat taakku malillugit ataataassuseq anaanaaqataassuserlu pillugit naalagaaffiup ingerlatsivia suliamik suliarinnissinnaappat, aamma suliaq eqqartuussivimmut saqqummiunneqassappat, illoqarfimmi eqqartuussivik sorleq suliamik saqqummiussiviusanersoq qallunaat eqqartuussisarnermik inatsisaanni § 456 c-p malitsigisimavaa. Kalaallit Nunaanni eqqartuussisarnermik inatsimmi § 273 a-tut siunnersuutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 e, imm. 1, nr. 3 eqqarsaatigalugu, Kalaallit Nunaanni eqqartuussisarnermik inatsimmi § 274-itut siunnersuutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 b, imm. 3-imi ilaatinneqartumik Danmarki isumaqatigiissusiorsimannngimmat maluginiarneqassaaq.

Meeraq arnamit katissimangitsumit meerartaarineqarpat, angutip anaanaasullu meeqqamut isumassuiniarlutik akisussaaniarlutillu allakkatigut nalunaaruteqarpata, aamma ataataassutsip nalunaarsorneqarnera inuit allattorsimaffiannut allattuisup nalunaarsorpagu, angut ataataasusut isigineqassasoq, meeqqat pillugit inatsimmi § 2 malitsigaa. Aammattaaq ilaatigut inatsimmi § 2 malillugu ataataassuseq nalunaarsorneqarsimappat, meeqqap inuuneranit qaammatit 6 iluanni suliaq ilaatigut ataataasumit suliassanngortinneqarsinnaasoq, inatsimmi § 5-p malitsigaa.

Meeqqat pillugit inatsimmi § 6 malillugu, angutip, anaanaasup piffissami naartulerfiani, anaanaasumik kinguaassiutitigut atoqateqarsimasup, aallaaviatigut ataataanerluni misilitsissinnaavaa. Taamatuutaaq inatsimmi § 6 a malillugu, angut imaluunniit arnaq, anaanaasup kinguaassiornissaminut ikiorneqarnissaanut imaluunniit sakkut atorlugit naartulersitsinneqarnissaanut akuersissuteqarsimasoq, ataataassuseq anaanaaqataassuserluunniit pillugit suliamik aallartitsisinnaavoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 b, imm. 1, 1 og 2. pkt. er skrevet med bogstaver oqaaseqatigiit siullerni aamma oqaaseqatigiit aappanni, aamma imm. 3-mi aalajangersakkat assigisaannik Kalaallit Nunaanni eqqartuussisarnermik inatsimmi § 272 aalajangersakkanik imaqarpoq, kisianni § 456 b-mi aalajangersakkat ilaasa assigisaannik Kalaallit Nunaanni eqqartuussisarnermik inatsit imaqqanngilaq.

Kalaallit Nunaanni eqqartuussisarnermik inatsimmi § 273, imm. 1-tut aalajangersakkamik ilanngussisoqassasoq siunnersuutigineqarpoq, tamalumalu kingorna ataataassuseq imaluunniit

anaanaaqataassuseq pillugu suliaq, ima pisoqartillugu Kalaallit Nunaanni najukkami eqqartuussivinnut saqqummiunneqarsinnaavoq, taamaattoq imm. 3 takuuk:

- 1) Inuk meeqqamik inunngortitsisimasooq meerarlunniit Kalaallit Nunaanni najugaqarpat.
- 2) Inuk, § 274, imm. 1, nr. 3 malillugu suliami peqataappat, Kalaallit Nunaanni najugaqarpat, imaluunniit inuup toqnermini pisatai pillugit Kalaallit Nunaanni suliarinnittoqarpat suliarinnittoqarsimappallunniit.
- 3) Meeqqat pillugit inatsimmi kapitali 1 imaluunniit 1 a malillugu ataataassuseq anaanaaqataassuserluunniit Kalaallit Nunaanni nalunaarsorneqarsimappat, meeqqat pillugit inatsimmi §§ 14 aamma 19 malillugit akuersissutigineqarsimappat imaluunniit eqqartuussutikkut aalajangerneqarsimappat.

Kalaallit Nunaanni eqqartuussisarnermik inatsimmi § 273, *imm. 2* aqqutigalugu, aatsaat meeqqamik inunngortitsisimasooq meerarlu Kalaallit Nunaanni najugaqarpat, pineqartup meeqqamut ataataanerluni imaluunniit anaanaaqataanerluni misiliisinnaasumit qinnuteqarnikut, meeqqat pillugit inatsimmi § 6 imaluunniit § 6 a malillugu ataataassuseq anaanaaqataassuserlu taamaallaat Kalaallit Nunaanni najukkami eqqartuussivimmu saqqummiunneqarsinnaavoq, taamaattoq imm. 3 takuuk. Naggataagut *imm. 3* aqqutigalugu, imm. 1-imi aamma 2-mi malittarisassat naalagaaffimmik allamik isumaqatigiissuteqarnikkut avaqqunneqarsinnaasut siunnersuutigineqarpoq.

Kalaallit Nunaanni eqqartuussiviit nunat tamat akornanni ataataassuseq anaanaaqataassuserlu pillugit sulianik suliarinnissinnaanermut piginnaasaqarnerat aalajangersagassatut siunnersuutip aalajangersassavaa. Meeqqat pillugit inatsimmut peqqussummi § 33 periarfissaliissutigalugu, Naalagaaffiup Sinniisuata ataataassuseq anaanaaqataassuserlu pillugit sulianik suliarinnittarnissaa pillugu nalunaarummik atulersitsisoqassaaq, taannalu tamanna pillugu Kalaallit Nunaannut eqqartuussisarnermik inatsimmi § 273-imi piumasaaqatit naammassineqarsimappata, Naalagaaffiup Sinniisuata suliarinnissinnaanera pillugu aalajangersakkamik imaqaassaaq. Taasuma naalagaaffiup ingerlatsiviata ataataassuseq anaanaaqataassuserlu pillugit sulianik suliarinnittarnera pillugu nalunaarummi nr. 1861-imi, 23. december 2015-imeersumi § 20 assigissavaa.

Meeqqat pillugit inatsimmut peqqussummi kapitali 1 aamma 1 a, aamma meeqqat pillugit inatsimmi §§ 2, 5, 6, 6 a, 14, 15 aamma 19, imarisamikkut allannngortinneqaratik, Kalaallit Nunaannut atuutilersinneqassammata, aamma, § 273, imm. 3-tut aalajangersagassatut siunnersuutigineqartumut ilaasumik Kalaallit Nunaannut atatillugu isumaqatigiissusiortoqarsimangimmat maluginiarneqassaaq.

Kalaallit Nunaanni eqqartuussisarnermik inatsimmi § 273-itut aalajangersagassatut siunnersuutigineqartoq, naleqqussaanerit ataasiakkaat naleqqussaatalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allannngortinneqartuim qallunaat eqqartuussisarnermik inatsisaanni § 456 b assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 273 a-mut

Kalaallit Nunaannut eqqartuussisarnermik inatsimmi § 273 ataataassuseq pillugu suliat, angerlarsimaffigisami eqqartuussivimmu suliasannngortitsisinnaaneq pillugu aalajangersakkanik imaqarpoq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allannngortinneqartoq malillugu qallunaat eqqartuussisarnermik inatsisaanni § 456 c malillugu, ataataassuseq anaanaaqataassuserluunniit pillugu suliaq, anaanaasup angerlarsimaffigisaani illoqarfimmi eqqartuussivimmu saqqummiunneqassaaq. Nunami maani angerlarsimaffigisami eqqartuussivimmu anaanaasooq saqqummiussinnaanngippat, aalajangersakkami imm. 2 malillugu suliaq illoqarfimmi eqqartuussivimmu, inatsimmi § 456, imm. 1, nr. 3-p malitsigisaanik, inuup peqataasup najugaani eqqartuussivimmu suliasaaq saqqummiunneqassaaq. Inatsimmi § 456 e, imm. 1, nr. 3-p malitsigisaanik suliap eqqartuussivimmu saqqummiunneqarnerani inuit arlallit suliami peqataappata, illoqarfimmi eqqartuussivik suliarinninnermik piginnaasaqartoq sorleq sulimik saqqummiuffiussanersoq inatsiseqarnermut ministerip aalajangissavaa. Inatsimmi § 456 e, imm. 1 aamma 2 malillugit najukkami eqqartuussivik

saqqummiussiviususaaq sumiinnersoq uppersarsarneqarsinnaangippat, aalajangersakkami imm. 3 malillugu illoqarfimmi eqqartuussivimmi sorlermi suliap saqqummiunneqarnissaa inatsiseqarnermut ministerip aalajangissavaa. Suli nassuiaasimatinnatik, peqataasut arlaata eqqartuussiveqarfik qimappagu, aalajangersakkami imm. 4 malillugu illoqarfimmi eqqartuussivimmi, maanna eqqortumik saqqummiussiviusussamik najukkami eqqartuussivinngortumi, suliarineqartussanngorlugu innersuussutigineqassaaq. Taamaaliornerup suliamik suliarinnineq piuminarnerulersissagaa imaluunniit sukkanerulersissagaa naatsorsuutigineqarpat, nunap eqqartuussisuunneqarfiani qullersap akuersissuteqarneratigut, nunap eqqartuussisuunneqarfiata pineqartup illoqarfimmi eqqartuussivimmi allami suliarineqarnissaa innersuussutigisinnaavaa.

Qallunaat eqqartuussisarnermik inatsisaanni § 456, imm. 1 aamma 2 eqqarsaatigalugit, Kalaallit Nunaanni eqqartuussisarnermik inatsimmi § 274-itut siunnersuutigineqartumut oqaaseqaatit innersuussutigineqarput.

Inatsimmik nalunaarut nr. 1284, 14. november 2018-imeersoq, inatsisimmi nr. 227-imi, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 c-mi aalajangersakkat assinginik, Kalaallit Nunaanni eqqartuussisarnermik inatsimmi § 273 imaqarpoq.

Kalaallit Nunaanni eqqartuussisarnermik inatsimmi § 273 a, imm. 1-imi taallugu aalajangersakkamik ilanngussisoqassasoq siunnersuutigineqarpoq, tamatumalu kingorna, § 272 malillugu najukkami eqqartuussivimmut, meeqqamik inunngortitsisimasup najukkami eqqartuussivimmi saqqummiussiffigisinnaasaani, Naalagaaffiup Sinniisua suliamik saqqummiussissaaq. Pineqartoq Kalaallit Nunaanni najukkami eqqartuussivimmut saqqummiussisnaangippat, § 274, imm. 1, nr. 3 malillugu suliami peqataasup najukkami eqqartuussivimmi saqqummiussiffigisinnaasaani, suliaq saqqummiunneqassaaq. Peqataasut arlaqarpata, najukkami eqqartuussivik sorleq suliamik saqqummiussiffigineqassanersoq Naalagaaffiup Sinniisuata aalajangissavaa. Peqataasut arlaannaalluunniit Kalaallit Nunaanni najukkami eqqartuussivimmut saqqummiussisnaatitaangipata, najukkami eqqartuussivik sorleq, suliamik saqqummiussiffigineqassanersoq Naalagaaffiup Sinniisuata aalajangissavaa. Aammattaaq najukkami eqqartuussivik suliamik saqqummiussiffigineqarsimasooq, suliap tassani suliarineqarnissaa naleqqunnerpaappat, suliap najukkami eqqartuussivimmi allami suliarineqarnissaa innersuussutigisinnaagaa Kalaallit Nunaanni eqqartuussisarnermik inatsimmi § 273 a, imm. 2-ikkut siunnersuutigineqarpoq.

Kalaallit nunaani najukkami eqqartuussivik sorleq Naalagaaffiup Sinniisuata ataataassutisimik anaanaaqataassutisimillu suliamik saqqummiussiffigisinnaanera, aalajangersakkap siunnersuutigineqartup aalajangersaavigissavaa. Aalajangersakkami naleqqussaanerit ataasiakkaat naleqqussaataigalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartuim qallunaat eqqartuussisarnermik inatsisaanni § 456 c assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 273 b-mut

Qaqugukkut ataataassuseq pillugu suliap eqqartuussivimmut saqqummiunneqarsimasutut isigineqarsinnaanera pillugu, Kalaallit Nunaanni eqqartuussisarnermik inatsit aalajangersakkanik imaqqanngilaq. Nalinginnaasumik oqaaseqaatini imm. 2.1. innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 d malillugu, eqqartuussiviup naalagaaffiup ingerlatsivianit ataataassuseq anaanaaqataassuserlu pillugit suliaq pillugu qinnuteqaammik eqqartuussiviup tigusineratigut, suliaq eqqartuussivimmut saqqummiunneqartutut isigineqalissaaq.

Kalaallit Nunaanni eqqartuussisarnermik inatsimmi § 273 b-tut aalajangersakkamik ilanngussisoqassasoq siunnersuutigineqarpoq, tamatumalu kingorna suliaq eqqartuussiviup Naalagaaffiup Sinniisuanit tiguppagu, suliaq najukkami eqqartuussivimmit saqqummiunneqarsimasutut isigineqalissaaq.

Ataataassuseq anaanaaqataassuserlu pillugit suliat, eqqartuussiviup suliamik Naalagaaffiup Sinniisuanit tiguseranerit, suliap najukkami eqqartuussivimmu saqqummiunneqarneratut isigineqarnissaa, aalajangersagassatut siunnersuutigineqartup aalajangersassavaa. Aalajangersakkami oqaatsitigut naleqqussaanerit naleqqussaatalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartuim qallunaat eqqartuussisarnermik inatsisaanni § 456 d assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 274-imut

Ataatassarsiuineri kikkut peqataasuunersut pillugit Kalaallit Nunaanni eqqartuussisarnermik inatsit aalajangersamik ataatsimilluunniit imaqqanngilaq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 e malillugu, ataataassuseq anaanaaqataassuserlu pillugit suliani peqataasut tassaapput meeraq imaluunniit taassuma toqnermini pigisai (nr. 1), inuk meeqqamik ingunngortitsisimasoq, imaluunniit taassuma toqnermini pigisai (nr. 2), aamma inuk inuilluunniit imaluunniit toqusut pigisaat meeqqat pillugit inatsimmi § 17 malillugu eqqartuussivimmit ilanngunneqartussat (nr. 3).

Peqataasoq nammineersinnaassuseqanngippat, peqataasoq sinnerlugu angajoqqaatut akisussaataasoq suliamek sassassasoq, § 456 e, imm. 2-p malitsigaa. Aammali angajoqqaatut akisussaataaneq eqqarsaatiginagu, peqataasut nammineerlutik sassarsinnaapput. Inatsimmik nalunaarut nr. 1122, 28. maj 2021-imeersoq malillugu angajoqqaatut akisussaataaneq pillugu inatsimmi §§ 47-miit 49 ilanngullugu malillugit peqataasumut immikkut ittumik angajoqqaatut akisussaasumik ivertitsisoqarnissaa eqqartuussiviup pisariaqartippagu, taanna eqqartuussivimmit ivertinneqarsinnaavoq.

§ 456 e, imm. 1-mut atatillugu, meeqqat pillugit inatsimmi § 17 malillugu, ataataassuseq anaanaaqataassuserlu pillugit suliamek, meeqqat pillugit inatsimmi § 9-mi taaneqarsimasut angutit arnallu, aamma angutit arnallu paasissutissiisutigineqarsimasut malillugit meeqqamut, taama tullerillutik, ataataasinnaasut anaanaaqataasinnaasulluunniit eqqartuussivimmit ilanngunneqassammata maluginiarneqassaaq. § 9 malillugu suliamek peqataasut tassaapput meeraq imaluunniit taassuma toqnermini pigisai, anaanaasoq imaluunniit taassuma toqnermini pigisai, angut ataataasutut nalunaarsorneqarsimasoq imaluunniit ataataassutsimik akuersissuteqarsimasoq, imaluunniit taassuma toqnermini pigisai, angut anaanaasup paasissutissiineratigut ataataasoq imaluunniit meeqqamut ataataasinnaasoq, imaluunniit taassuma toqnermini pigisai, angut meeqqamik ataataassutsimi misilinneqarnissaannik pisinnaatitaasoq, imaluunniit taassuma toqnermini pigisai, arnaq anaanaaqataasutut nalunaarsorneqarsimasoq imaluunniit anaanaaqataasutut akuersissuteqarsimasoq, imaluunniit taassuma toqnermini pigisai, arnaq meeqqamik anaanaaqataassutsimi misilinneqarnissaannik pisinnaatitaasoq, imaluunniit taassuma toqnermini pigisai.

§ 456 e, imm. 2-mut atatillugu, angajoqqaatut akisussaataaneq pillugu inatsimmi § 1 malillugu, meeqqat inuusuttullu 18 inorlugit ukiullit aallaaviatigut nammineersinnaassuseqanngillat, aamma inatsimmi §§ 5 aamma 6 malillugit inersimasunut angajoqqaatut akisussaassuseqartitsineri aallartitsisoqarsinnaasoq, maluginiarneqassaaq. Angajoqqaatut akisussaataasoq angajoqqaatullu akisussaataasulerneqartoq, akerleriissunik soqutigisaqarsinnaappata, angajoqqaatut akisussaataasoq utaqqiisaagallartumik suliassaminik suliarinnissaminut akornuserneqarsimappat, imaluunniit peqannginnini pissutigalugu utaqqiisaagallartumik suliassaminik isumaginnissaminut akornuserneqarsimappat, angajoqqaatut akisussaataaneq pillugu inatsimmi §§ 47-imiit 49 ilanngullugu immikkut ittumik angajoqqaatut akisussaataasumik ivertitsisoqarnissaa periarfissinneqarpoq.

Kalaallit Nunaanni eqqartuussisarnermik inatsimmi § 274, imm. 1-itut aalajangersakkamik ilanngussisoqarnissaa siunnersuutigineqarpoq, tamatumalu kingorna suliamek peqataasut tassaalissapput

meeraq imaluunniit taassuma toqunermini pigisai (nr. 1), inuk meeqqamik ingunngortitsisimasooq, imaluunniit taassuma toqunermini pigisai (nr. 2), aamma inuk inuilluunniit imaluunniit toqusut pigisaat meeqqat pillugit inatsimmi § 17 malillugu eqqartuussivimmit ilanngunneqartussat (nr. 3). Aammattaaq aalajangersakkami *imm. 2-tut* aalajangerrisakkamik ilanngussisoqassasooq siunnersuutigineqarpoq, tassani peqataasooq 18 inorlugit ukioqarpat, angajoqqaatut akisussaaitaasooq peqataasooq sinnerlugu suliami sassassasooq tamatuma malitsigissavaa. Aammattaaq nammineersinnaassusiagaasimaneq aamma angajoqqaattut akisussaaitaasumik isumasieueqqaarluni pisuussutit pillugit aalajangiisinnaaneq soqutiginaqit, peqataasut nammineerlutik sassassapput. Namminersorsinnaanermik inatsimmi §§ 56 aamma 57 malillugit, peqataasup immikkut ittumik angajoqqaatut akisussaaitaasumik peqarnissaa najukkami eqqartuussiviup nalilerpagu, taanna angajoqqaatut akisussaaitaasunngortinneqarsinnaavoq.

Ataataassuseq anaanaaqataassuserlu pillugit suliat pillugit eqqartuussinerni kikkut peqataasutut taaneqarsinnaanersut, aamma nammineersinnaassuseqanngitsup imaluunniit nammineersinnaassusiagaasimasup qanoq annertutigisumik suliap ingerlanerani nammineerluni sassarluni peqataasinnaanera aalajangersagassatut siunnersuutigineqartup aalajangersassavaa.

§ 274, imm. 1-tut aalajangersagassatut siunnersuutigineqartumut atatillugu, meeqqat pillugit inatsimmut peqqussut aqutugalugu meeqqat pillugit inatsimmi §§ 9 aamma 17 imai allanngortinnagit Kalaallit Nunaannut atuutilersinneqassasooq maluginiarneqassaaq.

§ 274, imm. 2-tut aalajangersagassatut siunnersuutigineqartumut atatillugu, angajoqqaatut akisussaaitaaneq pillugu inatsit Kalaallit Nunaannut atuutilersinneqarsimanngimmat maluginiarneqassaaq. Kalaallit Nunaanni angajoqqaatut akisussaaitaaneq pillugu malittarisassat namminersorsinnaatitaanermik inatsimmi, kunngip peqqussutaatigut nr. 306, 14. maj 1993-imeersumi Kalaallit Nunaannut atuutilersinneqarsimapput. Peqqussummi §§ 1 aamma 2 malillugit, inuk 18 inorlugit ukiulik nammineersinnaassuseqanngilaq, aamma inuk 18-ileereersimasooq nammineersinnaajunnaarsitaasinnaavoq. Peqqussummi kapitali 6 malillugu inersimasooq angajoqqaattut akisussaaitaasumik isumasieueqqaarluni pisuussutit pillugit aalajangiisinnaatinneqalersinnaavoq. Soqutigisanik akerleriittoqartillugu il.il. immikkut ittumik angajoqqaatut akisussaaitaasumik ivertitsisoqarnissaa, angajoqqaatut akisussaaitaaneq pillugu inatsimmi §§ 47-miit 49 ilanngullu malittarisassat assigisaannik, peqqussut §§ 56-imi aamma 57-imi aalajangersakkanik imaqarpoq.

Aalajangersakkami naleqqussaanerit ataasiakkaat naleqqussaaitigalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartumi qallunaat eqqartuussisarnermik inatsisaanni § 456 e assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni, tak. Kalaallit Nunaanni eqqartuussisarnermi inatsimmi § 274.

§ 274 a-mut

Ataatassarsiuineq pillugu eqqartuussivimmut saqqummiussisoqarsimanera pillugu peqataasut ilisimatinneqarnissaat pillugu aalajangersakkamik ataasiinnermilluunniit Kalaallit Nunaanni eqqartuussisarnermik inatsimmi kapitali 26 imaqqanngilaq.

Inatsimmik nalunaarut nr. 1284, 14. november 2018-imeersooq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 f, imm. 1 malillugu, ataataassuseq anaanaaqataassuserlu pillugit suliat eqqartuussivimmut saqqummiunneqarsimanerat pillugu, eqqartuussiviup iliuseqarneratigut peqataasunu nalunaarutigineqartarpoq. Suliap suliarineqarnerata nalaali inuk peqataasussatut ilanngunneqarpat, pineqartumut taamatutaaq nalunaaruteqartoqassaaq. Peqataasooq toqusimappat, imm. 2 malillugu nalunaarut toqusup pigisaanut nalunaarutigineqassaaq.

Kalaallit Nunaanni eqqartuussisarnermik inatsimmi *§ 274 a, imm. 1-itut* aalajangersakkamik ilanngussisoqarnissaa siunnersuutigineqarpoq, tamatumalu kingorna suliap najukkami eqqartuussivimmut saqqummiunneqarsimanera pillugu peqataasut eqqartuussiviup iliuseqarneratigut nalunaarfigineqassapput. Suliap suliarineqarnerata nalaali inuk peqataasussatut ilanngunneqarpat, pineqartumut taamatutaaq

nalunaaruteqartoqassaaq. Aammattaaq aalajangersakkami *imm. 2-tut* aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasoq toqusimappat, nalunaarut toqusup pigisaanut nalunaarutigineqassaaq.

Ataataassuseq anaanaaqataassuserlu pillugit sulianik eqqartuussivimmuut saqqummiussisoqarsimanera pillugu, aalajangersagassatut siunnersuutigineqartup peqataasunut ilisimatitsinneqarnissaannik najukkami eqqartuussivik pisussaaffilissavaa. Aalajangersakkami oqaatsitigut naleqqussaanerit naleqqussaatalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartuim qallunaat eqqartuussisarnermik inatsisaanni § 456 f assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 274 b-mut

Kalaallit Nunaanni eqqartuussisarnermik inatsimmi § 275, imm. 2, suliami peqataasunut peqataasoq sinnerlugu eqqartuussinermi peqataasussamik fuldmægtigimik ivertitsisoqarnissaa pillugu aalajangersakkamik imaqarpoq. Nalinginnaasumik oqaaseqaatini imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 g, oqaaseqatigiit siulliit malillugit, peqataasoq pisariaqartitsippat, eqqartuussivik peqataasumut eqqartuussissuserisumik ivertitsisinnaavoq. Statstidende-mi nalunaarutikkut qaaqqusineq malillugu imaluunniit pisuni, angajoqqaq nalunaarutigineqartoq toqusimappat, pineqartoq takutinngippat imaluunniit toqusut pigisaanit takuttoqanngippat, aalajangersakkami oqaaseqaatit aappaat malillugu inummik ilanngunneqartumik ivertitsineq pissaaq.

Kalaallit Nunaanni eqqartuussisarnermik inatsimmi § 275, imm. 2, § 456 g-mi, oqaaseqatigiit siulliit assigisaanik aalajangersakkamik imaqarpoq, kisianni § 456 g-mi oqaaseqatigiit aappaanni aalajangersakkap assigisaannik Kalaallit Nunaanni eqqartuussisarnermik inatsimmi kapitali 26 imaqqanngilaq.

Kalaallit Nunaanni eqqartuussisarnermik inatsimmi *§ 274 b, imm. 1-itut* aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasumut pisariaqartitsisumut peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik ivertitsisinnaavoq. Aalajangersakkami *oqaaseqatigiit aappaat* malillugu, §137, imm. 1-mi tamanut nalunaarutikkut qaaqqusineq malillugu imaluunniit pisuni, angajoqqaq nalunaarutigineqartoq toqusimappat, pineqartoq takutinngippat imaluunniit toqusut pigisaanit takuttoqanngippat, aalajangersakkami oqaaseqaatit aappaat malillugu inummik ilanngunneqartumik ivertitsineq pissaaq.

Siullertut peqataasumut taamatut pisariaqartitsisumut, eqqartuussiviup peqataasoq sinnerlugu eqqartuussinermi peqataasussamik fuldmægtigimik ivertitsinissamik eqqartuussivik periarfissaqalersissavaa. Aappaattut peqataasumut peqataasoq sinnerlugu eqqartuussinermi peqataasussamik fuldmægtigimik najukkami eqqartuussivik aalajangersakkap pisut ilaanni pisussaaffilissavaa.

Eqqartuussinermi peqataasunut Kalaallit Nunaani eqqartuussisarnermik inatsit malillugu nalinginnaasumik eqqartuussissuserisunik ivertitsisoqarneq ajormat kisianni peqataasoq sinnerlugu eqqartuussinermi peqataasussamik fuldmægtigimik ivertitsisoqartarmat, aamma inatsimmi § 137 malillugu tamanut ammasumik eqqartuussinissamut qaaqqusineq Statstidende-kkut nalunaaruteqarnerup saniatigut ilaatigut aamma Atuagagdliutit (AG/Grønlandsposten) aamma allattariarsornikkut tusagassiutit allat atorlugit pisinnaammat maluginarneqassaaq.

Kalaallit Nunaanni eqqartuussisarnermik inatsimmi § 274 b-tut aalajangersagassatut siunnersuutigineqartoq, naleqqussaanerit qulaani taaneqartut naleqqussaatalugit, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 g assigissavaa, taamaammallu aalajangersakkamut tassunga

suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 275-imut

Suliat paasissutissanik imaqartinneqartarnissaat pillugit Kalaallit Nunaanni eqqartuussisarnermik inatsit alajangersakkamik ataatsimilluunniit imaqanngilaq. Oqaaseqaatini nalinginnaasuni imm. 2.1 innersuussutigineqarpoq. Tamaana apeqqutaatinnagu ataataassarsiuinermik suliap paasissutissanik imaqartinneqarnissaata isumagineqarnissaa eqqartuussiviup pisussaaffigaa.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 h, imm. 1, oqaaseqatigiit siulliit malillugit, suliap paasissutissanik imaqartinneqarnissaa eqqartuussiviup isumagisassaraa. Aalajangersakkami imm. 2 malillugu peqataasut ilisimannittullu killisiorneqarnissaat pillugit aamma sulianik ilisimannittunit oqaaseqaatit pissarsiarineqarnissaat uppersarsaatillu allat pillugit eqqartuussivik nammineerluni aalajangiissaaq. Peqataasut ilisimannittullu eqqartuussiviup nammineq aggeqqussavai. Aajalangersakkami imm. 3 malillugu suliap paasissutissanik imaqartinnaasanut politiit ikiuutissapput, matumani ataataasutut- anaanaaqataasutulluunniit periarfissaasinnaasutut nalunaarutigineqartut ujarneqarnissaat ilanngullugit. Aalajangersakkami imm. 4 malillugu, inatsimmi peqataasumut takkutinngitsoornerup imaluunniit takkunnermi akerlilinnginnerup sunniutai, ataataassuseq anaanaaqataassuserluunniit pillugit suliani atuutinngillat.

Aalajangersakkami imm. 5 malillugu, peqataasut takkunnissaat suliamut pingaaruteqanngitsunut eqqartuussiviup nalilerpagu, peqataasut ilisimannittunik imaluunniit peqataasunik allanik killisiuinermik isiginnaartuunissaannut qaaqquneqarnissaat pinngitsoortinneqarsinnaavoq. Taamaattoq aalajangersakkami imm. 6 nangaassutigalugu, eqqartuussinissap qaqqugukkut pinissaa sumiinnissaalu, sumilu killisiuinerup pinissaa pillugit, peqataasut tamatigut nalunaarfigineqartassapput. Peqataasup pineqartup nammineq kissaatiginngikkuniuk, aggernissaa pisariaqanngitsoq nalunaarummi taaneqassaaq. Aalajangersakkami imm. 6 malillugu peqataasumik allamik eqqarsaatiginneq imaluunniit suliamut paasissutissiineq pissutigalugit qaqtigoortumik tamanna pisariaqartinneqarpat, eqqartuussiviup peqataasoq qaaqqusinngitsoorsinnaavaa, imaluunniit peqataasup tamakkiisumik ilaannakoortumilluunniit eqqartuussinermik isiginnaartuunnginnissaa aalajangersinnaallugu. Suliaq aalajangiiffigineqartinnagu, pineqartoq paasissutissat saqqummertut pillugit ilisimatinneqassaaq.

Aalajangersakkami imm. 7 malillugu, meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaaq. Eqqartuussisarnermik inatsimmi § 178-mi aalajangersakkat taamatuttaaq atorineqassapput. Suliamut pingaaruteqassappat, meeqqat pillugit inatsimmi § 18 malillugu suliami peqataasunit dna pillugu misissuinissat naammassineqarnissaat pillugit eqqartuussivik aalajangiissamat maluginiarneqassaaq. Aammattaq ilisimannittunut takkutinngitsoortunut imaluunniit nassuiaateqanngitsoortunut qallunaat eqqartuussisarnermik inatsisaanni § 178 qisuariaateqarnissanut periarfissiimmaat, assersuutigalugu akiliisitsissinerit imaluunniit politiit aaneqarnerit pillugit periarfissiimmat maluginiarneqassaaq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 h, imm. 6-mut piareersaataasumik suliat malillugit, suliami peqataasut allat imaluunniit taakku arlaat ataaseq nassuiaanermik isiginnaartuussappata, aamma pisuni, aalajangersimasumik naliliineq malillugu apeqqutit apeqqutigineqartut qanoq issusaasat apeqqutaatillugu naammattumik tamakkiisumillu nassuiaasinnaanerup anguneqarsinnaannginneranik kinguneqarsinnaanera ilimagineqarsinnaatillugu, nassuiaasoqarsinnaanerata qulakkeerneqarnissaa aalajangersakkami siunertarinearpoq. Oqaaseqaatit malillugit pingaarnertut pisuni peqataasut kinguaassiutitigut ataqtigiinnerat pillugu nassuiaatinik erseqqinnerusunik pissarsinissap anguneqarnissaa pisariaqartillugu, aalajangersagaq ingammik naleqquppoq. Taamatut pisariaqartitsineq erseqqissumik pisariaqartinneqartillugu aalajangersakkap taamaallaat atorineqarnissaa piumasaqaataavoq, matumani taamaalluni suliami peqataasut ilaanni ataasiinnaap nassuiaanermi isiginnaartuunissaanik itigartinneqarsinneqarsinnaanera ilanngullugu. Suliani, meeqqap meerarsianngortinneqarsimanerani,

peqataasut kinaassusaasa isertuunneqarnissaasa qulakkeerneqarnissaat pillugu aalajangersakkap pisariaqartinneqartummik atorneqarnissaa piumasaqaataammat, matumani aamma aalajangiinerni meerarsartaartut il.il. atiisa taaneqarnissaannut inerteqquteqarneq pillugu inatsimmi § 456 m, imm. 4 takuuk, suliamut piareersaataasut aammattaaq malitsigaat. Naggataagut, § 456 h, imm. 6, oqaaseqatigiit aappaata malitsigisaanik pisuni, aalajangersakkami oqaaseqatigiit siullit malillugit peqataasut ilaata ataatsip ilaatitaanngitsoornera pisimatillugu, peqataasoq ilaatitaanngitsoorsimasoq imaluunniit peqataasut ilaatitaanngitsoorsimasut, paasissutissat takkussimasut pillugit ilisimatinneqassasut, suliamut piareersaataasuni erseqqissaatigineqarpoq. Taamaalilluni nassuiaatit nassuiaatigineqarsimasut imaasa peqataasunut tunniunneqannginnissaat inatsisitigut periarfissaliissutigineqanngilaq. Folketingstidende 2000-01, ilanngussaq A, qupperneq 90 innersuussutigineqarpoq.

Ataataassuseq anaanaaqataassuserlu pillugit eqqartuussinerit suliarineqarneranni, suliap naammattummik paasissutissanik imaqartinneqarnissaanut tunngavik atuuttoq, inatsimmi § 456 h-p erseqqissarpaa. Tamanna ilaatigut suliat paasissutissinneqarnissaannik aamma angutit arnallu, meeqqamut angajoqqaasinnaasutut nalunaarutigineqarsimasut ilanngunneqarnissaannik eqqartuussivik pisussaaffeqartoq tamatuma kinguneraa.

Kalaallit Nunaanni eqqartuussisarnermik inatsimmi § 275, imm. 1-itut aalajangersakkamik ilanngussisoqassasoq siunnersuutigineqarpoq, taassumalu najukkami eqqartuussiviup suliap paasissutissinneqarnissaata isumaginninnissaa aalajangersarpaa.

Aammattaaq aalajangersakkap imm. 2-atut aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasut ilisimannittullu killisiorneqarnissaat pillugit aamma sulianik ilisimannittunit oqaaseqaatit pissarsiarineqarnissaat uppernarsaatillu allat pillugit eqqartuussivik nammineerluni aalajangiissaaq. Peqataasut ilisimannittullu eqqartuussiviup nammineq aggeqqussavai. Tamatuma peqatigisaanik aalajangersakkamut imm. 3-tut aalajangersagaq ilanngunneqassasoq siunnersuutigineqarpoq, tamatumalu kingorna suliap paasissutissanik imaqartinneqarnissaanut politiit ikiuutissapput, matumani ataataasutut- anaanaaqataasutulluunniit periarfissaasinnaasutut nalunaarutigineqartut ujarneqarnissaat ilanngullugit.

Aammattaaq aalajangersakkap imm. 4-aatut aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasup takkutinngitsoornerata imaluunniit akerliliinani takkunnerata kingunerisai pillugit inatsimmi aalajangersakkat, kapitali manna malillugu sulianut atuutissanngillat. Tamatuma peqatigisaanik imm. 5-itut aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasut takkutitinneqarnissaat suliamut pingaaruteqanngitsutut najukkami eqqartuussiviup nalilerpagu, ilisimannittut peqataasulluunniit allat killisiorneqarnissaannut peqataasut qaaqquneqarnissaat pinngitsoortinneqarsinnaavoq. Eqqartuussinerup piffissami sumi pinissaa aamma sumiiffissaa, killisiunerup taamaattup qanoq ingerlanneqarnissaa, tamatigut peqataasunut nalunaarutigineqartassaaq, taamaatoq imm. 6 takuuk. Peqataasoq, nammineq kissaatiginngikkuniuk aggertariaqanngitsaq, nalunaarummi oqaatigineqassaaq. Aalajangersakkap imm. 6-aatut aalajangersakkamik ilanngussisoqarnissaa siunnersuutigineqarpoq, tamatumalu kingorna peqataasup eqqartuussinermut qaaqquneqarnissaa najukkami eqqartuussiviup pinngitsoortissinnaavaa, imaluunniit peqataasumut allamut imaluunniit suliap paasissutissanik ilaneqarnissaata eqqarsaatigineqarnerisa pisariaqartippassuk, peqataasup eqqartuussineri tamakkiisumik ilaannakoortumilluunniit isiginnaartuunissaata itigartitsissuginissaa aalajangersinnaallugu. Suliaq aalajangiiffigineqartinnagu, pineqartoq paasissutissat saqqummiunneqartut pillugit ilisimatinneqassaaq.

Naggataagut aalajangersakkap imm. 7-iatut aalajangersakkamik ilanngussisoqarnissaa siunnersuutigineqarpoq, tamatumalu kingorna meeqqat pillugit inatsimmi § 18 malillugu dna pillugu misissuinissat naammassineqarnissaat pillugit najukkami eqqartuussivik aalajangersakkamik aalajangiissaaq. § 150-imi aalajangersakkat taamatuttaaq atuupput. § 150-imut innersuussineri Kalaallit Nunaanni eqqartuussisarnermik inatsimmi § 150 innersuussutigineqarpoq.

Ataataassuseq anaanaaqataassuserlu pillugit suliani eqqartuussinerit suliarineqarneranni suliat naammattummik paasissutissanik imaqartinneqarnissaat pillugu tunngavik attuuttoq, aamma taamaammat suliat paasissutissanik imaqartinneqarnissaasaannut eqqartuussivik pisussaaffeqartoq aalajangersagassatut

siunnersuutigineqartup imm. 1-imi aalajangissavaa. Peqataasunik ilisimannittunillu killisiuinernut aamma uppersaatinik pissarsiniarnernut atatillugu, matumani politii ikiunnerat ilanngullugu, taakku imm. 2-miit 7 ilanngullugu siunnersuutigineqartuni itisiliiffigineqassapput.

Meeqqat pillugit inatsimmut peqqussut aqutugalugu meeqqat pillugu inatsimmi § 18, imai allanngortinnagit Kalaallit Nunaannut atuutilersinneqassaaq, aamma qallunaat eqqartuussisarnermik inatsisaanni § 178-p assinganik Kalaallit Nunaanni eqqartuussisarnermik inatsimmi § 150 ilisimannittut pillugit aalajangersakkamik imaqartoq maluginiarneqassaaq.

Kalaallit Nunaanni eqqartuussisarnermik inatsimmi § 275-itut aalajangersagassatut siunnersuutigineqartoq, naleqqussaanerit ataasiakkaat naleqqussaatalugit, inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartuim qallunaat eqqartuussisarnermik inatsisaanni § 456 h assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 276-imit

Peqataasut ilisimannittullu suliap paasisutissanik imaqartinneqarnissaanut pisussaaffeqarnerat pillugu Kalaallit Nunaanni eqqartuussisarnermik inatsimmi § 276, imm. 1 imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersaq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 i, imm. 1 malillugu, inuk meeqqamik inunngortitsisimasooq, meeqqat pillugit inatsimmi § 16 malillugu meeqqamut kina ataataanersoq imaluunniit anaanaaqataanersoq pillugu eqqartuussivimmut takkulluni nassuiaanissaminut pisussaaffeqarpoq. Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu taamatuttaaq atuupput.

Taamatuttaaq inuk imaluunniit inuit inatsimmik nalunaarut nr. 1284, 14. november 2018-imeersaq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 e, imm. 1, nr. 3-p malitsigisaanik, inatsimmi § 456 i, imm. 2 malillugu peqataasut, meeqqamik inunngortitsisimasumut, piffissami pineqartupu naartulerfigisaani kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a imaluunniit 27 b malillugit ikiorneqarluni kinguaassiornissamut katsorsarneqarnermut imaluunniit assigisaanik katsorsarneqarnermik imaluunniit sakkuutit atorlugit naartulersitsinermik akuersissuteqarsimanerlutik, eqqartuussivimmut takkullutik nassuiaanissaminut pisussaaffeqarput. Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu taamatuttaaq atuupput.

§ 456 i, imm. 3 malillugu, inatsimmi § 188-imi malittarisassat malillugit peqataasooq angalanerminut akiliutiminik taarsiivigineqarsinnaavoq.

Qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu ilisimannittut pillugit malittarisassanik imaqarpoq, matumani eqqartuussinermi ilisimannittutut nassuiaateqartussaataaneq pillugu aamma ilisimannittunut takkutinngitsoortunut iliuuseqarnissamik periarfissat, assersuutugalugu akiliisitsinerit aamma politiiit aaneqarnerit ilanngullugit.

Meeqqat pillugit inatsimmi § 16 malillugu, meeqqamut kina ataataanersoq imaluunniit ataataasinnaanersoq pillugu, aamma ikiorneqarluni kinguaassiornissamut katsorsartissimanerup imaluunniit assigisaanik katsorsarneqarnerup imaluunniit sakkuutit atorlugit naartulersitsinerup kingunerisaanik meeraq pingorsimanersoq pillugu, aamma taamaassimappat kina katsorsaanerit sakkuutit atorlugit naartulersitsinerit taassumunnga akuersissuteqarsimanersoq pillugu eqqartuussivimmut takkulluni nassuiaateqarnissamik anaanaasooq pisussaaffeqarpoq. Aalajangersagaq malillugu, anaanaasup paasisutissiinissamik pisussaaffiata avaqqunneqarsinnaanera pillugu inatsimmi § 8, imm. 2-miit 4 ilanngullugu taamatuttaaq atuutissapput. Inatsimmi § 16, imm. 2 malillugu ataataassutsip

anaanaaqataassutilluunniit akuersissutigineqarnerani paasissutissiisussaataaneq atuutinngilaq. Aammattaaq meeqqap inunngorneranut atatillugu ataataassuseq nalunaarsorneqarsimappat, imaluunniit inatsimmi § 14, imm. 1 malillugu ataataassuseq meeqqap inunngornerani akuersissutigineqarsimappat, angutip meeqqamut ataataasutut nalunaarsorneqarsimasup imaluunniit ataataassutsiminik akuersissuteqarsimasup, meeqqamut ataataannginera aalajangerneqarsimappat imaluunniit malunnartumik qularnarunnaarsinneqarsimappat, paasissutissiisussaataaneq taamaallaat atuutissasoq, aalajangersakkami imm. 3-p malitsigaa, taamaattoq inatsimmi § 8, imm. 4 nangaassutigalugu. Anaanaasoq ikiorneqarluni kinguaassiornissaminut katsorsarneqarsimappat, imaluunniit sakkut atorlugit naartulersinneqarsimappat, aamma ataataassuseq anaanaaqataassuserluunniit meeqqap inunngornerata nalunaarsorneqarneranut atatillugu nalunaarsorneqarsimappat imaluunniit inatsimmi § 14, imm. 1 malillugu meeqqap inunngoreernerata kingorna akuersissutigineqarsimappat, meeqqap katsorsarneqarnerup taamaattup kingorna imaluunniit sakkut atorlugit naartunngorsimasinnaanera malunnartumik qularnarunnaarsinneqartutut isigineqarsinnaappat, paasissutissiisussaataaneq taamaallaat atuuttoq, aalajangersakkap taassuma kinguneraa.

Aammattaaq inatsimmi § 8, imm. 5, assigisaanik atorneqassasoq, meeqqat pillugit inatsimmi § 16-ip malitsigaa. Anaanaasoq kiap ataataasinnaanera imaluunniit anaanaaqataasinnaanera pillugu paasissutissanik tunniussinngippat, taamaaliornerup imminut meeqqamullu qanoq kinguneqarnissaa pillugu ilitsersorneqassasoq, aalajangersakkap taassuma malitsigaa.

Peqqinnissaqarfimmi sulisumit peqataasoqarneratigut ikiorneqarluni kinguaasioorneq tunngavigalugu, imaluunniit peqqinnissaqarfimmi sulisumit peqataasoqarani sakkut atorlugit naartulersitsinermi aataassutsip anaanaaqataassutillu pilersinneqarnera pillugu, meeqqat pillugit inatsimmi §§ 27, 27 a imaluunniit 27 b, malittarisassanik imaqarpoq.

Qallunaat eqqartuussisarnermik inatsisaanni § 188 malillugu, eqqartuussiviit pillugit aqutsisoqarfik ilisimannittut aningaasanik utertitsivigineqarsinnaanerat pillugit malittarisassanik aalajangersaasinnaavoq.

Meeqqat pillugit inatsimmi § 16-imut innersuussinerup ilaatigut, ataataassarsiuneq pillugu suliamik aallartitsisoqarsimappat, meeqqap inunngorneranut atatillugu ataataassuseq nalunaarsorneqarsimappat, imaluunniit meeqqap inunngornerata kingorna ataataassuseq akuersissutigineqarsimappat, anaanaasup aallaaviatigut paasissutissiisussaannginnera, Folketingstidende 2000-01-mi, ilanngussaq A-mi, quppernerit 90-imiit 91 ilanngullu oqaaseqaaseqaatini erseqqissarneqarpoq, tak. qallunaat eqqartuussisarnermik inatsisaanni § 456 i. Kisianni paasissutissiisussannginneq piumasaqaatitaqarpoq. Suliap suliarineqarnerata nalaani tamanna aalajangerseqarpat, imaluunniit angut, ataataasutut nalunaarsorneqarsimasoq imaluunniit ataataasutut akuersissuteqarsimasoq, meeqqamut ataataanngitsoq, imaluunniit tamanna malunnartumik qularnarunnaarsinneqarpat, anaanaasoq paasissutissiisussaataavaoq. Meeqqamut ataataasoq imaluunniit ataataasinnaasoq kinaanersoq anaanaasup oqaatigiumanngippagu, taamaaliornerup imminut meeqqamullu qanoq kinguneqarnissaa pillugu eqqartuussiviup anaanaasoq ilitsersussavaa. Paasissutissiisussaataanerminik anaanaasoq suli naammassinnikkusunngippat, qallunaat eqqartuussisarnermik inatsisaanni § 178-imi ilisimannittut pinngitsaalineqarnissaannut atortut eqqartuussiviup atorsinnaavai. Peqataasut taamaaliornermik pillarneqarnissamik imminut navianartorsioritissappata imaluunniit atugarissaarnerminnik annaasaqassappata, peqataasut nassuiaassanngitsut, qallunaat eqqartuussisarnermik inatsisaanni § 171, imm. 2, nr. 1-imut innersuussinerup kinguneraa. Pisuni taamaattuni pinngitsaaliinnikkut nassuiaanerit, naapertuilluartumik eqqartuunneqarnissamik pisinnaatitaaffik pillugu Europamiut Inuit pisinnaatitaaffii pillugit isumaqatigiissutaanni artikili 6-imut akilerliusutut isigisariaqarput. Inatsimmik nalunaarut nr. 1851, 20. september 2021-imeersoq malillugu pillaasarnermik inatsimmi § 210 malillugu meeraq qanigivallaakkamik atoqateqarnikkut naartugilerneqarsimappat, imaluunniit pillaasarnermik inatsimmi § 222 malillugu anaanaasoq nukappiaqqamik 15-t inorlugit ukiulimmik atoqateqarsimatillugu, aassersuutigalugu § 178-imi aajalangersagaq atorneqarsinnaassaaq.

Kalaallit Nunaanni eqqartuussisarnermik inatsimmi § 276, imm. 1-itut aalajangersakkamik ilanngussisoqarnissaa siunnersuutigineqarpoq, tamatumalu kingorna, inuk meeqqamik inunngortitsisimasoq, meeqqat pillugit inatsimmi § 16 malillugu meeqqamut ataataasup imaluunniit ataataasinnaasup imaluunniit

aanaanaaqataasup kinaanera pillugu najukkami eqqartuussivimmut takkuttussaatitaavoq nassuiaasussaatitaallunilu. § 144, imm. 2, nr. 1-imi, aamma §§ 150-imiit 152 ilanngullu malittarisassat assigisaanik atuupput.

§ 144, imm. 2, nr. 1, aamma §§ 150-imiit 152 ilanngullu innersuussinerit, Kalaallit Nunaanni eqqartuussisarnermik inatsimmut innersuussinerupput.

Aalajangersakkami *imm. 2* aqutigalugu, inuk imaluunniit inuit, Kalaallit Nunaanni eqqartuussisarnermik inatsimmi § 274, imm. 1, nr. 3-tut siunnersuutigineqartumi suliami peqataasut, piffissamilu pineqartup naartulerfiata nalaani meeqqamik inunngortitsisumik kinguaassiutitigut atoqateqarsimanerlutik, imaluunniit meeqqat pillugit inatsimmi §§ 27, 27 a, imaluunniit 27 b malillugit ikiorneqarluni kinguaassiorsinnaanissamut katsorsartinnermut assigisaanilluunniit katsorsartinnermut imaluunniit sakkuutit atorlugit naartulersitsinnermut akuersissuteqarsimanerlutik, najukkami eqqartuussivimmut takkuttussaatitaapput nassuiaasussaatitaallutillu. Aalajangersagaq malillugu Kalaallit Nunaanni eqqartuussisarnermik inatsimmi § 144, imm. 2, nr. 1, aamma §§ 150-imiit 152 ilanngullugu assigisaanik atuupput.

Naggataagut Kalaallit Nunaanni eqqartuussisarnermik inatsimmi § 276, *imm. 3* aqutigalugu, inatsimmi § 160 malittarisassat malillugit angalanermi aningaasartuutinut peqataasoq taarsiivigineqarsinnaasoq siunnersuutigineqarpoq.

Ataataassuseq anaanaaqataassuserlu pillugit suliani peqataasut ilisimannittullu aallaviatigut, ataataassutsip anaanaaqataassutsilluunniit aalajangersarneqarnissaanut pingaaruteqartut pingaaruteqarsinnaasulluunniit pillugit najukkami eqqartuussivimmut takkuttussaatitaapput paasissutissiisussaatitaallutillu, aamma inatsimmi ilisimannittut pillugit nalinginnaasumik malittarisassat ataataassuseq anaanaaqataassuserlu pillugit suliani atorneqassapput. Aammattaaq ilisimannittunut taarsiissutit pillugit malittarisassat nalinginnaasut malillugit, najukkami eqqartuussiviup peqataasumut angalanernut aningaasartuutit taarsiiviginissinnaanera aalajangersakkap periarfississavaa.

Meeqqat pillugit inatsimmut peqqussut aqutigalugu, meeqqat pillugit inatsimmi §§ 8, 16, 27, 27 a aamma 27 b, imarisamikkut allanngortinneqaratik Kalaallit Nunaannut atuutilersinneqassammata maluniarneqassaaq. Kalaallit Nunaanni eqqartuussisarnermik inatsimmi § 144, imm. 2, nr. 1, aamma §§ 150-imiit 152 ilanngullugu ilisimannittut pillugit nalinginnaasumik aalajangersakkanik imaqarmat, taakkulu qallunaat eqqartuussisarnermik inatsisaanni § 171, imm. 2, nr. 1, aamma §§ 177-imiit 180 ilanngullugu malittarisassat assigimattigit, qallunaat eqqartuussisarnermik inatsisaanni § 188-p assigisaanik Kalaallit Nunaanni eqqartuussisarnermik inatsimmi § 160 ilisimannittut taarsiivigineqarnissaat pillugit aalajangersakkamik nalinginnaasumik imaqarpat, aamma inatsimmik nalunaarut nr. 1045, 7. september 2017-imeersoq malillugu, pillaasarnermik inatsimmi §§ 210-p aamma 222-p assigisaanik, Kalaallit Nunaanni pinerluttulerinermi inatsimmi §§ 74 aamma 79 imaqarmat maluniarneqassaartaaq.

Naleqqussaanerit taaneqartut ilanngullugit, Kalaallit Nunaanni pillaasarnermik inatsimmi § 276-itut aalajangersagassatut siunnersuutigineqartoq, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 i assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 277-imit

Kalaallit Nunaanni eqqartuussisarnermik inatsimmi § 274 ataataassutsip akuersissutigineqarnera pillugu aalajangersakkamik imaqarpoq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 j malillugu, ataataassutsip anaanaaqataassutsillu akuersissutigineqarnerat eqqartuussisut allattaaviannut saaqqummiunneqartarput.

Folketingstidende 2000-01-mi, ilanngussaq A, qupperneq 91 malillugu, ataataassutimik akuersissuteqarneq, meeqqat pillugit inatsimmi § 33, imm. 2 malillugu tamatigut immersugassami akuerisaasumi pissasoq, aalajangersakkamut oqaaseqaatini takuneqarsinnaavoq. Taamaalilluni eqqartuussisut allattuiffiannut oqaasiinnartigut akuersissuteqarnermik saqqummiussisoqarsinnaanngilaq, kisianni ataataassuseq pillugu immersugassaq atsiorneqarsimasoq eqqartuussisut allattuiffiannut saqqummiuneqassaaq.

Meeqqat pillugit inatsimmi § 33, imm. 2 malillugu, ataataassutimik anaanaaqataassutsimillu akuersissuteqarnermut immersugassat atorneqartussat Ankestyrelsen-imit akuerineqartussaapput.

Kalaallit Nunaanni eqqartuussisarnermik inatsimmi § 277-imi aalajangersakkamik ilanngussisoqarnissaa siunnersuutigineqarpoq, tamatumalu kingorna najukkami eqqartuussivinni akuersissuteqarnerit eqqartuussisut allattuiffiannut saqqummiuneqartassapput.

Ataataassutimik anaanaaqataassutsimillu najukkami eqqartuussivimmi akuersissuteqarnerit pillugit sulisaaseq aalajangersagassatut siunnersuutip aalajangersaavigissavaa. Meeqqat pillugit inatsimmut peqqussut aqcutigalugu, meeqqat pillugit inatsimmi § 33, imm. 2 imaqarnermigut allanngortinneqarnani Kalaallit Nunaannut atuutilersinneqassaaq, taamaattoq ataataassutimik anaanaaqataassutsimillu akuersissuteqarnermut immersugassat atorneqartussat isumaginninnermut- utoqqarnullu ministerimit akuersissutigineqartussaassallutik.

Kalaallit Nunaannut eqqartuussisarnermik inatsimmi § 277-itut siunnersuutigineqartoq, oqaatsitigut naleqqussaanerit naleqqussaatalugit, qallunaat eqqartuussisarnermik inatsisaanni § 456 j-p assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 278-imit

Peqataasut piomasagaataasa, ataataassarsiuineri peqataasutut pisussaajunnaarsitaanissap aamma qaqugukkat ataataassarsiuinerup unitsinneqarsinnaanerata pingaarutaat pillugit, Kalaallit Nunaanni eqqartuussisarnermik inatsimmi kapitali 26 aalajangersakkanik imaqanngilaq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 k, imm. 1 malillugu, peqataasut piomasagaataat pisimasullu pillugit oqaatigisaat eqqarsaatiginagit najukkami eqqartuussivik aalajangiissaaq. Aalajangersakkami imm. 2 malillugu, inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffiginnaavaa. Ataataassuseq anaanaassuserlu meeqqat pillugit inatsimmi § 19 malillugu akuersissutigineqarsimanerani, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 e, imm. 1, nr. 3 malitsigisaanik inuit pineqartut arlaannaalluunniit suliami peqataasuunngippata, ataataasutut anaanaaqataassutulluunniit eqqartuunneqarpata, meeqqat pillugit inatsimmi § 7, imm. 2 atorneqartinnagu meeraq toqusimappat, imaluunniit ataataasinnaasutut anaanaaqataasinnaasutulluunniit periarfissat paasississutissiissutigineqarsimangippata, kinaassusersineqarsinnaanngippata imaluunniit nassaarineqarsinnaanngippata, ataataassuseq anaanaaqataassuserlu pillugit suliaq unitsinneqassasoq aalajangersakkami imm. 3-p malitsigaa.

Meeqqat pillugit inatsimmi § 19 malillugu, ataataassuseq anaanaaqataassuserlu, inatsimmi § 14 malillugu eqqartuussivimmi akuersissutigineqarsinnaavoq, tassani angut arnarlu meeqqamut ataataasuttip imaluunniit anaanaaqataassuttip akuersissutiginiisaanut periarfissinneqarput. Aalajangersakkami imm. 2 atorneqartinnagu, ataataassuseq imaluunniit anaanaassuseq meeqqap inunngorneranut atatillugu nalunaarsorneqarsimangippat, allanillu suliassiissutigineqarsimangippat, pisortat suliamik aallartitsissasut, inatsimmi § 7, imm. 1-p malitsigaa. Meeraq toquppat, anaanaasup kialluunniillu allap eqqartuussisutigoortitsinissamik soqutigisaqartup qinnuteqarneratigut ataataassuseq imaluunniit anaanaaqataassuseq taamaallaat aalajangersarniarneqarsinnaasoq, aalajangersakkap massuma malitsigaa.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 e, imm. 1, nr. 3 eqqarsaatigalugu, Kalaallit Nunaanni eqqartuussisarnermik inatsimmi § 273-itut siunnersuutigineqartumut oqaaseqaatit innersuussutigineqarput.

Peqataasoq nammineerluni ataatassarsiunermit tunuarsinnaanngitsoq, qallunaat eqqartuussisarnermik inatsisaanni § 456 k-mut oqaaseqaatit malillugit aalajangersakkami imm. 2-p malitsigaa. Dna pillugu misissuinerit imaluunniit pissutsit allat pissutigalugit peqataasup ataataassusia qularnartutut isigineqalerpat, taanna suliamit tunuarsinnaasoq, eqqartuussiviup aalajangersinnaavaa. Tamanna pillugu aalajangiineq pisariaqartillugu, qallunaat eqqartuussisarnermik inatsisaanni § 253, imm. 2-imi tunngavik malillugu eqqartuussutsip ilaatut aalajangerneqarsinnaavoq. Folketingstidende 2000-01-mi, ilanngussaq A, qupperneq 91 innersuussutigineqarpoq.

Kalaallit Nunaanni eqqartuussisarnermik inatsimmi § 278, imm. 1-itut aalajangersagaq ilanngunneqassasoq siunnersuutigineqarpoq, tamatumalu kingorna peqataasut piunasaqaataat pisimasullu pillugit oqaatigisaat eqqarsaatiginagit najukkami eqqartuussivik aalajangiissaaq. Aammattaaq imm. 2 aqutigalugu, inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnaagaa siunnersuutigineqarpoq.

Naggataagut najukkami eqqartuussiviup suliaq pisuni sisamaasuni suliaq unitsissinnaagaa aalajangersakkami imm. 3 aqutigalugu siunnersuutigineqarpoq. Siullertut meeqqat pillugit inatsimmi § 19 malillugu ataataassuseq anaanaaqataassuserluunniit akuersissutigineqarsimassaaq. Pisut aappanni § 274, imm. 1, nr. 3 malillugu suliami peqataasut arlaannaalluunniit ataataasutut anaanaaqataasutulluunniit eqqartuunneqanngilaq. Pisut pingajuanni, meeqqat pillugit inatsimmi § 7, imm. 2 atorneqartinnagu, meeraq toqusimavoq. Pisut sisamaanni, ataataasinnaasutut anaanaaqataasinnaasutulluunniit periarfissat paasissutissiissutigineqarsimanngillat, kinaassusersineqarsinnaanngillat imaluunniit nassaarineqarsinnaanngillat.

Ataataassuseq anaanaaqataassuserlu pillugit suliani najukkami eqqartuussivik aalajangiitillui, peqataasut piunasaqaataat pisullu pillugit oqaaseqaataat eqqarsaatigineqassanngisut, aalajangersagassatut siunnersuumi imm. 1 aqutigalugu aalajangersarneqassaaq. Tamatuma peqatigisaanik inuup suliami peqataasutut ilaatinneqarunnaarnissaa najukkami eqqartuussiviup kisimi aalajangiiffigisinnaagaa imm. 2-mi aalajangersarneqassaaq. Imm. 1-imi aamma 2-mi aalajangersagassatut siunnersuutigineqartut Kalaallit Nunaanni eqqartuussisarnermik inatsimmi § 275 aalajangersakkat aaqqiissuutissavai, ingammik aalajangersakkami imm. 1-p, tamatumami kingorna najukkami eqqartuussivik tassaassaaq suliap paasissutissanik imaqarnissanik isumaginnittussaaq. Naggataagut § 278, imm. 3-tut siunnersuutigineqartup ataataassarsiuneq aamma anaanaaqataassuseq pillugu suliap qaqugukkut unitsinneqarnissaa najukkami eqqartuussiviup unitsissinnaaneraa, aalajangersagassatut siunnersuutigineqartup aalajangersassavaa.

Meeqqat pillugit inatsimmut peqqussut aqutigalugu, meeqqat pillugit inatsimmi §§ 7, 14 aamma 19 imarisamigut allannguuteqarani Kalaallit Nunaannut atuutilersinneqassammat maluginiarneqassaaq. Qallunaat eqqartuussisarnermik inatsisaanni § 253, imm. 2-p assinganik Kalaallit Nunaannut eqqartuussisarnermik inatsimmi § 191, imm. 2 aalajangersakkamik imaqarmat maluginiarneqassaartaaq.

Kalaallit Nunaanni eqqartuussisarnermik inatsimmi § 278-itut aalajangersagassatut siunnersuutigineqartup, oqaatsitigut naleqqussaanerit naleqqussaatalugit, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 k assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 278 a-mut

Ataatassarsiuinermi suliat uppersaasoqarneranut atatillugu aningaasartuutit akilerneqarnissaat pillugit Kalaallit Nunaanni eqqartuussisarnermik inatsit aalajangersakkanik imaqqanngilaq. Oqaaseqaatini nalinginnaasuni imm. 2.1 innersuussutigineqarpoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni § 456 I, oqaaseqatigiit siulliit malillugit, inatsimmi § 456 h malillugu uppersaasoqarneranut atatillugu aningaasartuutit naalagaaffiup karsianiit akilerneqartarput. Aalajangersakkami oqaaseqatigiit aappat malillugit, peqataasoq suliamut aningaasartuutinik allatigut akiliisussanngortitaappat, aningaasartuutinin taakkununga matussutissanik tamakkiisumik ilaannakoortumilluunniit eqqartuussiviup peqataasoq akileeqqusinnaavaa. Inatsimmi § 456 h malillugu, suliap paasisutissanik imaqartinneqarnissaa eqqartuussiviup isumagisussaavaa, matumani peqataasut ilisimannittullu killisiorneqarnerat aamma sulianit ilisimannittunit oqaaseqaatit uppersaataillu allat pissarsiarineqarnerat ilanngullugit.

§ 456 I, oqaaseqatigiit aappaannut atatillugu, inatsimmi § 312, imm. 7 malillugu ataataassuseq anaanaaqataassuserluunniit pillugit peqataasut arlaannaalluunniit suliamut aningaasartuutinin peqataassumut allamut akiliisannngillat. Tamaattoq, tunngaviit immikut ittut pissutissaqartippassuk, suliamut aningaasartuutit akilerneqarnissaat eqqartuussiviup peqataasumit piumasarisinnaavaa.

Inatsimmi § 456 h eqqarsaatigalugu, Kalaallit Nunaanni eqqartuussisarnermik inatsimmi § 275-itut aalajangersagassatut siunnersuutigineqartoq innersuussutigineqarpoq.

Kalaallit Nunaanni eqqartuussisarnermik inatsimmi § 278 a, *oqaaseqatigiit siullertut*, aalajangersakkamik ilanngussisoqassasoq siunnersuutigineqarpoq, tamatumalu kingorna § 275 naapertorlugu aningaasartuutit naalagaaffiup karsianit akilerneqartassapput. Aammattaaq, tunngaviit immikut ittut pissutissaqartippassuk, suliamut aningaasartuutit akilerneqarnissaat najukkami eqqartuussiviup peqataasumit piumasarisinnaavaa aalajangersakkami *oqaaseqatigiit aappaanni* siunnersuutigineqarpoq.

Najukkami eqqartuussiviup ataataassuseq anaanaaqataassuserlu pillugit suliarinninneranut atatillugu aningaasartuutit aallaaviatigut naalagaaffiup karsianit akilerneqartarnissaat, § 278 a-tut siunnersuutigineqartumi oqaaseqatigiit siulliit aalajangissavaa, kisianni aalajangersakkami oqaaseqatigiit aappat malillugu, tunngaviit immikut ittut pissutissaqartippassuk, aningaasartuutit taakku tamakkiisumik ilaannakoortumilluunniit peqataasumit taarserneqarnissaannut najukkami eqqartuussivik akileeqqusinnaavoq.

§ 278 a-tut, oqaaseqatigiinni siullerni aalajangersagassatut siunnersuut, oqaatsitigut naleqqussaanerit naleqqussaataigalugit inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartumi qallunaat eqqartuussisarnermik inatsisaanni § 456 I, oqaaseqatigiit siulliit assigissavaa, taamaammallu aalajangersakkamut tassunga suliamut piarsaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni. Inatsimmik nalunaarummi nr. 1284-imi, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartuim qallunaat eqqartuussisarnermik inatsisaanni § 456 h-p assigisaanik Kalaallit Nunaanni eqqartuussisarnermik inatsimmi § 275-itut aalajangersakkamik ilanngussisoqarnissaa siunnersuutigineqarmat maluginiarneqassaaq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 I, oqaaseqatigiit aappaani oqaasertarineqartut, inatsiseqataanut § 312, imm. 7-imut ataatsimoortillugu, aalajangersagassatut § 278 a-mi, oqaaseqatigiit aappaattut siunnersuutigineqartup - oqaatsitigut naqqiunneqartut naqqiutigalugit - assigisagai siunertarineqarpoq. Kalaallit Nunaanni eqqartuussisarnermik inatsit § 312, imm. 7-p assinganik aalajangersakkamik imaqqanngimmat, § 275 malillugu pissutsit immikkut ittut tunngavissaqartippassuk, najukkami eqqartuussiviup peqataasoq uppersaasiornermi aningaasartuutit taarserneqarnissaannut akileeqqusinnaassaagaa, § 278 a-mi, oqaaseqatigiit aappaanni takuneqarsinnaassasoq siunnersuutigineqarpoq. Oqariartaaseq "pissutsit immikkut ittut" § 317, imm. 7-itut, tassungalugu sulisaaseq malillugu paasineqarsinnaassaassaaq nassuiarneqarsinnaassallunillu.

§ 278 b-mut

Ataatassarsiuinernik suliat pillugit eqqartuussinerit matut matullugit ingerlanneqartarnissaat pillugu Kalaallit Nunaanni eqqartuussisarnermik inatsimmi § 277 imaqarpoq, kisianni eqqartuussutit tamanut ingerlateqqineqartarnissaat pillugit inerteqqutinik inatsimmi kapitali 26 imaqanngilaq, matumani pinerluttulerinermi inatsit malillugu inerteqqutigineqartut unioqqutinneqarneranni pillaatissiineq ilanngullugu, aamma angajoqqaarsiannngortoqarpata angajoqqaarsiannngortut atiisa ingerlateqqinneqarnissaasannut inerteqquteqarneq pillugu kapitali 26 imaqanngilaq. Oqaaseqaatini nalinginnaasuni imm. 2.1 innersuussutigineqarpoq. Taamaattoq aamma Kalaallit Nunaanni ilisarimanngisamik qitornavissartaartoqartillugu kinaassutsip isertuunneqarnissaata illersorneqarnissaa nalinginnaasumik tungaviuvoq.

Inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 m, imm. 1 malillugu, ataataassuseq anaanaaqataassuserlu pillugit suliat pillugit eqqartuussinerit matut matullugit pisarput. Meeqqamit inunngortitsisimasumit kissaateqarneq malillugu, kommunimit sulisoq pineqartoq ilagalugu takkussinnaavoq. Aalajangersakkap imm. 2-a malillugu, eqqartuussutinik tamamut ingerlatitseqqittoqartillugu, eqqartuussumi taaneqartumi inuit atii, atorfi imaluunniit najugaat tamanut saqqummiunneqartussaannngillat, imaluunniit arlaatigut pineqartut kinaassusaat tamanut saqqummiuteqqusaannngillat. Inerteqqutigineqartoq unioqqutinneqarpat, akiliisitsinermik pillatissiisoqassaaq imaluunniit pissutsit inatsisunik unioqqutitsineruppata iliutsilluunniit ileqqorluttuliorneruppata, qaammatit 6 tikillugit parnaarussaarnermik pilaatissiisoqarsinnaavoq. Inatsimmi § 159 malillugu suliami suliaakkiisutigineqartut aggeqqusinerillu pillugit kiisalu eqqartuussutit pillugit nalunaarummik nalunaarutiginninermi, tamanna pillugu eqqartuussivik qaqutigoorluinnartumik aalajangiippat, meeqqamut inunngortitsisimasup atia, meeqqallu atia taamaallaat Statstidende-mi nalunaaruteqarnermi ilanngunneqassapput. Meeraq qitornavissianngortinneqarsimappat, angajoqqaasullu angajoqqaarsiannngortut atii naluppassuk, inatsimmi § 456 m, imm. 4 malillugu, angajoqqaarsiannngortut, peqataasut ilisimannittullu atii eqqartuussisut allataaviinit imaluunniit eqqartuussiviup aalajangiinerinit takussutissiani ilaatinneqassannngillat.

Qallunaat eqqartuussisarnermik inatsisaanni § 456 m, imm. 4-mut oqaaseqaatit malillugit, meeraq qitornavissianngortinneqarsimappat, peqataasut kinaassusaasa isertuunneqarnissaasa qulakkeerneqarnissaat siunertarineqarpoq. Pisuni taamaattuni, kikkut meeraq qitornavissartaarisimaneraat pillugu meeqqap angajoqqaavi paasitinneqassannngillat, aamma meeqqap aallaqqaataanit kikkut angajoqqaarisimanerai pillugit qitornavissartaartut paasitinneqassannngillat. Qitornavissartaartut, peqataasut ilisimannittoqarpallu ilisimannittut atii taamaammat eqqartuussisut allattuiffinit imaluunniit eqqartuussiviup aalajangiinerinit takussutissiani ilaatinneqassannngillat. Pisuni taamaattuni suliap suliarineqarnera eqqartuussiviup ima pilersaarusiussavaa, kinaassutsimik isertuussineq pigiinnarneqassalluni. Taamaalluni peqataasut atiisa allagaatini, eqqartuussivimmi saqqummiunneqartuni, matumani dna pillugu misissuinerit pillugit nalunaarutit ilanngullugit, ilaannginnissaat eqqartuussiviup ilaatigut qulakkiissavaa. Tamatuma saniatigut ilaatigut inatsimmi § 456 g malillugu peqataasut eqqartuussisuserisulernerisigut kinaassutsimik isertuussineq qulakkeerneqarsinnaavoq. Aammattaaq inatsimmi § 456 h, imm. 6 malillugu qitornavissartaartut, anaanaasup ataataasup ataataasinnaasulluunniit nassuiaanerani iginnaartitaassannngillat, soorlu aamma anaanaasup ataataasorluunniit imaluunniit ataataasinnaasut, qaqutigorujussuaq qitornavissartaartut meeqqalluunniit nassuiaatinneqassappata ilaatinneqassannngitsut. Folketingstidende 2000-01-mi, ilanngussaqa A, qupperneq 91 innersuussutigineqarpoq.

Qitornavissartaarneq kinaassutsimik isertuussilluni pippat, imaappoq inatsimmik nalunaarut nr. 775, 7. august 2019-imeersoq malillugu qitornavissartaarneq pillugu inatsimmi § 4 a, imm. 1 malillugu ilisimasarinngisamik qitornavissartaarnermik taaneqartartoq, aamma aalajangersakkami imm. 2 malillugu ilaqutarisamik qitornavissartaarnerunngitsoq pineqarpata, qulaaniittut taamaallaat atuummata maluginiarneqassaaq.

Qallunaat eqqartuussisarnermik inatsisaanni § 159 malillugu nalunaarutiginninneq Statstidende aqputigalugu pissaaq, ingammik pineqartup nunami maani najugaa imaluunniit sumiiffia imaluunniit suliffia paasisutissiissutigineqarsinnaangippat.

Kalaallit Nunaanni eqqartuussisarnermik inatsimmi § 278 b, imm. 1, oqaaseqatigiit siullertut aalajangersakkamik ilanngussisoqassasoq siunnersuutigineqarpoq, tamatumalu kingorna eqqartuussinerit matoqqasumik pissapput. Aalajangersakkami oqaaseqatigiit aappaat aqputigalugu meeqqamik inunngortitsisup kissaateqarneratigut, kommunimi sulisoq pineqartoq peqatigalugu takkussinnaavoq. Eqqartuussutit tamanut ingerlateqqinneqarnerinni, eqqartuussummi inuit pineqartut arlaannaasaluunniit atii, atorfiit imaluunniit najugarisaat, imaluunniit pineqartut kinaassusaasa tamanut saqqummiunneqarnissaat pissanngitsoq, aalajangersagassatut siunnersuutigineqartumi imm. 2-mi siunnersuutigineqarpoq. Inuk taamatut inerteqquteqarnermik unioqqutitsisoq, pinerluttulerinermi inatsit malillugu pineqaatissinneqassaaq. Najukkami eqqartuussivimmu suliap suliassanngortinneqarnera pillugu nalunaarutiginninnermi, § 137 malillugu aggeqqusineri aamma eqqartuussutit pillugit nalunaarummik nalunaarutiginninnermi, tamanna pillugu eqqartuussivik qaqutigoorluinnartumik aalajangiippat, meeqqamut inunngortitsisimasup atia, meeqqallu atia taamaallaat § 137, imm. 1 malillugu tamanut nalunaaruteqarnermi ilanngunneqassapput, tak. Imm. 3. Meeraq qitornavissianngortinneqarsimappat, angajoqqaallu qitornavissiarthaartut atii naluppasuk, aalajangersagassatut siunnersuutigineqartumi imm. 4 malillugu qitornavissiarthaartut, peqataasut ilisimannittullu atii eqqartuussisut allattuiffiit imaluunniit eqqartuussiviup aalajangiinerinit takussutissiani ilaatinneqassanngillat.

§ 278 b, imm. 1, oqaaseqatigiit siullerni aalajangersagassatut siunnersuutigineqartup, Kalaallit Nunaanni eqqartuussisarnermik inatsimmi § 277-mi assigisaanik aalajangersagaq, taarsissavaa. Oqaaseqatigiit aappaattut siunnersuutigineqartukkut, oqaaseqatigiit siullit siunnersuutigineqartut avaqqunneqarsinnaanerit ilanngunneqassaaq, tassami meeqqamik inunngortitsisimasoq ilagalugu kommunimi sulisoq eqqartuussineri ilaasinnaangortussaammat. Aalajangersakkap sulisup eqqartuussineri peqataanissaanik kommunit pisussaaffilissanngimmagit maluginiarneqassaaq.

§ 278 b, imm. 2-mi aalajangersagassatut siunnersuutigineqartoq aqputigalugu, ataataassuseq anaanaassuserlu pillugit eqqartuussutit tamanut ingerlateqqinneqarneranni, inuit pillugit paasisutissat tamanut saqqummiunneqartarnissaat inerteqqutaalissaaq, aamma inerteqquteqarnermik unioqqutitsineq pillaatissiissutaassaaq. Tamatuma peqatigisaanik, najukkami eqqartuussiviup suliap suliassanngortinneqarnera pillugu nalunaarutiginninnermini, § 137 malillugu aggeqqusineri aamma eqqartuussutit pillugit nalunaarummik nalunaarutiginninnermut atatillugu, meeqqamik inunngortitsisimasup atia aamma meeqqap atia tamanut saqqummiutissanngimmagu, imm. 3-tut aalajangersagassatut siunnersuutigineqartup kingunerissavaa. § 278 b, imm. 4-mi aalajangersagassatut siunnersuutigineqartup, ataatsimut isigalugu ilisarimanngisamik qitornavissiarthaartoqartillugu kinaassutsip isertuunneqarnissaata illersorneqartarnera atuuttoq, inatsisitigut aalajangersaaffigissavaa.

Kalaallit Nunaanni eqqartuussisarnermik inatsimmi § 137-imi aalajangersagaq, qaallunaat eqqartuussisarnermik inatsisaanni § 159-ip assinganik imaqarmat maluginiarneqassaaq, taamaattoq § 137 malillugu nalunaarutiginninneq Statstidende-kkut nalunaaruteqarnerup saniatigut ilaatigut aamma Atuagagdliutit (AG/Grønlandsposten) aamma allattariarsornikkut tusagassiuutit allat atorlugit pisinnaammat maluginiarneqassaaq. Aammattaaq Kalaallit Nunaanni eqqartuussisarnermik inatsimmi §§ 274 b-tut aamma 275-itut aalajangersagassatut siunnersuutigineqartut aqputigalugit, inatsimmi aalajangersakkanik, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allannngortinneqartoq malillugu qallunaat eqqartuussisarnermik inatsisaanni inatsimmi §§ 456 g-p aamma 456 h-p assigisai ilanngunneqassammata maluginiarneqassaaq. Naggataagut peqqussut nr. 410, 21. april 2010-meersumi qitornavissiarthaarneq pillugu inatsimmi § 4 a Kalaallit Nunaannut atuutilersinneqarmat maluginiarneqassaaq.

§ 278 b-tut aalajangersagassatut siunnersuut, naleqqussaanerit qulaani taaneqartut naleqqussaatalugit, inatsimmik nalunaarut nr. 1284, 14. november 2018-imeersoq, inatsisikkut nr. 227-ikkut, 15. februar 2022-imi allannngortinneqartoq malillugu qallunaat eqqartuussisarnermik inatsisaanni inatsimmi § 456 m

assigissavaa, taamaammallu aalajangersakkamut tassunga suliamut piareersaataasut aamma tamanna pillugu eqqartuusseriaaseq atuuttoq malillugit nassuiarneqarsinnaassalluni.

§ 278 c-mut

Ataataassuseq pillugu aalajangiisoqartillugu, oqartussaasut allat ilisimatinneqartarnissaat pillugu Kalaallit Nunaanni eqqartuussisarnermik inatsit aalajangersakkamik imaqaangilaq. Oqaaseqaatini nalinginnaasuni imm. 2.1 innersuussutigineqarpoq.

Ataataassuseq anaanaaqataassuserluunniit aalajangerneqarpat, imaluunniit suliaq unitsinneqarsimappat, tamanna pillugu naalagaaffimmi ingerlatsivimmuq eqqartuussivik sukkanerpaamik nalunaaruteqassasoq, inatsimmik nalunaarut nr. 1284, 14. november 2018-imeersup, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 n, imm. 1-p malitsigaa. Eqqartuussisut aallattaaviannut akuersissuteqarnerup saqqummiunneqarsimasup assilineranik imaluunniit eqqartuussutip assilineranik, eqqartuussisut allattuiffiisa assilinerannik aamma suliami uppernarsaatinik inummut tunngasunik nalunaarut ilaqartinneqassaaq. Aalajangersakkami imm. 2 malillugu eqqartuussiviup eqqartuussummik nalunaarutiginninnissaq isumagissavaa.

Kalaallit Nunaanni eqqartuussisarnermik inatsimmi § 278 c, imm. 2-tut aalajangersagaq ilanngunneqassasoq siunnersuutigineqarpoq, tamatumalu kingorna ataataassuseq anaanaaqataassuserluunniit aalajangerneqartillugu, imaluunniit suliaq unitsinneqarsimatillugu, taava najukkami eqqartuussivik sukkanerpaamik tamanna pillugu Naalagaaffiup Sinnisuanut nalunaaruteqassaaq. Eqqartuussisut allattaaviannut akuersissuteqarnerup saqqummiunneqarsimasup assilineranik imaluunniit eqqartuussutip assilineranik, eqqartuussisut allattuiffiisa assilinerannik aamma suliami uppernarsaatinik inummut tunngasunik nalunaarut ilaqartinneqassaaq. Aalajangersakkami imm. 2 malillugu najukkami eqqartuussiviup eqqartuussummik nalunaarutiginninnissaq isumagissavaa.

Kalaallit Nunaanni eqqartuussisarnermik inatsimmi § 278, imm. 3-mi aalajangersagassatut siunnersuutigineqartoq malillugu, ataataassutsip anaanaaqataassutsillu aalajangerneqarnerani, imaluunniit unitsinneqarnerani, ataataassutsimik anaanaaqataassutsimillu suliat pillugit najukkami eqqartuussiviup suliarinnittarnissaa aalajangersagassatut siunnersuutigineqartup malittarisassiussavaa. Pisuni taamaattuni najukkami eqqartuussiviup Naalagaaffiup Sinnisaa ilisimatittussaassavaa aamma eqqartuussutip peqataasunut nalunaarutigineqarnissaa isumagisussaassallugu. Kalaallit Nunaanni eqqartuussisarnermik inatsimmi kapitali 11-imi malittarisassat malillugit nalunaarutiginninneq pisussaassaaq.

Aalajangersagassatut siunnersuutigineqartoq, oqaatsitigut naleqqussaanerit naleqqussaatalugit inatsimmik nalunaarut nr. 1284, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 n assigissavaa, taamaammallu aalajangersakkamut tassunga sulianut piareersaataasunut aamma tamanna pillugu eqqartuusseriaatsimut atuuttumut naapertuuttumik nassuiarneqartussaassaaq.

§ 279-imut

Ataataassuseq pillugu eqqartuussutit naammagittaalliutigineqarnissaannut aamma naammagittaalliuutit taamaattut Nunatta Eqqartuussisuuneqarfianit suliarineqartarnissaat pillugit Kalaallit Nunaanni eqqartuussisarnermik inatsimmi kapitali 26 aalajangersakkanik imaqaangilaq. Oqaaseqaatini nalinginnaasuni imm. 2.1 innersuussutigineqarpoq. Inatsimmi § 497 malillugu, Nunatta Eqqartuussisuuneqarfianut naammagittaalliuutip assilineranik allakkamik ilallugu, naammagittaalliorsinnaanermut piffissaliussaq naatinagu, naammagittaalliummik suliasannngortitsinikkut, naammagittaalliuuteqarnek nalinginnaasumik pisarpoq.

Inatsimmik nalunaarut nr. 1284, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 o, imm. 1, oqaaseqatigiit siulliit malillugit, illoqarfimmi eqqartuussivimmuq nalunaaruteqarnikkut naammagittaalliornek pisarpoq. Aalajangersakkami oqaaseqatigiit aappaat malillugit, nalunaaruteqarnek eqqartuussisut

allattaaviannut oqaatsit atorlugit pisinnaavoq. Aalajangersakkami oqaaseqatigiit pingajuat malillugu, nalunaarut, imaluunniit oqaaseqatigiit aappaanni pisuni taaneqartut, eqqartuussisut allataaviata assilinera aamma suliami allagaatit nunap eqqartuussisuuneqarfianut eqqartuussiviup nassitissavai. Naammagittaalliortoqartillugu aalajangersakkami imm. 2 aamma 3 malillugit inatsimmi kapitali 42 a-mi malittarisassat, pisariaqartinneqartumik sakkukillillugit, atorneqassapput, aamma naammagittaalliuuteqarsinnaanermut piffissaliussat eqqarsaatiginagit, nunap eqqartuussisuuneqarfiata naammagittaalliuutip suliarineqarnerata nalaani, illoqarfimmi eqqartuussivimmi peqataasutut ilaasimasut kikkulluunniit ilanngutitissinnaavai. Inuit allat ilanngunneqarnissaat pillugit apeqqummik saqqummertoqarpat, suliaq illoqarfimmi eqqartuussivimmi suliareqqitassanngorlugu utertinneqassaaq.

Kalaallit Nunaanni eqqartuussisarnermik inatsimmi § 279, imm. 1, oqaaseqatigiit siullertut aalajangersakkamik ilanngussisoqarnissaa siunnersuutigineqarpoq, tamatumalu kingorna naammagittaalliuuteqarneq najukkami eqqartuussivikkut nalunaaruteqarnikkut pissaaq. Aalajangersagassatut siunnersuutigineqartumi oqaaseqatigiit aappaat malillugu, nalunaaruteqarneq eqqartuussisut allattaaviannut oqaatsit atorlugit pisinnaavoq, aamma aalajangersakkami oqaaseqatigiit pingajuat malillugu, nalunaarut eqqartuussisut allataaviata assilinera aamma suliami allagaatit Nunatta Eqqartuussisuuneqarfianut najukkami eqqartuussiviup nassitissavai. Kapitalimi matumani malittarisassat, sakkukilliliinerit pisariaqartinneqartut ilanngullugit, aalajangersakkami imm. 2 aqutugalugu naammagittaalliuuteqarnermi atorneqassasut siunnersuutigineqarpoq. Aammattaaq aalajangersakkami imm. 3 aqutugalugu naammagittaalliuuteqarsinnaanermut piffissaliussat eqqarsaatiginagit, Nunatta Eqqartuussisuuneqarfiata naammagittaalliuutip suliarineqarnerata nalaani, najukkami eqqartuussivimmi peqataasutut ilaasimasut kikkulluunniit ilanngutitissinnaavai. Inuit allat ilanngunneqarnissaat pillugit apeqqummik saqqummertoqarpat, suliaq najukkami eqqartuussivimmi suliareqqitassanngorlugu utertinneqassaaq.

Ataataassuseq anaanaaqataassuserlu pillugit eqqartuussutip naammagittaalliuutigineqarnerani sulisaaseq aalajangersagassatut siunnersuutigineqartup malittarisassiussavaa. Aammattaaq ataataassuseq anaanaaqataassuserlu pillugit eqqartuussutip naammagittaalliuutigineqarnerani, aallaaviatigut Kalaallit Nunaanni eqqartuussisarnermik inatsimmi kapitali 26-imi aalajangersakkat siunnersuutigineqartut Nunatta Eqqartuussisuuneqarfiata suliarinninnermini atussagai, aalajangersakkap kingunerissavaa. Naggataagut Nunatta Eqqartuussisuuneqarfiata naammagittaalliuutip suliarineqarnerata nalaani, najukkami eqqartuussivimmi peqataasutut ilaasimasut kikkulluunniit ilanngutitissinnaagai, aamma inuit allat ilanngunneqarnissaat pillugit apeqqummik saqqummertoqarpat, suliaq najukkami eqqartuussivimmi suliareqqitassanngorlugu utertissinnaassagaa, aalajangersakkap kingunerissavaa.

Aalajangersagassatut siunnersuutigineqartoq, oqaatsitigut naleqqussaanerit naleqqussaatigalugit inatsimmik nalunaarut nr. 1284, 14. november 2018-imeersumi, inatsisikkut nr. 227-ikkut, 15. februar 2022-imi allanngortinneqartoq malillugu qallunaat eqqartuussisarnermik inatsisaanni inatsimmi § 456 o assigissavaa, taamaammallu aalajangersakkamut tassunga sulianut piareersaataasunut aamma tamanna pillugu eqqartuusseriaatsimut atuuttumut naapertuuttumik nassuiarneqartussaassaaq.

Nr. 4-mut aamma 5-imut

Kalaallit Nunaanni eqqartuussisarnermik inatsimmi § 283, imm. 1, malillugu, aappariinneq pillugu suliaq naalagaaffimmi maani (Danmarkimi Kalaallit Nunaannilu) eqqartuussisunut suliakkiissutigineqarsinnaanersoq, qallunaat eqqartuussisarnermik inatsisaanni § 448 c malillugu aalajangerneqassaaq. Kalaallit Nunaanni eqqartuussisarnermik inatsimmi § 283, imm. 2 malillugu, angajoqqaatut akisussaaneq pillugu, meeqqap najugaa pillugu, katerisimaarsinnaaneq pillugu, allatut attaveqarsinnaaneq pillugu imaluunniit nunanut allanut angalanissat pillugit akuerineqarnissaq pillugit, naalagaaffimmi maani (Danmarkimi Kalaallit Nunaannilu) eqqartuussisunut suliakkiissutigineqarsinnaanersut, qallunaat eqqartuussisarnermik inatsisaanni § 448 f malillugu aalajangerneqassaaq. Inatsimmik nalunaarut nr. 1284, 14. november 2018-imeersoq malillugu Danmarkimut eqqartuussisarnermik inatsisimmi siusinnerusukkut atuuttumi §§ 448 c-mi aamma 448 f-imi taakkununga oqaasertaliussat innersuussutigineqarput.

Kalaallit Nunaanni eqqartuussisarnermik inatsimmi § 283, imm. 1-imi qallunaat eqqartuussisarnermik inatsisaanni § 448 c-mut innersuussineq allanngortinneqassasoq, taarsiullugulu qallunaat eqqartuussisarnermik inatsisaanni § 448 f-imut innersuussisoqassasoq siunnersuutigineqarpoq. Tamatuma peqatigisaanik Kalaallit Nunaanni eqqartuussisarnermik inatsimmi § 283, imm. 2-imi qallunaat eqqartuussisarnermik inatsisaanni § 448 f-imut innersuussineq allanngortinneqassasoq, taarsiullugulu qallunaat eqqartuussisarnermik inatsisaanni § 448 g-imut innersuussisoqassasoq siunnersuutigineqarpoq.

Angajoqqaat akisussaataaernerat pillugit inatsisip, aappariilertarneq aappariikkunnaartarnerlu pillugit inatsisip inatsisillu allat inatsisimmi nr. 1711-mi 27. december 2018-immersumi (Ilaqutariit inatsiseqartitaanerannut illu pillugu inatsit aamma angajoqqaat akisussaanerata pillugit inatsit malillugu suliani meeqqamik illersuinerup ukkatarineqarnerata sakkortusineqarnera) § 15, nr. 15-ikkut qallunaat eqqartuussisarnermik inatsisaanni § 448 c aamma 448 f atorunnaarsinneqarnerat aamma aalajangersakkat taakku marluk ataatsikkut, imai allanngortinnagit, qallunaat eqqartuussisarnermik inatsisaanni, taama tullerillutik, § 448 f-itut aamma § 448 g-tut ingerlateqqinneqarnerisa kingunerisaannik, siunnersuut manna siunnersuutigineqarpoq.

Nr. 6-imut

Kalaallit Nunaanni eqqartuussisarnermik inatsimmi § 708 malillugu, innuttaasut eqqartuussivikkut suliaasiissutaannut siullermeeriffiusunut akitsuut 500 kr. akilerneqartarpoq. Ataataarsariuineq pillugu suliat akitsuutitaqanngitsut, inatsimmi § 716, nr. 4-p malitsigaa.

Kalaallit Nunaanni eqqartuussisarnermik inatsimmi § 716, nr. 4-imi "ataataarsariuineq"-rup kingorna "anaanaaqataassuseq" ilanngunneqassasoq siunnersuutigineqarpoq.

Aalajangersakkami anaanaaqataassutsimut suliat aamma ilaatinneqarnissaat siunnersuutip kingunerissavaa.

Meeqqat pillugit inatsimmut peqqussut aqputigalugu Kalaallit Nunaanni eqqartuussivit aammattaq anaanaaqataassuseq pillugu sulianik suliarinnittussanngortussaanerisa malitsigissaannik siunnersuut siunnersuutigineqarpoq.

§ 5-imut

Imm. 1-ikkut inatsit [dato] atuutilissasoq siunnersuutigineqarpoq. Meeqqat pillugit inatsimmut aamma meeqqanut akilersuutit pillugit inatsimmut peqqussutit Kalaallit Nunaannut atuutilersinneqarnissaat tamassuma peqatigisaannik atortuulersinneqassapput.

Kalaallit Nunaannut meeqqat pillugit inatsimmi ataataassuseq, meeqqanut akilersuutit aamma kingornussassat pillugit aalajangersakkat atuuttut, meeqqanut inatsisip atuutilinnginnerani inunngorsimasunut atuukkunnaarnissaat, aamma Kalaallit nunaanni eqqartuussisarnermik inatsimmi allannguutissatut siunnersuutigineqartut ataataarsariuinermik- aamma akilersuutit pillugit sulianut ingerlasunut aamma atuunnissaat imm. 1-imi aalajangersagassatut siunnersuutigineqartup ilaatigut kingunerissavaa.

Meeqqanut akilersuutit pillugit aalajangersakkat atorunnaarsinneqarnissaannut allanngortinneqarnissaannullu tunngatillugu tamanna ajornartorsuutitaqarnaviannigilaq, tassami meeqqanut akilersuutit pillugit inatsisip, Kalaallit Nunaannut atortuulersinneqarnissaatut siunnersuutigineqartoq, inatsisigut inissisimanermit atuuttumi tunngaviumik allannguutinik imaqtartussaannigilaq, taamaattoq imm. 5-imi ikaarsaariarnermi malittarisassaq, ataani allaaserineqartoq takuuk.

Kisianni ikaarsaariarnermi malittarisassat imm. 2-miit 4 ilanngullugu aamma 6-imiittut malillugit ataataassuseq, meeqqanut akilersuutit aamma meeqqat kingornussisussaataitaanermit inatsisigut inissisimanerat pillugu malittarisassanut atatillugu ikaarsaariarnermi malittarisassanik pisariaqartitsisoqassaaq.

Meeqqat pillugit Kalaallit Nunaannut inatsimmi ataataassuseq pillugu kapitali 1-imi aamma Kalaallit Nunaanni eqqartuussisarnermik inatsimmi kapitali 26-imi aalajangersakkat atuuttut, inatsisissatut siunnersuummi §§ 1 aamma 4 apeqquataatinnagit, meeqqanut inatsisip atuutilinnginnerani inuusimasunut suli atuunnissaat *imm.* 2-mi ikaarsaariarnermi malittarisassatut siunnersuutigineqartup malitsigaa, taamaattoq *imm.* 3, ataani allaaserineqartuq takuuk. Ikaarsaariarnermi malittarisassaattut siunnersuutigineqartup, meeqqat pillugit inatsit Danmarkimi atortuulersinneqarmat ikaarsaariarnermi malittarisassanut naapertuuttup, meeraq inatsisip atuutilinnginneranni inunngorsimappat, meeqqat pillugit Kalaallit Nunaannut inatsimmi aamma Kalaallit Nunaanni eqqartuussisarnermi inatsimmi ataataassuseq pillugu aamma ataataassarsiuinermik sulianik suliarinninnerit pillugit malittarisassat maannamut atuuttut suli atuunnissaat, ikaarsaariarnermi malittarisassatut siunnersuutigineqartup kingunerissavaa. Ataataassarsiuinermik suliani ingerlasuni aamma atortuulersitsineq sioqqullugu ataataassarsiuinermik suliat suliareqqitassanngortinneqarneranni tamanna atuutissaaq.

Aammattaaq inatsisissatut siunnersuummi § 1 apeqquataatinnagu, meeqqat pillugit Kalaallit Nunaannut inatsit suli meeqqanut inatsisip atortuulersinneqarnera sioqqullugu inuusimasunut suli atuutissasoq, *imm.* 2-mi ikaarsaariarnermi malittarisassatut siunnersuutigineqartup malitsigaa. Meeqqat pillugit Kalaallit Nunaannut inatsimmi § 23 a malillugu, meeraq Kalaallit Nunaata kitaani imaluunniit Kalaallit Nunaata Avannaani-Kangianiluunniit 1. juni 1963 sioqqullugu aappariinnerup avataani inunngorsimasoq, ataataassuseq pillugu suliamik suliassanngortitsisinnaavoq, aamma massa inatsimmi § 26-imi aallaqqaataani ikaarsaariarnermi malittarisassaq malillugu ataataamik kinaassusaata aalajangersarneqarnissaanut akornuserneqaraluarlutik. Meeqqat pillugit Kalaallit Nunaannut inatsimmi § 23 a-mut naleqqiullugu, meeqqat pineqartut, "inatsisitigut ataataqanngitsut"-tut taaneqartartut, suli ataataassuseq pillugu suliassanngortitsisinnaanerit, aamma suliat taamaattut meeqqat pillugit Kalaallit Nunaannut inatsimmi kiisalu Kalaallit Nunaanni eqqartuussisarnermik inatsimmi ataataassuseq pillugu maannamut malittarisassat atuuttut malillugit suliarineqartussaassammata, ikaarsaariarnermi malittarisassatut siunnersuutip kingunerissavaa.

Imm. 2-mi ikaarsaariarnermi malittarisassatut siunnersuutigineqartuq apeqquataatinnagu, meeqqamut inatsisip atuutilersinneqarnera sioqqullugu inuusimasumut ataataassarsiuinermik suliamut, inatsisip atortuulersinneqarnerata kingorna, meeqqat pillugit inatsimmut peqqussummi § 22 malillugu suliareqqitassanngortinneqartussatut qinnutigineqartumut, meeqqat pillugit Kalaallit Nunaannut inatsimmi kapitali 1 atuutissanngitsaq, *imm.* 3-mi ikaarsaariarnermi malittarisassatut siunnersuutip malitsigaa. Tamanna pillugu peqataasut tamarmik isumaqatigiippata, ataataassutsip aalajangersaavigineqarnissaanik suliap suliareqqitassanngortinneqarnissaa, meeqqat pillugit inatsimmi § 22-mi pineqarpoq. Meeqqat pillugit inatsimmut peqqussut aqqutigalugu, meeqqat pillugit inatsimmi § 22, imaanik allanngortitsinani, Kalaallit Nunaannut atortuulersinneqassaaq. Meeqqat pillugit inatsimmut peqqussummi § 22 malillugu ataataassuseq pillugu suliaq suliareqqitassanngortinniarneqarpat, inatsisissatut siunnersuummi § 4, nr. 3 malillugu suliap peqqussut aamma Kalaallit Nunaanni eqqartuussisarnermik inatsimmi kapitali 26 malillugit suliaq suliarineqartussaassasoq ikaarsaariarnermi malittarisassatut siunnersuutigineqartup kingunerissavaa.

Imm. 4-mi ikaarsaariarnermi malittarisassatut siunnersuutigineqartuq malillugu, inatsisip atortuulersinneqarnera sioqqullugu toqusoqarsimappat, meeqqat kingornussisarnermi inatsisitigut inissisimanagerat pillugu meeqqat pillugit Kalaallit Nunaannut inatsimmi §§ 21 aamma 22 atuutissapput. Taamaattoq inatsisip atortuulersinneqannginnerani kingornussassat allanngortinnagit piginnarneqarnissaat pillugit aalajangiisoqarsimappat, meeqqat pillugit Kalaallit Nunaannut inatsimmi § 21, *imm.* 2 aamma § 22, *imm.* 2 suli atuutissapput. Meeqqat pillugit Kalaallit Nunaannut inatsisip atorunnaarsinneqaraluartoq, meeqqat pineqartut kingornussisarneq pillugu inatsisitigut inissisimanagerat allanngortinneqassanngitsaq, ikaarsaariarnermi malittarisassatut siunnersuutigineqartup kingunerissavaa. §§ 21 aamma 22 pillugit, nalinginnaasumik oqaaseqaatini *imm.* 2.1.1.3 innersuussutigineqarpoq.

Inatsisissatut siunnersuummi §§ 1 aamma 2 apeqquataatinnagit, meeqqanut akilersuutinik aalajangersaanissamik imaluunniit allanngortitsinissamik, inatsisip atortuulersinneqannginnerani tunniunneqarsimasumik, qinnuteqarnermi meeqqat pillugit Kalaallit Nunaannut inatsimmi kapitali 2-mi aamma 3-mi, aamma aappariinneq pillugu peqqussummi §§ 42-mi 45-milu malittarisassat atuutissasut, *imm.* 5-imi ikaarsaariarnermi malittarisassatut siunnersuutigineqartup malitsigaa. Meeqqanut akilersuutit pillugit qinnuteqaatit inatsisip atortuulersinneqarnerani suliarineqartut, malittarisassat maannamut atuuttut malillugit

naamassillugit suliarineqartussaanerat ikaarsaariarnermi malittarisassatut siunnersuutigineqartup malitsigaa.

Naggataagut meeqqat pillugit Kalaallit Nunaannut inatsimmi kapitali 2 aamma 3, inatsisissatut siunnersuummi § 1 apeqqutaatinnagu, aammattaaq meeqqanut akilersuutit pillugit suliani atuutissamat, tassani Kalaallit Nunaanni meeqqat inatsiseqartitaanerannik inatsimmi § 6, imm. 2-mi siusinnerusukkut aalajangersakkat malillugit angut akilersuisussaataasutut isigineqarluni, aamma meeqqanut akilersuutit allangortinneqarnissaat pillugit qinnuteqaat inatsisip atortuulersinneqarnerata kingorna tunniunneqarsimalluni, aamma qinnuteqaatit taamaattut Kalaallit Nunaanni Naalagaaffiup Sinniisuanit suliarineqartassasut, *imm. 6*-imi ikaarsaariarnermik malittarisassatut siunnersuutigineqartup malitsigaa. Meeqqat pillugit Kalaallit Nunaannut inatsimmi § 6, imm. 2 malillugu angut akilersuisussaataut isigineqartillugu, meeqqamut akilersuutit pillugit suliaq taamatuttaaq malittarisassat maannamut atuuttut malillugit suliarineqartussaassasoq, taamaattoq suliat Naalagaaffiup Sinniisaanit suliarineqassasut, ikaarsaariarnermi malittarisassatut siunnersuutigineqartup kingunerissavaa. Meeqqat pillugit Kalaallit Nunaannut inatsimmi § 6, imm. 2 pillugu nalinginnaasumik oqaaseqaatini imm. 2.1.1.2 innersuussutigineqarpoq.

§ 6-imut

Angajoqqaat akisussaataanerannik inatsisip allangortinneqarnissaanut inatsisissasut siunnersuummi § 3-mi siunnersuutigineqartup, Savalimmiunut Kalaallit Nunaannullu atuutinginnissaa siunnersuutigineqarpoq.

Kalaallit Nunaannut tunngatillugu, angajoqqaat akisussaataanerannut inatsimmi aalajangersakkanik arlalinnik ilanngussisoqarnissaa siunertaralugu peqqussummi periarfissaliissuteqarsinnaaneq, taamaallaat Danmarkimi atorneqartussaasoq pineqarmat tamatumunnga pissutaavoq. Savalimmiunut tunngatillugu, inuit-, ilaqutariit- aamma kingornussisussaataaneq pillugit sulianut suliassaqarfiit savalimmiuni oqartussaasut tigusimammatigit tamatumunnga pissutaavoq, matumani angajoqqaatut akisussaataaneq pillugu inatsisiliorneq ilanngullugu.